

غير قابل للنشر

شريف أسعد

عنوان الكتاب : غير قابل للنشر
المؤلف : شريف أسعد
المراجعة اللغوية : حمدي فرج
الإخراج الداخلي : حضرة المديرية
رسوم وتصميم الغلاف : أحمد طومان
رقم الإيداع : ٣٤٥٥ / ٢٠١٦
ردمك : 978 977 6549 15 9
الطبعة الأولى: يناير 2016

المدير العام : هاله البشبيشي
مدير النشر: أحمد القرملاوي
مدير المبيعات : شريف الليثي



دار تويّا للنشر والتوزيع



dartoya2015@gmail.com



Dar.toya النشر و التوزيع



@Dar_Toya



Dar.toya



(+2) 01140899887 - (+2) 01000706014



٢٦٣ ش عبدالوهاب عبد اللطيف - كوبري القبة -
القاهرة - مصر

جميع حقوق الطبع والنشر محفوظة للدار

غير قابل للنشر

شريف أسعد

إهداء

«وإن لم أستطع أن أملك السعادة.. فسوف أصنعها».

إلى كل من أسهم - بإخلاص - في وضع ابتسامتي
على شفاه.. لا يبتغي من ورائها إلا رضا الله سبحانه
وتعالى..

أهديكم هذا الكتاب.

أولكم «أبي».. رحمت الله عليه.

مقدمة

هذا الكتاب ليس مجرد كلماتٍ وجملٍ تراصت لكي تدخل البهجة على قلب من يقرأها.. بالرغم من أن هذا - في حد ذاته - يُعد إنجازًا يستحق تمثلاً من البرونز يوضع مكان تمثال طلعت حرب في وسط البلد.. ولكن تعالوا نتذكر معاً عائلاتنا.. في خضم «هرس» الحياة للجميع وكأننا «كيلو طماطم» من أجل الصلصة.

وفي هذا السبيل.. يؤكد الكاتب مرة أخرى - كما أكد في الجزء الأول - أنه ليس مسؤولاً بأي شكل من الأشكال عن حالات الضحك المستيري التي تنتاب القراء.. ويُعلن خُلو مسؤوليته عن علاج الكسور الناتجة عن سقوط القارئ العزيز من فوق أريكة أو سرير أو مكتبٍ ضاحكاً.. كما يتمنى ألا يكون له أدنى صلة بتعليقات السادة القراء التي لا تنفك تطارده على شاكلة.. «انا لو اتطلقت حبيقي بسبيك»، أو «حاطرfd بسبيك»، أو «الناس بتقول عليا مجنون في المواصلات»، ومثل هذه العبارات التي لن يتحمل الكاتب مسؤوليتها على الإطلاق.. اللهم قد بلغت.. اللهم فاشهد..

سُرِف (أسعد)

تقديم

حقبة الثمانينيات والتسعينيات؛ تلك الحقبة الماسية التي كوّنت
لجيلٍ كاملٍ ذكرياتٍ متشابهةً إلى حدٍ كبيرٍ..

نحن عائلةٌ مصريةٌ بسيطةٌ كالسواد الأعظم من العائلات المصرية..
أسرةٌ مكونةٌ من خمسة أفرادٍ يقودهم الأب المصرى الصميم..
وترعاهم الأم الرؤوم لكل فردٍ في مصر.. وتتكون الذُرية من الأشقاء
الثلاثة.. أبطال المواقف والحكايات، ومخزن ذكريات اليوم والغد في
كل بيوت مصر على مر الزمان.

الكثير منا يشتاق إلى لحظات وسط الأب والأم والإخوة بلا
التزامات وبدون أعباء الحياة.. كم منا يتمنى يوماً واحداً بدون محمول
أو مُستقبلٍ رقميٍّ «ريسيفر»، أو مناقشةٍ سياسيةٍ تنتهى بـ«ست غرز
فوق الحاجب»!

اليوم نسافر إلى ذكرياتنا بشكلٍ ساخرٍ بسيطٍ، عبر مواقف عشتها..
وعاشها الكثير منا بشكلٍ أو بآخر.. اليوم نتحدث عن مواقفنا التي
خُضناها مع أصدقاء الطفولة والشباب؛ المواقف التي عايشناها مع
عائلاتنا الحبيبة.. المواقف التي تترك في داخل كل شخصٍ منا ما يجعله
يتسم حين يتذكرها.. اليوم أذكركم بكل أب وكل أم وكل أخ لكم..
تعالوا أقص عليكم قصصى..

الاعتراف الأول مطبوعة.. حربة.. عرب

المشاوير الى كان أبابا بيحب ياخذنا معاه فيها.. كانت بتبقى
مشاوير بعيد عنكم وعن السامعين كده عاملة زى أوقات التعذيب
فى أيام الحرب الباردة.

يعنى بدل ما نقول احنا خارجين مع أبابا.. كنا بنقول احنا رايعين
نتحاسب.

هو الراجل - الله يرحمه - مكانش بيعملنا حاجة الشهادة لله.. لكن
الأمور دايمًا كانت بتمشى على طريقة..

- انزل امسحلى إزاز العربية.. عشان مترب

- أبابا البواب مسحه!!!

- انزل يا حيوان..

- حاطر افنظم..

- اطلع البيت هاتلى منديل كلينكس.

- ممكن نشترى من السكة أبابا على فكرة!

- اطلع يا حيوان..

- ايتس اوكى أبابا.. آزيو ويش

- يوووه نسيت النضارة الشمس.. اطلع هاتها..

فرجها عليه.. وخطئى الوحيد انى عدت قصاد عرين الأسد الى
هو باب أوضة نوم أبابا.. وكان المفروض اخرج الصلاة.. إنما ساعة
القدر يعمى البصر زى ما بيقولوا.

تم وقوع الاختيار عليّ عشان ننزل أنا وأبأبا مشوار في المعادي الحديدة.

و طبعاً كانت الطقوس المعتادة من نزول وطلوع بتاع خمس ست مرات كده آخرها كان..

- اطلع طلع لماما المشبك ده عشان معايا بقاله اسبوعين فى العربية.

- أبابا احبيبي.. ولما هو معاك من اسبوعين ما طلعتوش ليه وانت

راجع من الشغل حضرتك؟؟!!

- نسیت.. یاللا اطلع طلعه.

- أبابا احبيبي هاته حخليه في جيبى واديهولها لما نروح..

- دلوقتی یا حیوان..

- حركبه حلق في ودانی وان شالله تررق وتنشف وتقع بس خلینا

لما نرجع أبابا!!!!

- دلوووووقتی.. یاااا.. حیواااااااااا

[illegible]

السلم خلاص من الطلوع والنزول.. وصابونة ركبتى بقت بتزيق

بصوت الخشب الباركيه القديم يا ختاناااااااااااااي..

- امشی اطلع بقول..

- حاطر أفنظم.. لو اتأخرت عن خمس دقائق اتصل بالخانوتى والمغسلاتى والندابة والناس الى بتعمل فى ذات المجال ذوى العلاقة دول.. وبلغهم ان عندهم طلعة.

وطبعًا.. زحفت لحد الخامس.. وكان هاين عليّ انط من البلكونة بدل النزول على السلم.. ولما نزلت.. كانت المفاجأة الكبيرة..
أبأبا واقف جنب العربية.. وفتح الكبوت ويبص مش فاهم أى حاجة طبعًا.. والعربية ساكتة سكوت القبور..

- خير أبأبا؟!

- مش عارف.. العربية بطلت مرة واحدة لوحدها.

- أكيد من الطلوع والنزول على السلم..

- بتقول ايه يا حيوان؟

- لا أبأبا بقول أكيد عطلت ان شاء الله ومش حنروح المشوار الحمد لله.. ومش حقدر اطلع البيت دلوقتى وعهد الله.. أنا حقعد أسبوعين نقاهة فى الشارع.

- لا.. ده مشوار مهم.. ولازم نروح.. حناخد تاكسى.. ولما ارجع ابقى اشوف العربية مالها.

- ما بلاش التاكسى أبأبا.. بدل ما انزل انا ازقه فى الآخر انا عارف حظى.. تعالى نركب ميكروباص من الى بركبه وانا رايح النادى..

- أنا اركب ميكروباص يا حيوان؟؟؟؟؟؟!

- أبأبا ده كويس جدًا.. وسريع.. وحنوفر فلوس التاكسى..

وبيعدى من قصاد البيت اهو.

- مميمم.. يعنى انت مجربه؟؟

- طبعاً أبابا.. كل يوم بركبه انا واخواتى واحنا رايمين النادى.

- طيب وقف لنا واحد..

- لا أبابا!!! احنا مش حناخده لوحدينا.. احنا حنركب مع الناس.

- طيب.. لما ييجى شاورله..

- حاطر افنظم.. سوف ألّوح له.

وقفت مفيش دقيقة الميكروباص عدى.. شاورتله.. وقف..

فتحت الباب لأبابا وانحنيت كنوع من أنواع المراسم الملكية لركوب
الحاج ميكروباص لأول مرة من يوم ما ولدنى تقريباً.

ودلف أبابا إلى بدن الميكروباص.. واندesh لثوانى ازاى الناس
الى قاعدة ورا ما سقفتش... بس انا طلعت جنبه فى الكنبه الى ورا
السواق على طول وقلت للسواق فى صوت جنائزى مهيب: «الى
منطقة العرب يا اسطى».

طبعاً الميكروباص كان لسة بيحمل لأننا تقريباً أول الخط.. والناس
بتركب فى السكة.. وأبابا بيتفحص الميكروباص بعيون مالياها الانبهار
وكأننا راكين عربيه القطين الى كانت الساحرة عاملاها لسندريلا
وهى رايحة تتوكس على عنيتها وتسهر مع الأمير فى كازينو الشجرة.

أنا سبتة خالص بقى اهو يقضى وقته فى أى حاجة غير انه يعذبنى..

لحد ما الميكروباص اتحلا..

ساعتها أطلق السواق النفير العام المكرر فى كل وردية بعد امتلاء
الميكروباص:

- الأجرة ورا مع بعضكم يا حضرات..
وبدأت مراسم لم الأجرة.. عادى.. وابتدا الى ورايا يدينى الأجرة
الى بيلمها من الناس مع الجملة المصاحبة:

- واحد من خمسة..

- اتنين من عشرة..

- واحد من عشرين..

- واحد خالص..

وانا بمد إيدى آخذ الفلوس.. أبابا لقيته بيزغدنى فى ضلوعى
وبيميل علىّ ويقولّى فى غضب مكتوم مكبوت:
- مالکش دعوة بالأجرة..

طبعا انا بصيت له بصة مش فاهم أى حاجة خالص!

- ادّى الفلوس للسواق وبس.. ما تلمش الأجرة..

- ليه أبابا؟؟؟ انا بعرف احسب كويس.. وبعدين كل مرة بعمل

كده عادى!!!

- بقول مالکش دعوة يا حيوان.

- أبابا ما ينفعش.

وأثناء الزغد المتكرر الى ابتدا يعمل حفرة فى ضلوعى.. كانت

الناس ما زالت ترسل التبرعات من ورا مصحوبة بالنداءات

المتعارف عليها..

- اثنين من خمسين..

- واحد من العشرة خلاص؟ الباقي فين؟

- باقى الخمسة يا اسطى.. عشان نازل..

طبعا انا لسة بمديدي وأخذ الفلوس ولسة بعد.. وأبأنا نازل زغد

في ضلوعى مخلينى فاقد القدرة على التنفس أساسا.

وعنها.. ابتديت اتوتر.. ورحت مدي الفلوس كلها للسواق كبشة

واحدة.. عشان اخلص من الزغد المتواصل الى مبلغنى قلبى..

راح السواق رادح طبعا:

- إيه ده يا جدعان؟! ما تلموا مع بعض كده وخليكو حلوين.. لم

يا أستاذ الله يكرمك.. يعنى أنا اسوق والا اقعد احسب؟!!!

طبعا.. اذانى الفلوس مرة تانية ومديت ايدى اخدتها.. وبصيت

لقت أبأنا ببصلى بصة طائر الرخ الى لقي السندباد بيرسم قلوب

باللون الساكلاماه على بيضه.. مرحلة ما قبل الافتراس بثنائية.

ابتديت اتوتر زيادة.. مع نداءات الركاب ورا المصحوبة بالقلق..

عشان الى قرب ينزل وعاوز الباقي..

- الباقي فين يا اسطى؟

- يا اسطى باقى الخمسين فين يا اسطى؟؟؟؟!!

- ما تبعت باقى الثلاثة من العشرين عشان نازل يا

اسططططططططططط!!

وهو ثابت على موقفه ما شاء الله.. زغد زغد زغد أما ضلوعي
الشمال عملت حُرْم مكان الحجاب الحاجز.
أنا بقي قلت ما بدعاش.. ورحت متعامل بقي.. وانطلقت.

- اثنين من الخمسة معاك.. اااااه

- خمسومية من الستين.. يا ختاللي ضلوعو وعي

وهوب في اربع دقائق.. كله أخذ فلوسه.. وبقى مريض.. لكن كانت في مشكلة.

بتاعة ميسيين؟؟؟ ما اعرفش..

وبصوت مسرع.. سألت وكأني واثق الخطوة يمشي بغلاً:

- حد له باقی؟؟؟

صوت نقيق ضفادع في صمت الليل البهيم.. يا بهيم..

- يا جماعة.. فى حد له باقى؟؟ أرجوكم!
تصفير خفيف تحت نجوم ليلة ما طلعلهاش قمر.
الناس ابتدت تنزل.. الميكروباص ابتدا يفضى..
مكان الزغد ابتدا يجيب دم وأبابا عاوزنى اتصرف بسرعة.. وانا
معايا عشرة جنيه ومحدث عارف دى بتاعة مين..
السواق أخذ أجرته.. الركاب بيدّعوا كذبًا انهم أخذوا الباقي..
بس لو اعرف مين الى ناسى فلوسه.. حشمطه..
وابتدا الميكروباص يقرب من خط النهاية.. والناس ابتدت تنزل..
وانا ابتديت امسك فى بنطلون كل واحد وهو نازل واسأله فى توّسل:
- مالکش باقى ياعم وحياة عيالك؟ قول آه.. قول آه وخد
الباقي.. حُطهم فى جامع..
- يا حاجة الباقي الى معاكى مضبوط إلهى يسترک؟؟ مش حتعرفى
تشتري البامية انا بقولك اهو..
- شوف يا أستاذ الباقي بتاعك كده تمام والا تاخذنى تربينى مع
الأولاد والمدام؟
والكل مجمع على إن الباقي بتاعه مضبوط!
وخلا الميكروباص من الركاب.. باستثناء أبابا وفقيد الشباب
مُقدّمًا شريف أسعد.
قعدت بصيت قصاڊى بصة الى «انا اهيل أصلاً ومش فاهم
حاجة».

إنما الزغد الى جالى المرّادى كان حيخلىنى ارجّع بنكرياسى من
بؤى.. أنتزع الهواء من رثتى انتزاعاً وأبابا يقرب منى وبيقول:
- مش انا يااا حيوان.. قُلتلك مالکش دعوة؟!
- أبابا دى أول مرة تحصل.. وبعدين على يدك اهو.. مفيش حد
نطق.. كله مَرضى.

- مَرضى؟؟؟ انت بتحاسب نقاشين يا حيوان؟؟؟؟
- طب أعمل ايه بس أبابا؟؟؟
- ما اعرفش.. اتصرف.. بس أما نروّح انا هوريك.
- طب انا مالى طاه أبابا؟؟؟؟؟؟
- اخرس يا حيوان.. أنا قلتلك من الأول مالکش دعوة..
- طب ايه رأيك أبابا ننزل عادى ولا من شاف ولا من درى..
- بتقول ايه يا حيوان؟؟؟ عاوزنى ازوغ من الأجرة؟؟؟!
- ما هو السواق خلاص مَرضى أبابا!!!
- انزل.. انزل يا حيوان لما اشوف حاعمل إيه.. ما انا أصلى مخلف
بغال.. على جنب هنا لو سمحت يا اسطى..

ونزل أبابا من الميكرو باص وهو بيزقنى قصاده وكأنه نفسه ينزلنى
قصاد عربية نقل تشوطنى بس للأسف كنا نازلين على الرصيف.
ولفّ.. راح للسواق.. وطلّع من جيبه عشرة جنيه ونص..
واداهاله.. وفهمه انه مخلف عيل عنده تأخر ذهنى وعقلى.. واتبقى
معاه فلوس.. ودى العشرة جنيه.. وده النص جنيه بتاع الأجرة..

انت راجل محترم.. وربنا يشفيلك ابنك.. ويخلف عليك بغيره..
ويدخلك الجنة به..

وبعدها أبابا اخدنى واتمشينا ناحية المكان الى رايحينه وعلى وشه
غضب مكبوت.. وفي نص السكة قالى:

21

الاعتراف الثاني طائرات عملاقة

ورقتين من نص الكراسية.. إقطع.. إتنى.. وتعمل أحلى طائرة ورق تحذفها وتطير لبعيبيد.

أجازة الصيف ورغبة ملحة اننا انا واخواتى نستغل سماء فضاء الميدان الواسع قصادنا ونعمل عرض جوى للطائرات الورق من كراسات السنة الدراسية الى خلصت.. واهو منها ننتقم من الكراسات بالمرّة.. ومنها ننسب طالما قاعدين النهارده فى البيت منعاً للكوارث الى بتحصل اما نخرج برة باب الشقة..

طبعا كانت المنافسة الشريفة بينى وبين اخواتى بتقودنا بسرعة إلى ان كل واحد فينا يحاول يزق التانى من البلكونة عشان يفوز بمسابقة «الأفضل هبوطاً من الدور الخامس زرع بصل».. كان الغل واضحاً جداً انى أحسن واحد بيعمل طائرات ورق.. وبتطير لمسافة بعيدة جداً جداً فى الميدان..

وأقعد انا بقى اتفاخر بكل تواضع ورقى واقول لاخواتى:

- هع هع هع هع هع.. ياللا يا قراطينيس.. هع هع هع

وترجع تانى محاولات المنافسة الشريفة انهم يزقونى من سور البلكونة عشان هما بيحبونى قوى وعاوزينى افوز بالجائزة الأولى..

والأخيرة طبعًا..

بعد ما يقرب من مرور ساعة على خوض غمار منافسات الصواريخ الورق.. كان لازم الأمور تبدأ تاخذ منحني أكثر احترافية.. قعدنا نفكر كثير ممكن نزيد نسبة الاستمتاع ازاى؟؟؟

والحمد لله.. قدرنا نجوّد في المسابقة.. وتوصلنا إلى عمل مسابقة جديدة وأطلقنا عليها عشان الإعلانات مسابقة «انقذوا الطائرة المشتعلة»..

تيجى تقولي: لو سمحت تفاصيل المسابقة؟ وكراسة الشروط..

أقولك: ما اطولش عليك..

تقولي: يا سيدى طول..

اقولك: هههاااa

اكتب ورايا.. المقادير: طائرة ورق.. عود كبريت.. يقفش فى ديل الطائرة.. تحدف ديل أم الطائرة فى الشارع.. تحاول تطفئها عن طريق كيس نايلون فيه مية ومربوط..

منتهى الاحترافية فى اختيار المسابقات.. تيلي ماتش والله منها تنفرج على ركاب الطائرة وهما بيولعوا.. ومنها تتعلم النشان بالكيس النايلون..

طبعًا تسع أعشار ركاب الطائرات ماتوا والعين للأسف.. لأن مرحلة تعلم النشان أخذت وقت طويل نسبيًا.. واللى نجى من الموت حرقًا.. مات من آثار الاصطدام بتاع الكيس أساسًا.

بعودة الطائرة.. في حالة اختراق المجال الجوي للبلد.. سوف تقوم الطائرات الحربية بالمقشة في إسقاط الطائرة فوراً وبدون تحذير.. السواق الواطى.. لكن طبعاً.. عربيات المطافى النايلون كانت في انتظار حركته النص كم.. وفعلاً..

أدرك الطيار ان رجوعه للمطار بالطيارة الوالعة.. سيكون سبب رئيسى فى إننا نسقط الطيارة بركابها بسلاطاتها بابا غنوجها فى جنية البيت بلا أدنى رحمة..

فقرر الملعون انه يغير مسار الطيارة..

- رایح فین یا عم؟؟؟

- على البلکونة الی تحتیکم یا أوباش..

- خووووود.. خووود اقولللك.. إحنا آسفیین یا ختااای..

وقبل مشهد برج التجارة العالمى بعقد كامل من الزمن .. اقتحمت
الطيارة المشتعلة البلكونة الى تحتينا الى كانت فارشة مراتب وبطاطين
وملايات ومخدرات فى الشمس ..

وبدأت الكارثة..

طبعاً.. مفيش داعى احكى عن محاولات الأكياس النايلون الى انطلقت كالسهم لكن رب العرش نجّى الطيارة منها بقدره قادر..

مش ححكى برضه على البستلة الحديد الى اتحدفت على الطيارة
لمحاولة لحاقها قبل دخول البلكونه انما يشاء السميع العليم انها برضو
ما تلحقهاش وتنزل تهتك عرض عريية مركونة فى جراش العمارة

- احنا کمان حنولع وحنندبح .. یا ختااااااای ..

- سیبوهم یلقوا مصیرهم..

- فرجینینیا یا ختاااای.. یا جمیلة الجمیلات یا ختاااای..

وفجأة.. توقف الزمن.. على صوت صراخ.. صادر من البلونة المحروقة..

هنا.. تحولت الياختااي.. إلى أحسسه..

حيكون في ضحايا واضح.. حيحرقوهم وهما بيصلوا!

اليوم يومك يا دمشقى.. وأصل انا كان ليا حالة اسمها حموءة ماتت محروقة.

طبعاً.. قرار موحد.. بعدم خروج البلكونة.. والانخراط في الدعاء للضحايا.. المتوفين المحروقين.. والضحايا الى حيثوفوا كما ان شوية بالمرّة لما ابوهم يرجع من الشغل..

البدء في التحضير للمراسم الجنائزية أمر لا بد منه..

تخيل شاهد القبر في أرضية الصالون كان ميكافيلي خالص..
تغيير ألوان ورق الحيط في عيوننا ليتحول إلى ألوان فراشة الحبح سعيد
وأولاده.. مع مرور واحد أسمر ييقدم شاي وقهوة سادة وكوبايات
مية من الحنفية..

لطم لطم لطم مستمر.. لمدة ساعة..

ثم هووووووب..

توقف الزمن مرة ثانية.. مع صوت دقات الباب مُعلنًا وصول

الاعتراف الثالث فاظة الملك

«ومصطفى عبده ماشى.. ماشى.. عدى من واحد.. ولعب الأوفر.. وهوووبالالال.. جووووووول»..

لا طبعاً ده مكانش صوت التليفزيون.. ده كان الوصف التفصيلي للماتش اللى بنلعبه انا واخواتى بالكورة الراكِت الصفرا فى البيت لحد ما صحابنا يخلصوا غدا عشان ننزل نكمل لعب فى الميدان..
دى كانت الطقوس اليومية فى أجازة الصيف وطبعاً كانت فى الوقت اللى لسه مدير عام الأستاذ بتاعنا السيد/ عبدالعزيز أسعد.. أبابا.. حبيب قلبنا لسه ما رجعش من الشغل.

لأنه لما بيرجع من الشغل بيتحول البيت لمتحف شمع مُصَغَّر..
يا حيوانات ممنوع الصوت.. عشان انا جاى تعبان من الشغل..
يا حيوانات ممنوع الضحك.. عشان انا جاى تعبان من الشغل..
يا حيوانات ممنوع التنفس.. بقول انا جاى تعبان من الزفت..
وقبل كل ده لو عرف اننا بنلعب كورة فى كل أركان الشقة..
احتمالية انه يطلق أماما حتبقى أكبر بكثير من انه يرمى الكورة فى الشارع.. وكل ده لأنه خايف على «فاظة الملك»..

طبعاً فاظة الملك دى مش نوع حلويات زى صوابع زينب وعيش

السرايا ولقمة القاضي والكلام ده.. لا.. دى فافزة حقيقفة كان داففًا
أبابا ففولفنا وهو واقف قصادها فى مكانها الممفز فى أوففها:
«الفافزة دى بفاعة الملك فؤاد.. إفاها لجدف هففة لانه حافظ على
كنز الملك فوف عنخ آمون من سرقة الأفانب وفف اكفشافها..
فاهمفن فا ففوانات؟؟»

طفبفًا احناف فى نفف واحد: كرفففال افنظم.
الفافزة دى كانت لها أولوفة قفوف فى كل ففركافنا.. فعنف..
حنلعب كورة؟؟ فففل الفافزة أوائل..
حنلعب اسفغوماف.. فا هشام.. نزل الفافزة فف السرففة
حنحذف بعض بعضف المقفشات.. فا شرفف فط الفافزة وراف كرفف
الشوفوفرة..

إلى أن جاء الفوم الاغبر المزعب الى نففنا ففه نرافع إفرافا
السلامة المهنفة قبل مافش نهافف بفولة دورف أبفال الطرفة.. وبدا
المافش.

ومصففى عبفه عفف.. وعفف من الصالة.. وماشى.. وقرب
من رافة الكورنر عنف البلكونة كفه.. وهوب عمل الأففر فوه أوفزة
أبابا!!!!!! وهوووب.. الخففففب.. أفففففف.. ففل بفماغه فى
العارضة!! قففى الفافزة!!

الفافزة لفف على الطرافزة ومصففى عبفه عنف الكورنر بفلفم..
والخففب مففرش الأرض بففف للفافزة أففه بففف لشرف عمره الى

«الأمير»..

لا مش ابن الملك بتاع الفاظة..

لا برضه ولا بتاع الجماعة إياها.

دى أنبوبة كده كنا بنلرزق بيها أى حاجة وبعدين نقعد بقيت الشهر

مش عارفين نشيلها من صوابنا.

كنت بحب اسميه.. هاتك عرض البصمات.. الله أكبر عليه كان ما

يخليش حاجة باقية من الكف غير الضوافر.

جرى رحنا جنباه.. وجرى برضه انتشلنا أشلاء الفاظة بتاعة الملك

النعمان..

وعالجنا البوز الى اتكسر باللرزق.. وحطينا الفاظة مكانها..

وجلسنا ننتظر نحبنا.. إلى أن جاء العيد اهو جاء العيد.

دخل أبابا.. وألقى تعليقاته المعتادة.. مش عاوز صوت يا حيوانات

عشان جاى تعبان من الشغل.. إلى آخره.. ودخل الأوضة.

أولاً.. سمعنا صوت شهيق كاد يشفط معه سجادة الطريقة..

وخليك متعاون معايا ومشيه شهيق..

ثانياً.. شهيق تانى أجهد من الشهيق الأولانى بس ده كان استعداداً

لإطلاق نداء يُنافس إطلاق الصواريخ المتجهة للقمر وكان نفسنا

نكون على متن الرحلة دى إنما مفيش نصيب وحنموت جلدًا

بالجزمة..

ثالثاً.. يا شريييييف تَرْج أركان المنزل وتخلى خدودى تتهز أكنى

مظلي ناطط من ارتفاع ٤٠ ألف فرسخ.

رابعاً... يا ختاً!!!!!!!!!!!!!!!!!!!!!! مع محاولات التقاط أوكسجين مالوش
أثر أكننا على سطح كوكب الزهرة.. الزهرة الى شبه الى حتتخط على
شاهد قبري.

خامساً.. محاولات مستميتة لسحب وجرجرة الأقدام كانت
حاتحتاج اتصالات بشركة المقاولين العرب عشان يجيبوا لوادر تحرك
رجلينا من مكانها..

سادساً.. الوصول لغرفة أبابا الى واقف وقفة جزار مستنى
الدييحة..

سابعاً.. وصول الدييحة.. يا ختاً!!!!!!!!!!!!!!!!!!!!!!

- إيه يا حيوان الى حصل للفاضة؟!!!!

- أبابا.. أبابا.. أصل أبابا..

- انطق يا حيوان بدل ما اخلى وشك شبه مخلفات معركة مرج
دابق.

- أبابا كنا بنساعد أماما وبننصف الأوضة.. فا.. فا..

- تقوموا تحركوها من مكانها يا حيوان؟ دى مخطوطة فى المكان ده
من قبل ما اتزفت واخلفكم..

- !!!!!!!!!!!

- إياك حد يحرك الفاضة تانى.. فاهم يا حيوان؟

- إيه ده؟ هى اتحركت؟! الشقية.. هاهاها.. شربات أبابا..

شربات.. دی آخر مرة أبابا.. إن شالله يكرمك يا رب ويكفيك شر
أوفر مصطفى عبده..

- ايه يا حيوان؟!

- لالا لالا مفیش.. یا ختااااااااااای..

الخطوط الجوية الورقية

#كأرة الرحلة رقم سبعون وواحد المتجهة الى العباسية

کون ایہ ۷۱ اللہ غیب

059999999999 #

الاعتراف الرابع ميرى سلك مواعين

«وى ويش يو أمانى وعصمت، وى ويش يو أمانى وعصمت، آند
هانى ابراهيمييم»..

دى كانت الأغنية الرسمية الى كنا بنغنيها انا والعيال صحابى فى
راس السنة، ويا جماله بقى اما ييقى تانى يوم صابح جُمعة..
الله على اللعب ليلة الخميس فى الميدان مع العيال اخواتى
واصحابنا..

احتفالات كرنفالية ليس لها أول من آخر.. كل بلكونات الميدان
كان اصحابها ييقضوا طول الليل فيها واحنا فى الميدان، مش عشان
يتفرجوا ويستمتعوا وجو فيلم هوم الووح الى بييجيوه كل سنة بلا
رحمة اما بقينا نمثله سيناريو وحوار واحنا مغمضين.. لا..

انما كانوا ييقفوا فى البلكونات عشان ينعلوا سلسفيل جدودنا لأننا
عاملين دوشة وده وقت امتحانات طبعًا زى ما كلنا عارفين ومحتاجين
يناموا عشان يصحوا يذاكروا لعيالهم الى حتسقط حتسقط، مفيش
فايدة.. المهم احنا طبعًا كنا بنرُد بكل أدب وتربية وأخلاق على كل
واحد يزعق من البلگونه ونقوله:

- حافظظر اعموووووووووووووو

وهاتك يا لعب بعد سكون للمدة المطلوبة لقطع مسافة دخوله
وقفله للشيش والشباك.

وعودة إلى اللعب والصراخ وتمثيل ادوار فرانكنشتاين والمذؤوب
والمذلول عشان المذاكرة ومصاصى الدماء زى الأهالى الى بتعض
عيالها أثناء فترة الامتحانات..

فى أحد احتفالات الكريسماس فى الميدان كان لازم يكون فى
افتكاسة مع العيال صحابى لأن الكريسماس ما ييقاش كريسماس الا
اما تحصل فيه نصيبة سودة، ده العادى بتاعنا.. عُرف فى المنطقة عندنا
تقريبًا.

قررنا ان السنة دى تكون الاحتفالات عن طريق الألعاب النارية..
الله.. الله.. الله..

طبعًا على أيامنا مكناش نعرف نجيب ألعاب نارية ولا قرد.. آخرنا
الخرطوش ابو نص جنيه الاحمر ده الى يفرقع فى إيديننا ونفضل
نتعالج منه شهرين بمرهم حروق ده.. زى العبوات المتفجرة محلية
الصنع بتاعة اليومين دول.

طيب الحل إيه؟؟؟

سلك المواعين.. طبعًا!!!! ده أفضل احتفال بألعاب نارية..
جرى على البقال.

- لو سمحت يا عمو عاوزين تمانية كيلو سلك مواعين..

- تمانية كيلو؟ ليه حتتاجروا فيه؟؟؟

نفهم انه غبى وحيموت محروق ليلة الكريسماس زى فريجينيا جميلة
الجماليات اما وقع عليها البرج المضاد للنار وبقت شبه سعيد امباليه..
قررنا نحاصره ونطفيه عنوة البعيد.. وهو حس ف ابتدى يجرى
والحماسة قاتلاه وقرر انه لو حيتمسك من الفرقتين ف لازم يكون فى
ضحايا.. وقرر يفجر نفسه عند كراتين السلك الى جايينها.. وهو
عمال يلف إيده على سبيل التهويش ومحدث ييجى جنبى وحموت
الرهائن وكلام اهطل كتير من البعيد.. وأخيراً.. النار فعلاً مسكت
فى المخزون.

ثمانية كيلو الا حاجة بسيطة ولعت الساعة ١١ بالليل..

النار عليت.. وعليت.. وعليت..

ابتدينا نفكر جدياً نمسك معتر نحدفه وسط النار.. مش نطفيه..

إنما النار عليت.. وعليت.. وعليت..

وابتدت تمسك فى الزرع الى طالع من سور الميدان..

ابتدينا نستغنى عن فكرة حرق معتر ونقرر نقطعه حتت لان كده

الموضوع كبير..

إنما النار عليت.. وعليت.. وعليت.. ويا ختاً!!!!!!!!!!!!!!

وابتدت تمسك فى شجرة كبيرة وسط الزرع الى طالع من سور

الميدان..

ده كان موعد قبلة منتصف ليلة الكريسماس.. وفى حالتنا.. ده كان

موعد عضه منتصف ليلة الكريسماس.. موعد الهروب.. المعادى

غالبًا حتولع.. واحنا السبب.. احنا الحمد لله حنقضى على حضارة
منطقة بقالها قرنين من الزمن عشان معتز اهل.. سيننا معتز بيولع..
والسلك بيولع.. والزراع بيولع.. والشجرة بتولع.. وعلى البيت زى
المجانين.. فى دقايق.. كانت الناس خرجت من البلكونات وابتدت
تصرخ.. وسط ظهور سريع لرجال المطافى الى يبعدوا عن بيتنا عشر
دقايق مشى ونص ساعة بعربية المطافى.

طفوا الحريقة.. وسط استغراب تام من السكان واستفسار عن
سبب الحريقة وغموض الموقف تمامًا..

أبأبا كان واقف فى البلكونة بيتابع رجال المطافى يطفوها..
وبيتأكدوا انها خلاص.. وانا واقف جنبه مذهول وهو يقول:

- يا ترى مين الحيوانات الى عملوا كده؟؟؟

- أكيد يا بابا شوية عيال مش مصرية معندهاش دم.. أخش انا بقى
اكمل فرجة على فيلم هوم ألوح عشان متابعه من العصر كده.. الدنيا
برد قوى أبأبا..

هع هع هع هع هع هع

العيال حول ندهان_اللمونيا_فى ليالى_الشتاء_الباردة

حتولع_يا_معتز_إلهى_تولع

//////////////////////////////////////

كانت_آخه_مده_المس_سلك_اللمونيا_فى_حياتى

ولأن «أبابا» معندوش وقت لإجراءات الطلاق ووجع القلب ده.. كان بيتصرف تصرف تانى..

ياخذ نفس عَمِيسِيْسِيْق.. ويطلق النداء الأسمى في تاريخ المنزل.. المصحوب بذبذبات ذات ترددات تساهم في إسقاط شعر ريش العصافير الى على الشجر الى قدام البلکونة عندنا..

النداء ده.. باللهجة دى.. بالديسيل ده.. بيدفعك انك تلبيه مها
كانت حالتك.. نايم؟ تصحى.. بتاكل؟ تسب الأكل.. فى منتصف
التواليت؟ كمل على روحك.. بتقع من بير السلم؟ طير واطلع تانى
مفيهاش حاجة..

ويبدأ «أبابا» قصاص «أماما» يشرح لي أنا واخواتي قد إيه هو كان بيتمنى اولاد لكن ربنا ما أرادش ورزقه ببغال.. وقد إيه البرسيم غالى وإنه مضطر يتجه الفترة القادمة لاستخدام التبن.. وإننا لازم نراعى وجبات العلف الى بتقدم إلينا يومياً.. والى «أماما» بتحتاج فيها إلى استخدام «البوتا جاز»..

44

طبعاً التنويه السابق من «أبابا» كان مصحوب بأوامر ميدانية.. اننا نتصرف.. وننزل نشوف حد من بتوع البوتاجازات اللى فى السوق.. ييجى معانا عشان يصلح «البوتاجاز» إلهى يولع.. لا لا.. إلهى ما يولعش..

على الفور.. توجهت إلى السوق.. فى ربع ساعة كنت هناك.. سألت عن حد بيصلح «بوتاجازات».. دلونى على «عم شاكر».. حلو اسم عم شاكر ده.. ده أكيد راجل من اسمه كده بشوش.. ومتفائل..

وصلت لدكان «عم شاكر».. لقيت الدكان قديم جداً.. يمكن من العصر البلشوفى!!!

وعتیییییق.. وفجأة.. لاحظت حد قاعد فيه.. أثر من آثار دهشور.. إيه اللى جاب مومياء الملك «فورشيخ» هنا فى الدكان؟!!!
- لو سمحت.. لو سمحت.. فين عم شاكر؟؟

- انا عم شاكر يا ابنى عاوز ايه؟

- لا.. عم شاكر بتاع البوتاجازات.. مش عم شاكر بتاع الجنازات!
- بتقول ايه يا ابنى مش سامع؟!!

- لا ما بقولش حاجة.. هو يوم باين من أوله..

طبعاً.. احتجت حوالى نص ساعة عشان اشرح لعم شاكر.. انى إنسان من كوكب الأرض.. وإن الكوكب ده فيه حاجة اسمها «بيوت».. الناس بتسكن فيها.. واننا عندنا بيت من البيوت دى..

عشان يفكر أصلاً مش يتحرك.. وبعدين بيتحرك بطيش بقى..
بسرعة خطوة فى العمر.. وما بين كل خطوة خطوة كان بيحتاج
ياخد مليونام أجازة تقريباً.. راحة سلبية زى فريق تشيلسى كده!!
على العصر بعون الله.. وصلنا تحت البيت.. بعد ما كنت انا كبرت
فى السن فى السكة.. وعم شاكر مش محتاج يكبر عن كده.. خلاص
هو جاب آخره فى العمر.. ده الماكسيم بتاع الموديل ده..
وقف عم شاكر تحت العمارة يريح من السكة الى انا خدتها رايح فى
ربع ساعة.. وراجع معاه فى سنة ضوئية.. وقف وسألنى:

- انتم فى الدور الكام يا ابنى؟؟؟

- احنا فى الخامس يا عم شاكر..

- يااااااااااا.. هى العمارة دى ٥ أدوار؟

- آآآ.. شوف التطور.. معلىش انا عارف ان نظرك جايب الدور

التانى بس.. بس خليك معايا ما تعملش شط داون دلوقتى.

- طيب يا ابنى.. استعنا على الشقا بالله..

وبدأنا رحلة الصعود الى مكنتش عارف انها تقريباً حتاخذ نفس
الوقت الى اخدته الزرافة فى التطور من مخلوق قصير الرقبة إلى رقبة
وطالعلها مخلوق..

وعلى الجانب الآخر.. كان «أبابا» فى الشقة فوق هو و«أماما»
أخدوا قرار نهائى انهم يبلغوا البوليس انى اتخطفت.. ويبلغوا
البوليس ان الخاطفين لو طلبوا فدية مش حيدفعوا ولا مليم.. وإن

الوقت عشان يوفر شحن البطارية ويخدع الأعداء.. وقتلتها:

- متخافيش أماما.. هو مطفى بس.. حنشغله دلوقتى..

بعد مرور نص ساعة.. جينا فيها لعم شاكرا لمون.. ومية ساقعة..
وشاى.. وساندوتش جينة.. وكنا حنغيرله ونلبسه جلابية من
جلاليب أبابا.. وإخواتى بيهووله بالجر ايد عشان النفس.. وانا كنت
ابتديت ادلكله ركبه لأن واضح انها ناقحة عليه.. وأبابا قاعد بيقرا له
قرآن.. ابتدا عم شاكرا يفوق شوية.. وبصلنا وبص لى باستغراب
وقال بصوت واحد مات من فترة:

- أنا فين؟؟؟

- مرحباً بك فى الجنة يا عم شاكرا.

- إيه؟؟!!!

- هاهاها بهزر معاك يا عم شاكرا.. شربات انت.. شرباااات..

تدخل أبابا فى الحديث بسرعة بزغد فى ضهرى خلعلى مفصل
كتفى من ناحية بيت اللوح.. وكلم عم شاكرا وقاله على موضوع
البوتاجاز.. وإن الإشعال الذاتى فيه بايظ.. وإن الحيوان - اللى هو انا
- كنت المفروض اعمل حساب سنه وإنى ما اجيبوش المشوار ده..
وطبعاً عم شاكرا.. وضح لـ «أبابا» انه أول مرة يسمع كلمة إشعال
ذاتى دى أصلاً.. وإنه مايصلحش الحاجات دى لأنها متقدمة
ومتطورة وشغل كهربا وهو ما يوعاش على الكهرباء.. وإنه بيشتغل
فى شغل البوتاجاز بس..

یا ختااااااااااااااااااااای.. دا أبابا حینفخنی..

طبعاً «أبابا» بصّلى بصة ان مفيش فايذة فيّا.. ودخل أوضته..
جابه من الدولاب فلوس وإداها لعم شاكرو.. وعم شاكرو راسه
وألف جزمة أبداً.. انما «أبابا» صمم.. وبعدين راح «أبابا» لافف..
وراح مديني فلوس انا كمان!!!

- إيه ده؟؟؟ فلوس؟؟؟ ليا أنا؟؟؟ أنا كنت حاسس انى اتصرفت
صح المرة دى.. ربنا يخليك أبابا.. عشان تعرف انك مخلف رجالة
اهو.. ربنا يخليك يا رب..

- تاخذ الراجل ده قبل ما يتوفى.. وتركب معاه تاكسى يا حيوان
وتنزله قصاد باب المحل.. وانت بقى.. ترجع مشى وتجيلى الباقي..
واللى حتدفعه للتاكسى مخصوم من مصروفك..

[illegible]

٢١ المصروف

shakr the dog #

شاکر وأولاده لتصلیح یوتاجازات انسان الکھف

- ألف ألف نهار ابيض أبابا.. مبروك عليكم وعلينا.. ويا رب كتر
أفراحنا.

- احنا لازم نستعد يا شريف..

- نستعد ازاي يعني؟ نسند العدد أنا واخواتي وهو نازل يعني؟

- إخرس يا حيوان.. لازم الناس كلها في المنطقة تشتري المجلة.

- بسيطة.. طيب احنا حنقولهم كلهم أبابا.. إطمئن..

- لا لا لا.. أنا عندي فكرة تانية خالص..

- استر ياللى بتستر.. حجزت لنا في مستشفى طيب أبابا والا

حتعالج في البيت؟

- بس يا حيوان.. بكرة الصبح.. انت واخواتك.. حتزلوا قبل

الساعة ستة الصبح.. تلمّوا كل المجلات من كل بياعين المجلات الى

في المعادى.. وتبقى في منطقتنا احنا بس في المعادى.

- هو في بيع جرايد جديد حيفتح تحت البيت أبابا؟؟؟

- لا.. إنت واخواتك البغال دول الى حتبيعوها.. وكل نسخة

تتباع.. تقول للى شاريها ان باباكم كاتب فيها..

- أنا ممكن اقف عريان ملط في طشت في الميدان تحت البيت أبابا

وما اعملش الى بتقول عليه ده..

- امشى يا حيوان بسرعة استعد لبكرة.

- أبابا كده حرام وربنا ع..

- امشى..

- إيه ده يا حيوان؟؟ مية وخمسين نسخة المفروض بمية وخمسين جنيه.. ليه دافع ميتين وتمانين؟؟!!

- أبابا احنا بعون الله قدرنا نكون أول عيلة تخلق سوق سودة للمجلة.. يعنى ممكن تغير تصنيفها من مجلة أطفال لمُخدرات عادى.. ومش بعيد حالاً تلاقى الحكومة بتقتحم البيت ونتشد كلنا.

- اخرس يا حيوان.. وفهمنى.. ليه الفرق ده؟
- فرق ايه أبابا بس صلى ع النبي فى قلبك.. ده فى بيعاين ما رضوش يدونا النسخ غير اما أخذوا ضعف سعرها وتلات بوسات من كل واحد فينا.. إحنا اتبهدلنا أبابا!!!! يا ختا!!!! اى عيالك اتبا!!!! است يا ختا!!!!!! اى.

- ما كانش المفروض توافق يا حيوان.
- ما هو كان بياخد البوسة بالعافية أبابا!!
- انا بقول على سعر المجلة يا حيوان..
- والبوس عادى؟؟ يا ختا!!!!!! اى.. طلقنى أبابا..
- اخرس..
- حاطر افنظم..
- بكرة الصبح.. الجمعة.. تنزلوا من بدرى.. ترصصوها قصاد البيت.. وتبيعوها بسعرها الرسمى..
- احنا حنبقى خسرانين كتير كده أبابا!!
- مش مهم.. المهم فى المرحلة دى الانتشار..

وبدأت أحداث النهاية..

الجمعة السادسة صباحًا.. صوت صرصار الحقل يردد على هوهوة الكلاب..

الجمعة السابعة صباحًا.. صرصار الحقل الى شغال طول الليل تعب ونام.. والكلاب استلمت الشغل وهاتك يا هوهوة علينا. الثامنة صباحًا.. ظهور الكناسين ومداولات بين الكلاب وبعضها هل تستمر معانا والا تروح للكناسين.. انتهت بأن الكناسين موجودين كل يوم.. إنما احنا لُقطة.. فقرروا الاستمرار معانا في الويك اند..

التاسعة صباحًا.. الكلاب فرهدت من الهوهوة.. ونزلت تنام تحت العربية الى احنا فوقها.

العاشرة.. مرور أول بنى آدم حى فى الشارع.. ومحاولات نده عليه انها بدون استجابة.. طبعًا من فوق سقف العربية انا واخواتى.. مش عشان يشتري المجلة.. تتحرق المجلة على الى بيبيعتها.. إنما عشان يهش الكلاب..

الساعة حذاشر بقى.. عدّت ناس كتير قوى.. كلهم كانوا فاكرين ان دى مجلة أخبار الحوادث إنما احنا فهِمناهم ان الحوادث حتحصل من عند أبابا لو ما اشتروش المجلة مننا.. أو إنهم فى العدد القادم حيلاقوا مانشيت أخبار الحوادث «مجموعة كلاب تلتهم أطفالاً فى الصباح الباكر فوق سقف سيارة».

الساعة الواحدة.. صلاة الجمعة.. ودى كانت النهاية.. لاننا طلعلنا
لأبأبا عشان نسلم العهدة..

- الناس ما جتش النهارده أبابا..

- مجتثش فین یا حیوان؟؟!!

- مجتش الشارع أبابا.

- ولا بنی آدم؟؟؟

- كان في كلاب بس.. ومكانش معاهم فلوس قبل ما تسأل..

- طب ليه في تسع نسخ ناقصين؟؟؟

- بُصُّ أَبَا بَا.. بُصُّ.. مَا هُوَ أَحْنَا يَا إِمَّا كْنَا حَنْطَلَعُ بَتْسَعُ نَسْخُ

ناقصين.. يا إما كنا حنطلع بتلات لباليب ناقصين.. النسخ تتعوض

ان شاء الله.. اللبالب ماهاش قطع غيار.. صعب أبابا..

- مفیش فایده.. مخلف بغال.. کده مفیش غیر حل واحد بس

عشان نشوف المصيبة اللى انتو عملتوها..

- الى احنا عملناها؟!!! نهايته.. خير أبابا.. حقوقنا بيهم على

الاعتراف السابع العجل الأسير

السنة الوحيدة الى أبابا قرر فيها يدبح عجل في العيد بالاشتراك مع قرايينا.. كان من نصيب أسرتنا احنا اننا نحط العجل ده عندنا فيه جراش كبير في العمارة.. طبعًا.. احنا ثلاث ولاد.. وحنهم بيه.. وعندنا مكان واسع في الجراش وسط العربيات.. إيه يعني أسبوع قبل العيد الكبير؟؟؟ عناية ونضافة وأكل وشرب؟؟؟

ولا حاجة.. مسألة في منتهى البساطة..
إيه يعنى كل يوم ننزل نروح عند بياع البرسيم عشان نجيب لسموه بخمسة جنيه برسيم؟؟؟

مفيهاش حاجة برضه.. خصوصًا اما تعرف ان الإقبال على البرسيم في الوقت ده من السنة كان بيبقى زى الإقبال على دخول السينما في العيد وقتها.. مجزرة عند شباك التذاكر كده.. مصر كلها عاوزة برسيم.. للخرفان والعجول والشباب الحلو الى زى انا واخواتى كمان.. ما يضرش.. البرسيم مغذى والدراسات كلها بتقول كده.. طبعًا العجل كان يياكل ويشرب كويس.. انما التجارب الفيزيائية الباراسيكولوجية الى كنا بنجربها عليه انا واخواتى على

«زكى» الجزار وصل اهو..

- طب والعيدية أبابا؟!

- مش وقته يا حيوان.. اما نخلص.

- أبابا نخلص ايه؟!! العجل ده حنفضل ندبح فيه لرابع يوم العيد

هات أى حاجة طيب اشترى كونو!!!

- ياللا يا حيوان.. بسرعة.

- حاطر أفنظم..

وطبعًا.. «زكى» الجزار بيلف حوالين العجل يعاينه وهو مربوط فى ذات العمود الى مربوط فيه بقاله أسبوع.. ويبتدى يفكله الحبل بهدوء عشان يهدّيه.. لكن خبرة العجل السابقة فى الهولوكوست بتاعنا لمدة أسبوع كامل.. مع الحالة العصبية الى جتله من كتر تعرضه للهجوم المباغت غير المتوقع فى كل أوقات اليوم حتى وهو بيعمل ييبى.. خلت حالته أسوأ من حالة معتقل «الزنى بركات» فى المسلسل.. كان بيدور بلهفة على السكينة فى إيد «زكى» الجزار عشان يخطفها منه ويضرب نفسه بيها فى سويداء القلب ويخلص.. كان محتاج كبسولة سيانيد تحت ضرسه وهو حيضغظ عليها وينتحر بكل أريحية زى الجواسيس بعد ما بيتقبض عليهم.

أنا بقى واخواتى.. نازلين من البيت.. زعلانين جدًا جدًا على العجل.. للأسف خلاص.. كلها كام دقيقة.. ومش حنلاقى حد تانى نجيله حالات شلل رعاش.. ولا حنلاقى مخلوق نخضه تانى..

- أماما انا ما بحبش الدوا...

- خد قرصين بقولك يا زفت وأنا جاية فى السكة حالا..

- استنی کده.. ثانیة واحدة کده!! إسهال.. إسهال یا ختاللی

أماما.. سلاااام يا ختااااااااای..

- ابناaaaaaaaaaaaaaaaaaaaaای..

صوت ارتطام شيء صلب بالأرض دليل على إن أماما رمت

السماعة وجريت على ملا وشها في الشارع يمكن تلحقني..

خرجت من الحمام للمرة الثانية بعد صراع مع السيوف لعدة

دقائق.. قررت انی راجل ریاضی.. ومش بتاع أدویة وکلام فاضی..

طبعًا.. إنما أنا حاسس بهبوط رهيب.. بحرك رجلی بالعافیه.. قراءتی

المتنوعة بتقول انى لازم اتغلب على الهبوط ده.. لازم ارفع الضغط..

بس انا مش قادر اركز..

كانوا يعملوا إيه يا ض يا شريف فى الحالات اللى زى دى؟؟؟ ماذا

كان يفعل الدكتور أحمد صبري اخو الدكتور أدهم صبري غير انه

بیتخطف؟؟!! مممم؟؟!!

كانوا يعملوا إياه يا واد يا ابو الأشراف في الحالات الى زى

دی؟؟؟

أيون.. انا فاكرا اما كانوا فى الأفلام يصرخوا ويقولوا:

«مِة بَسْكَر.. مِة بَسْكَر بِسْرَعَة»..

أول ما واحدة يجيئها هبوط ودوخة من أعراض الحمل.. أى

نعم انا مش حامل ولسة بدرى على الكلام ده.. إنها أكيد دى حتفى بالغرض..

بس برضه.. أنا مش قادر اشرب حاجة بصراحة..

تجربتى المريرة بعد شوب القصب مخليانى فاقد الرغبة تمامًا فى الشرب على الرغم انى حموت خلاص من العطش من كتر السوايل المفقودة.. شفافى ابتدت تشقق زى التربة فى فيلم الأرض.. محتاج حد يسألى بقطنة زى الحالات الى بيلاقوها تايهة فى الصحرا اسبوع..

توجهت إلى التلاجة الى عمالة الطيارات الحربية تلف حوايلها وتقصفها بسندوتشات الكنافة.. لا مفيش حاجة.. دى التهيؤات نتيجة التسمم الدموى..

فتحت باب التلاجة الراجل الى جوة زعقلى جامد انى ما خبطتش عليه قبل ما افتح.. وقام بسرعة غطى حلة البامية الى كانت عريانة واتكسفت جدًا.. وراح ينده باقى الرجالة من جوة التلاجة عشان يتخانق معايا.. لا لا لا.. دى حتحلو قوى..

تركيز بقى شوية.. بلاش سوايل.. حتنزول علطول.. محتاج حاجة تمسك شوية فى البطن.. ذكى الواد شريف ده.. ايه بقى؟؟ ايه بقى؟؟ ايووووووة.. حته الجاتوه دى شكلها مناسبة..

سكريات.. مش سوايل.. حتفى بالغرض..

طبعًا.. كان نزول الجاتوه الى محشى كريمة على معدة اقامت

وبالشلوت.. الاتنين.

طبعًا.. كان لازم نخبى الجثث فى مكان بعيد عن متناول إيد «أبابا»
عشان نقدر نحتفظ بيهم أكبر قدر ممكن قبل ما يكتشف وجودهم..
ونخلينا ننزل نسرح بيهم عند الفرارجية فى انصاص الليالى..
البلكونة البعيدة.. هى المكان الأمثل لعمل معسكر إعداد
للكتاكيت.. البلكونة دى.. «أبابا» ما بيدخلهاش.. هو طول الوقت
بيقضى يومه فى بلكونة أوضته..

فعلاً.. «أبابا» رجع من الشغل.. ومعرفش اننا جينا كتاكيت الحمد
لله..

نعم؟؟؟ أماما؟؟؟

تم تهديدها بخطف ابنها الصغير وتعليق الرومانة ورميه فى بلاعة
مجارى إذا نطقت بكلمة.. واستجابت للتهديدات الحمد لله.. مع
الجملة المشهورة فى كل أفلام العصابات..

«انا ما شفتش حاجة.. ومعرفش حاجة.. ولو ابوكم عرف.. انا
معرفكمش»..

طبعًا وافقنا على استحياء.. لأننا برضه عارفين ان «أبابا» لو عرف..
حيكون حزن «أماما» هو الملجأ النووى الأكثر أمنًا عند بدء الهجوم
بالصواريخ ذات الرؤوس النووية على قفانا وعلى الحشلة.. مرت
الأيام.. واحنا بنعمل كل المحاولات المضنية اننا نخبى الكتاكيت..
طبعًا بقى.. الكتاكيت.. جعانة..

«سيو سيو سيو سيو سيو سيو»

هوووووووووووووووووووووووو.. تكتم نفس الكتكوت
لحد ما يفهم انه لو صوصو صوصواية واحدة كمان.. حيكون مصيره
بطن قطة واقفة في الشارع مستنية أى حاجة تقع من الخامس.. فا
يسكت.. الكتاكيت بردانة..

«سيو سيو سيو سيو سيو سيو»

يحرقك.. غطيها بالكوفرتة.. مش مهم احنا مناخيرنا تقع من
السقعة.. المهم تخرس احسن «أبابا» ممكن ينفيها إلى سجون سيبيريا
لو شم خبر..
الكتاكيت عاوزه تتشمس..

«سيو سيو سيو سيو سيو سيو»

شمسها بسرعة قبل ما «أبابا» يرجع من الشغل.. احسن لو رجع
ممكن كلنا نتشمع بالشمع الاحمر احنا والكتاكيت.. مش نتشمس.
مرت الأيام.. والأسابيع.. فقدنا فيهم تسع كتاكيت.. لأسباب
متنوعة كثيرة.. منها مثلاً عدم استخدام كارنيه التأمين الصحى
والرعاية الطبية للكتكوت.. رفع الدعم عن الدشيش.. خلافات
دولية حادة مع الحداية الى أكلت لوحدها ثلاث كتاكيت.. وأخيراً..
القتل الخطأ عن طريق تحويل الكتكوت إلى رسمة «تويتى» على
أرضية البلكونة لأنه فاكر نفسه فى أغنية أهلا بالعيد وييجرى بهطل..
بعد مرور ثلاث شهور.. «أبابا» خلاهم كان نايم فى العسل

عقلة عشان تطلع.. موضوع صعب.. لكنه مش مستحيل.. لكن..
إنك تنزل من فرع لفرع بعيد.. بإيد واحدة لإنك ماسك في الثانية
المحروقة.. قصدى المحروسة.. موضوع طلع فعلاً مستحيل..
الموضوع كان محتاج قرد.. أى نعم احنا لا ندعى أننا من فصيلة
أخرى.. لكن الفرق بين الشمبانزى والنسانس كبير فى التسلق..
وعشان القصة تكمل كويس.. ابتدا الفرع الى واقف عليه.. يصدر
صوت مش محبب إلى النفس.. صوت طأطة.. وهنا.. تداخلت
الأصوات..

«كاكااااااى».. «يا ختااااااى».. «كاكاااااى».. «يا ختااااااى»
دويتو ابن حرام من فوق قمة الشجرة مع تهليل المتفرجين بالأسفل
ورفع السبابة نحو السماء كتعبير عن انتظار وقوع النصيبة وبدء مراسم
الجنائز الرسمية ليا انا والى تنشوى فى سيخ..

«كاكااااااى».. «يا ختااااااى».. «كاكاااااى».. «يا ختااااااى»
ولاد الحرام.. قصدى ولاد الحلال.. اتصلوا بالمطافى.. عشان
تيجى تنقذ الفرخة.. آه طبعاً.. تنقذ الفرخة.. أنا كده كده حانتحر..
حتى لو نزلونى.. ده هيكون أرحملى من أن «أبابا» يعرف الى حصل..
كده كده حاموت.. سواء من فوق الشجرة.. أو من الضرب
المبرح.. وصلت عربية المطافى فى أقل من «سيت دقائق».. وقبل ما
تبتدى تعمل أى حاجة..

مش لاقين حد يسقينا بق مية.. وبدأت المواجهة.. أول ما أبابا نده..

— أفنظم أبابا

- اعملي شاي..

– ایہ الشای دہ؟!!

– امشی، یا حیوانِ اعمَلّی شای..

- ربنا يستر أبابا.. أوعدك ححاول.. حتو حشني..

طبعاً.. كانت دى أسوأ كوباية زرنخ شربها أبابا فى حياته.. وكان تعليقه الى انا لسة فاكهه لحد النهارده.. هو ان كمية البيروسول فى الشاى كانت كتير.. ابتدا أبابا يحس انه حيشوف أيام سودة.. على أساس ان احنا الى حشوف أيام بمبى.. فقرر أبابا ليلتها.. يحط القواعد فى البيت.. ويتذكر بطولاته الخالدة فى حرب أكتوبر اما كان قائد كتيبة.. وقرر انه يقود الكتيبة فى البيت.. الكتيبة الكتيبة.. وكانت قرارات القائد الأعلى للشقة.. القرار الأول لسنة سوداء رقم ألف تسعومية اثنين وتسعين انى انا حكون مسئول الأكل فى البيت الأيام دى.

القرار الثاني لذات نفس العام الاسود ان اخويا الوسطاني حيكون

مسئول تبویط الغسيل.. قصدي مسئول الغسيل..

القرار الثالث والأخير قبل الانتحار في عام الكلب ان اخويا الصغير مسئول التنظيف..

وأبأبا مسئول انه ياكل ويشتم وينام ويروح الشغل.. أبأبا بعد كده.. اعترف انه غلط في الموضوع ده جامد.. خصوصاً اما رجع في اليوم السابع.. بعد ما كان حيطق.. ودخل من الشغل..

- یا شر یسیسیسی

— أفنظم أبابا

- عامل، أكل، إيه النهاره يا زفت؟

- فضلة خرك.. مكرونة مقصوفة بالصلصة..

- يا ابني بقالنا سبع أيام بناكل مكرونة بس! الرحمة بقى!

- أبابا.. ناكل مكرونة أحسن ما نموت مسمومين كلنا..

- طب غير الصنف تانى يا حيوان!!

- أبابا انا غيرت امبارح ومن اربع أيام.. انت نسيت؟

- غيرت؟؟؟ احنا أكلنا مكرونة طول الأسبوع!!!

- أيوه بس انا كنت عامل مكرونة اسباجيتي.. ومن اربع أيام

كانت مكرونة مقروصة.. وقبلها صدف البحر..

- صدف البحر؟ مفيش فايدة.. حيوان..

- جراتسیا سنیوری..

أنا طبعًا خلال هذه المدة.. قررت اني أعيش في دور الشيف

الإيطالى باولو كابيلو.. وانى ألبس مريلة المطبخ بتاعت «أماما»..
وألبس الطاقية البيضاء بتاعة أبابا الى يينزل يصلى العيد بيها.. وألبس
الجوانتى بتاع العمليات.. واعمل المكرونة الايطالية الى انا شاطر
فيها زى ما الكل أشاد خصوصًا بعد وفاته.. أذكر ان أول يوم كان
مطلوب منهم انهم يغمسوا المكرونة بعيش من كتر ما كانت متعجنة..
ابتديت اتعلم تانى يوم.. حتى أبابا كان مندهش انى تطورت
بالسرعة دى وخليت المكرونة بتقرمش.. إيه ده؟؟ هى مش مفروض
تقرمش؟؟!! وربنا ما حد قالى!!!

- یا ثمر یسیییییییی سیف..

- سی سنووووووووری..

— ايه ده يا حيوان؟؟؟

- راستا آبا..

- ایہ الباستا دی؟؟ یا حیوان دی مکرونة و طعمها زفت!!

- ما هو باستا يعني «مكرونة وطعمها زفت» بس بالإيطالي أبايا..

– بالذمة ده أكل، بنی آدمین ده؟؟؟؟

- أبابا الأكل «مولتو بيللو»..

- یعنی ایه یا حیوان؟؟؟

- يعنى المفروض «تبيللو» قبل الأكل لو مش عاوزه يقرمش أبابا..

طبعاً.. أبابا كانت أقل مشاكله الأكل.. لأن الكوارث البيئية

المصاحبة لتدخل اخواتي في العملية الايديولوجية للشقة كانت

الاعتراف الحادى عشر المصيف والضباع

بمناسبة دخول فصل الصيف .. وبدء موسم المصايف .. حابب جداً أحكيلكم حكاية أول مصيف رحناه فى اسكندرية بعد ما رجعنا من خارج مصر .. أول ما أبابا أخذنا اسكندرية فى أواخر الثمانينات .. فى الوقت الى مكانش فيه حاجة اسمها الساحل أصلاً .. وكان المرواح لشرم أو الغردقة ضرب من ضروب الجنان .. اسكندرية فى نص أغسطس كانت بتبقى عاملة زى ذى الحجة فى السعودية كده .. زحام غير طبيعى .. مصر كلها بتصيف فى اسكندرية .. وأبابا طبعاً مفهمنا .. ان وجودنا فى الزحمة دى .. سلاح ذو حدين .. يا إما نحترم نفسينا ونمشى زى البنى آدمين وبلاش شغل التنطيط بتاع القروود ده انا واخواتى .. يا إما نتوه منه فى الزحمة وهو أصلاً مش حيدور علينا وحيبقى كسبان جامد .. واحتمال يوزع لحمه على الفقرا احتفالاً بالموضوع ده ..

- تمشوا كويس .. مفهوم؟؟؟

- حاطر أبابا .. مش حنخرج ..

- بقول تمشوا كويس يا حيوان انت واخواتك ..

- حاطر أبابا والله .. حنمشى طابور كمان ..

- لو بعدتو حتتوهوا فى الزحمة وحتبقى مصيبة ومصيف مهيب
على دماغكم..

- لا أبابا اطمئن.. ما تخافش على الزحمة..

- مفيش فايده.. حيوان..

- شكرًا حظرتكم..

وطبعًا أبابا بيبقى أكثر اهتمامه فى اللحظات دى مش انه يتفسح
أو يخرج.. إنما بيكون اهتمامه الأول انه يخلى باله من أماما.. وبعدين
يخلى باله من الناس الى فى الشارع عشان بيبقى خايف عليهم مننا..
بدأنا الخروج على المغرب اما الشمس ابتدت تنكسر.. والجو ابتدا
يبقى عليل وجميل والهوا على البحر بيعدى على الناس محملاً برائحة
اليود البحرى والدرة المشوى وعرييات اللب والتسالى.. والشارع
الأسفلت فيه مش باين من كتر الزحمة.. لحد ما الرحلة ابتدت تتغير..
- أبابا احنا جعانيين..

- انتو مش لسة متغدين قبل ما تنزلوا؟!!!!

- جعانيين أبابا..

- انتوايه؟؟؟ ف بطنكم دوود؟؟؟

- دوود دوود قطر صغنطوط.. جعانيين أبابا..

- مخلف حيوانات.. طيب عاوزين تاكلوايه؟؟؟

- أى حاجة كتيرة أبابا.. جعانيين أبابا..

- شايف المحل الى هناك ده.. الى معلق سيخ الشاورمة.. روح

هات ليك انت واخواتك..

- طيب أبا.. انا واخواتى الاتنين حناكل تسع سندوتشات.. كل واحد ثلاثة..

- حيوان.. هاتلى واحد ولمامتك واحد..

- حاطر أفنظم..

وطبعًا.. اخدت اخواتى وعدينا الشارع ورُحنا عند المحل.. ووقفنا حوالى تلت ساعة عشان ناخذ السندوتشات من الزحمة.. ورجعنا عدينا الشارع تانى عشان نقف فى وسط الزحمة ونتفاجئ..

- فين أبا.. وأما يا شريف..؟؟؟؟؟؟

- موش عارف..

- أماما فين؟؟؟؟ أماما؟؟؟؟!!!! عا|||||||

- ما تعيطش اصبر.. ما توترنيش

- فين أبا..؟؟؟؟ أبا مشى وسابنا؟؟ عا|||||||

- اسكت انت كمان ما تعيطش.. خلونى افكر لحظة كده..

- طب خلاص.. حا نعمل إيه دلوقتى يا شريف؟؟

- عا||||||| احنا تُهنا يا ختا||||||| اى

طبعًا وصلة عياط جماعى ممزوجة بلطم لتلات عيال أكبرهم عنده ١٢ سنة وكل واحد فيهم ماسك فى إيده كيس نايلون فيه سندوتشات شاورمة الى فى عيش كايزر من عند «جاد» الى فى العصافرة.. ابتدينا نلف حوالين بعض نبص يمين يمكن أبا.. حب ينزل يمشى على

الأكياس_ النايون_ اللي_ جواها_ سندوتشات_ الشاورمة_ اللي_
في_ عيش_ كايزر

عندما_ تعود_ الخيول_ ظهرًا_ إلى_ المزرعة_ في_ المعمورة

بخمسة_ جنيه_ شاورمة_ واتوصى_ بالكايزر

زحمة_ يا_ دنيا_ زحمة

زحمة_ وتاهوا_ الحبايب

الاعتراف الثاني عشر شط اسلندريث ١

يا حبيبى يا أبابا الله يرحمك.. كان نافخنا أنا واخواتى.. مين ينسى
أيام المصيف الجميل.. أحلى عشرة ايام فى السنة كلها.. الى بنسناها
من أغسطس لأغسطس الى بعده.

مين ينسى المعمورة.. أنصف مصيف فى التسعينات.. أروق
مصيف فى مصر لحد النهارده.. أنا ما برتاحش غير هناك.. لا مارينا
ولا مرسى ولا قرد.. انا الكاتالوج بتاعى كده.

هى المعمورة.. على الرغم من انها بقت زحمة عن زمان كثير.. إنها
القلب وما يريد.

كل سنة.. يا دوب نوصل أنا واخواتى مع أبويا وأمى وعائلات
شركة صوت القاهرة الى كان المصيف طالع تبعها.. ونبدى انا
واصحابنا ١٠ أيام مقلوبة.. سهر طول الليل ونوم طول النهار..
درمغة.. متعة فى المدينة التى لا تنام لمدة عشرة أيام.. قمة السعادة كل
سنة.. لحد ما حد الظاهر دعا علينا فى سنة سوخة ومنيلة بنيلة.

وطلعت فى دماغ أبابا انه يروح المصيف السنة دى مش عشان
يصيف.. لا.. إنها عشان يصطاد!!!

شايفك يا سافل يالى بتقول يصطاد مُرز.. لا يا شقى.. قرر - الله

یرحمہ - یروح عشان یصطاد سمک.. ولایزم أوضح.. ان أبابا کائن
مزاجی.. لا یحب الشمس زی کل أبهات زمان.. ویعشق نسمة الهواء
العلیل.. ویعشق البلكونات.. ولا یحب الزحمة والفرهدة زی کل
أباهات مودیل اربعین وانت جای کده.. طبعًا الموضوع بدأ بالهتاف
التقلیدی کالعادة..

— یا شر یسیسیف

- أفنظم أبابا..

- حنروح المعمورة السنة دى نصطاد سمك.. جهاز الصنابير..

- ليه الأذى ده بس أبابا.. ارحم السلمون..

- اخرس يا حيوان.

- حاضر أبابا.

وانطلقت عائلة «بيرل هاربور» نحو شاطئ المعمورة حاملة كل المعدات اللازمة لصيد وحش بحيرة لوخ نس الذى رَوَّع مدينة المعمورة فى القرون الوسطى وحتى تاريخه.. وقد أقسمت عائلتنا المقدسة على عدم المغادرة إلا بعد إعلان البحر الأبيض المتوسط منطقة خالية من الحياة البحرية أساسًا.. والبرية كمان.. اليوم الأول.. نخرج أنا واخواتى وصحابنا من الساعة الخامسة مساءً لنعود فى الرابعة فجرًا فى منتهى السعادة.. جرى ولف ولعب وحب من بتاع عبّحليم والنبلسى.. وعيش أيامك عيش لياليك.. خلى هبابك يفرح بيك.. معروفة طبعًا.. فى حوالى الساعة ستة الصبح نكون فى سابع

السريـر انا والغلاـبة اخواتي..

- یا شر یسیسیسیسی

- ارحم أمی أبابا.. أنعم؟؟

- کلم صحابك بيندهوا عليك من تحت.

- قولهم مات أبابا.. أو أكله سمك التونة المفترس..

- قوم یا حیوانان.

- یا ختااااااای.. حاضر ابااااااا

بعد الأخذ والرد انا وصحابي .. غيرنا هدمنا ولبسنا ونزلنا نتفسح

معاهم.. أصلهم عشر أيام في السنة مفيش غيرهم يا جماعة.. مش

حنضيعهم فى النوم يعنى .. طبعاً نزلنا واتفسحنا لحد الفجر كالعادة..

وعودة بقي للمنزل بعد تقريباً ستة وتلاتين ساعة صاحين..

وداخلين ننام بقى فى عرض دين النبى زى باقى مخلوقات البسيطة..

الساعة خمسة ونص الصبح..

تفکر و ایہ؟؟؟

أيون... النفير العام..

یا شریک

الرحمة أبابا

عندما يعود السمك من المزرعة يظهر في المعمورة

حتى السمك صايم

الاعتراف الثالث عشر

شَط اسلندریف ۲

كانت حالتى أشبه بالى راجعين من الحج مشى.. لا شايف ولا حاسس.. ومحتاج اوصل للسريـر بأى شكل.. ولو ما وصلتش للسريـر مفيش مشكلة.. حنام يعنى حنام ان شالله انام واقف زى الحِصنة.. انا بقالى أكثر من ستة وتلاتين ساعة صاحى بين التنظيط والخروج والصيد الى أبابا قرر يمارسه فى المصيف فجأة السنة دى.

داخل البيت الساعة خمسة ونص الصبح.. شبه بزحف انا
واخواتى من التعب زى حيوان الورل الصحراوى.. غيرت
هدومى أو مغيرتهاش مش فاكرو.. الى فاكره كويس قوى انى كنت
بدأت أعيط أول ما لمحت السرير من شدة التأثر.. وقفت ثانية جنبه
ابص عليه.. واعيسيسيسطط.. أمد إيدى اطبطب على المخدة..
واعيسيسيسيسيسيسطط.. وبعدين الشوق قتلنى بقى.. رُحْتُ مرمى
عليه وواخذه بالحضن ومعيسيسيسيسطط.. يا دوب لسة حكيله
عن مشاعرى ناحيته.. واعترفله انى جزمة انى بعدت عنه..

— یا شریف

لا لا لا.. ده أكید صدی صوت بیرن فی ودنی من امبارح.. ودی
مجرد تهیّوات.. یا راجل کتر مخک..

- انت يا زفت!!

صدى الصوت دة غريب قوى!!!! بيكرر كل كلمات ابويا
بالظبط..

- آى

ده كمان بيزغُد فى الظهر!!!! لا كده أكيد مش صدى صوت!!!!!!
ده صدى ضوء ممكن!!

- قوم يا حيوان بلاش كسل.. فى النشاط؟؟ فى الشباب؟؟
فى الهمة؟؟

- فى الرحمة؟؟!! الرحمة؟؟ الرحمة أبابا

- قوم يا حيوان جهز الصنانير وسيب الطعم.. عشان انا سألت
وفهمت.. وحبعتك تجيب طعم تانى خالص دلوقتى.
- أبابا الساعة خمسة ونص الصبح أبابا.. اجيب طُعم منين الساعة
دى؟؟؟

- لا ما انا عرفت ان الصيد فى المعمورة لازم يكون بجمبرى..
- جمبرى؟؟!! من اللى احنا ما بناكلوش أساسًا ده؟؟ حنصطاد بيه
سمك؟؟؟!!

- بس يا زفت.. قوم عشان حبعتك تجيب نص كيلو أو كيلو.
- ده أما ما لو عرفت انك حتجيب جمبرى ترميه فى البحر حترمى
نفسها وراه أبابا..

- اخرس بقول يا حيوان وياللا عشان حتروح تجيبه.

- منين يا سيد المعلمين؟؟؟

- انت حتروح تجيبه من المندرة.

مندرة؟!!!!!!

كانت الصدمة أكبر من إني انطق بكثير.. كنت لسة قاطع علاقتي
بالسرير وبحاول احسن العلاقة لكن واضح انه مش مكتوب لنا
نتجمع أبدًا..

طبعًا صحّيت اخواتى على سبيل المشاركة فى الهم.. واحد منهم حاول يخنق نفسه بالحاف.. والثانى منطّش بقاله تمانية واربعين ساعة من الصدمة.. تقريبًا فقد النطق.. نزلنا الساعة ستة الصبح فى الشارع زى المجانين وأبابا طبعًا بقى شغال من البلكونة..

– یا نشر یسیر

- أفنظم أبابا.. عاوزنى اجييلك سمك قرش جوراسيكي بالمرّة؟

- اخرس يا زفت.. نقی الجمبری کو پس..

- أبابا انا أساساً معرفش شكله غير من الأفلام الوثائقية بتاعة عالم

البحار الله يرحمها!

- ہوششش.. امشی یاللا

my order for the god –

وانطلقت قائدًا لطاقم مركب «موبى ديك».. خروجًا من باب المعمورة.. وذهابًا إلى المندرة «مشى» لأن مكش في أى حاجة تتركب ولا حتى قطعة ماشية.. كله نايم.. الا احنا.. وصلت المندرة.. السوق

الاعتراف الرابع عشر شط اسكندريه ٣

اربعون ساعة من التعذيب القسرى للمخ.. الجفون لزقت في الحواجب من قلة الاستعمال السلبي الى ييبقى في مرحلة النوم.. النوم.. كلمة جميلة فاكرها زمان.. هو انا ابتديت انسى بتتعمل ازاي انا واخواتي.. إنما فاكرا انها كانت أحد الأنشطة الجميلة.. خيالاتي دي كلها.. قطعها أبابا وهو في حالة ثورة عارمة.. بعد ما رجعنا من المنذرة حاملين أكاليل الغار ممثلة في كيس نايلو يحتوى على كيلو جمبرى من خيرة ما أفرزته الطبيعة البرية في أسواق الإسكندرونة..

- مالك أبابا؟؟؟ في إيه بس؟؟؟

- كان في راجل معدى شايلى صنانير ورايح الشط يصطاد وسبقنا..

- طب وانت زعلان عشان حيخلص السمك قبلنا مثلاً؟؟؟؟ هو البحر ما فيهوش غير سمكة واحدة بنتخانق عليها؟؟!!

- اخرس يا حيوان.. الراجل وقفته وسألته على الطعم الى بيصطاد بيه.. قالى: «حتت سبيط»

- طب وبالنسبة للجمبرى؟

- لا مش كويس عشان الصيد..

- يعنى انا كنت حفقد حياتي انا واخواتي طُعماً للكلاب الضالة

- دى مودة ما بعدها مودة أبابا|||||||
- ما فيش فايده.. مخلف بغال..
- لو ما روحناش حتبقى خلفت بغال نافقة أبابا..
- اخرس يا حيوان.. يعنى خلاص؟؟؟ مش قادرين تسترجلوا
- شوية كمان كام ساعة ونروح نجرب؟؟؟
- أبابا انت بتجرب فينا احنا مش فى السمك يا
- ختا|||||||اى.. حنموت أبابا.. حنموت وما اصطدناش
- بسارية واحدة أبابا|||||||
- بس بس بس.. جتكم القرف.. كله من بوزكم العكر.. مفيش
- حتى رغبة كده ونية صافية للصيد.. والصيد ده نوايا..
- انت لسة حتقولى نوايا أبابا؟؟؟
- اخرس يا حيوان فرجت علينا الشط..
- حاطر أبابا.. حخرس اهو.. ينفع نروح؟؟
- بس بشرط..
- موافقين على أى شرط بعد ما نصحى..
- حنروح بكرة المنتزه نصطاد من هناك..
- من النجمة حتلاقينا بنقتحم أسوار المنتزه وحنجييلك ملك
- القصر نفسه يركع تحت رجلك..
- حيوان..
- حاطر أبابا.. حيوان حيوان بس انام..

الاعتراف الخامس عشر وجوه وأفتحة

إحنا الحمد لله طالعين ولاد.. مش بنات.. عمرنا ما مرينا بالتجارب السوداء بتاعة لبس جزمة أماما الى بكعب ثلاثة سنتيمتر.. كنا بنضرب بيها بس.. محدش فينا انا واخواتى فكر فى يوم انه يلبس فستان أماما الليلاه.. ولا بُرنيطتها الخوص الى اتصورت بيها على البحر فى اسكندرية والى كانت موضه كل ستات الكوكب فى الستينات.. إنما عشان احنا رجاله.. ووقفنا وقفة رجاله.. كان لازم أبابا - الله يرحمه - يكون له من الحب جانب.. وياخذ نصيبه من المشاركة الذكورية فى عائلة الضباع الى بنكوّن افراد مهمين جدّا من قطيعها.. طبعًا الكلام ده بمنتهى الحذر.. مفيش داعى نصحى بركان أبابا الخامد وينفجر فى وش كل المخلوقات الحية الى فى البيت.. واللافا بتاعته تسيح جتتنا من الضرب بالحزام.. إنما برضه الأمر ما يسلمش.. الزهق ممكن يسبب بلاوى سوداء بعيد عنكم وعن السامعين.. فى يوم من تلك الأيام التى لا يطلع لها شمس تُذكر.. وفى أجازة الصيف.. وفى الحقبة الزمنية الى كنت انا متزعم فيها عصابة اخواتى.. وانا مازلت فى مرحلة عدم التأكد من ان الى طالعلى تحت مناخيرى ده شعر؟؟؟ والا حد من اخواتى مرخم عليّ وانا نايم

وراسمهولي؟؟؟

كل يوم تصحى الصبح تدعك وشك.. وتحت مناخيرك جامد..
يمكن نخلص.. إنما أبدًا.. طبعًا في اليوم ده.. قررت ان ابدأ في
مرازية أبابا.. بنفس الطريقة الى القرد فيها بيحاول مرازية الأسد..
وقررت بعد نزوله الشغل.. وأماما إلى السوق.. عشان تجيلنا
حصه التبني المعتادة.. قررت اني لازم احلق شنبى.. طبعًا اخواتى
في هذه اللحظة.. الفضول أكلهم وكأنهم حيتابوا كيفية تصنيع
النيتروجلسرين في ككة بيض.. أنا مسكت المكنة من هنا.. والخوف
دب في أعماقى.. جايز اتعور.. دى أول مرة.. بس.. حاعمل ايه؟؟؟
منظرى قصاد اخواتى حيقى بامبرز خالص!!

حقولهم إيه؟؟؟ خايف؟؟؟ عيب!!

أتصرف ازاي؟؟ أتصرف ازاي!!

- بقولكم ايه؟؟؟ مين يجب بيعجى احلقه دفته هوّ الأول؟؟

طبعًا صراخ وصويت..

مش خوف وهرب.. أبدًا.. انها طمعًا في التجربة..

وانا بكل خيلاء وتكبر.. اخترت اخويا الوسطانى.. الصغير حرام

يموت دلوقتى.. لسة أماما ما شبعتش منه..

جلس اخويا على الكرسي الى تم إعداده في الحمام قصاد المراية

لمراسم تقديم القرابين.. قصدى للحلاقة..

وابتديت اقرب منه بمكنة أبابا القديمة الى بيتركب لها موس

وبدأت عملية التشفية.. آدى أول حته بوفتيك.. وآدى تانى عرق
فلتو عشان أماما ما تروحش تجيبه من الجمعة.. غالى فى الجمعة..
أيوه أيوه.. الحته دى حتتفع تتعمل لحمة باردة كويس قوى.. كبيرة
ومدورة.. ما شاء الله.. حتحتاج تربيط كويس بس.
امممممم.. كده الدم كتير.. ما شربناش شوربة دم قبل كده.. اهو
نجرها..

ثانية واحدة!!! مين ده؟!!!

یا ختایا

الواد بااااااااااااظ!!! مین ده اَحيييييه!!

الواد اخويا بقى خليط من فرانكستين على أحذب نوتردام..
وشه بقى شبه لقمة القاضي البايظة!!!!

یاختا|||...ای

أبَا بَا وَأَمَامَا حَيْعَدْمُونِي بِالْمَوْسِ..

أَتَصِرُ فِى أَزْمَانٍ كَثِيرَةٍ أَيْ ؟؟؟؟

الواد اخويا بص فى وشه فى المرايا.. بعد ما كان قاعد منسجم
معايا.. راح راقع بالصوت..

حاولت اکتّم نفسه.. کان حیموت وکنت بما لا یدع مجالاً للشک

أبأبا اللى بدأ يتحول لفان هيلسينج عشان يدبحنى انا واخواتى ..
لكن أماما فهمته ان الموضوع بسيط .. ومش حيحتاج اكر من
ميت جلدة لكل كلب فينا .. بعد ما خبت منه الواد اخويا فى التلاجة
عشان ما يشوفوش امّا يرجع .. وفهمت أبأبا ان البغال ما بتحسش ..
والضرب مش بييجيب التأثير المطلوب معاها .. زى ما بيعمل منع
التبن مثلاً ..

ومن يومها .. قررت قرار نهائى .. بإن الوساخة اللى تحت المناخير ..
حسيها لحد ما تنشف .. أو تُقع لو حدها ...

شعر_والا_دقه_والا_أورطى

فى_سلايس_بيكاتا_وقع_مه_خدك

روجاجو_فى_الرقبة_وليب_لاينه_ورا_الودان

الاعتراف السادس عشر

هرم مايدوم

أصحاب المدرسة وأيام المدرسة وجمال أيام المدرسة.
مفيش حد بيفتكر أيام المدرسة إلا لما الحنين بيشرح فيه زى بلطجي
موقف واحد على ناصية حارة وبيقبله فى اللى معاه.. تفتكر أيام
المدرسة وتبتسم.. غصب عنك تبتسم مهما حاولت تمنع الابتسامة..
لكن.. أول ما بتفتكره.. بتسد نفسك.. هو مين؟؟؟
العيل الرخم.. غتيت الفصل.. الفحل اللى كان بيضربك انت وكل
العيال الغلبانة اللى فى الفصل.. العيل اللى كان شبه ترعة المحمودية
ده.. طويل عريض.. وتحس انه ساقط تسع سنين.. وقدرك الاسود
رماك فى وشه وحطك معاه فى الفصل.. المشكلة انك دايمًا بتحس ان
إدارة المدرسة - إلهى تولع - بتوزعهم على الفصول.. يعنى موجود
فى تالته أول نسخة منه.. ومتهبب موجود فى تالته تانى.. تروح تالته
تالت؟؟؟ راشقلك واحد هناك.. لحد ما توصل للزغلول الكبير
بقى.. تالته سادس.. الفصل ده بيحطولك فيه الوحش الكبير بقى..
الى بياكل كذا واحد من صحابه لحد آخر السنة.. ويفضلوا قافلين
عليه الفصل لحد ما السنة تخلص لأنهم بيخافوا ع العيال اللى فى
حضانة ممكن يقزقزهم عادى فى الفسحة.. طبعا النسخة الخاصة من

الوحش ده.. عندنا كان اسمها «حسام»..

حسام كان «راينو صوريص» صغير.. طفشان من العصر البلشوفى
وجاى يتفسح عندنا فى الفصل.. كان فى اوقات فراغه بيعضعض فى
خشب الدكك.. ولما بييجوع بيدوا المدرسة أجازة.. أو بيعلنوا الدور
عندنا منطقة كوراث..

طبعًا حياتى مع حسام كانت عبارة عن إقناع تام انه لو أكلنى مش
حيشع.. أنا أصلاً أرفع من انى اشبعه.. وبعدين لو ضربنى ومت فى
إيده.. حتحصل مشاكل.. وانا كنت حالف انى اموت فى إيده لو فكر
يسلم عليّ حتى.. قادتنا الصدف السعيدة وتخطيط المدرسة العشوائى
إلى رحلة مدرسية جميلة..

- هيسيسيه.. فين يا أبله؟؟

- الهرم يا حيبى..

- يوووووه رحناه يا أبله..

- لا مش دهون يا حيبى...

- أُمّال انهون يا ابله؟؟

- هرم مايدوم يا حيبى الى فى أول الفيوم..

- مايدوم العزى يا ابله..

- اخرس يا حيبى..

- حاطر أأبله..

حوار سريع واضح دوغرى مش محتاج لف ولا دوران..

- يا ولاد.. الرحلة بخمسة جنيه.. هاتوا الفلوس بكرة.. بالنسبة لفصل حسام.. تيجيوا خمسة جنيه وكفن.. عشان حسام ممكن يحدف حد بصخرة من بتوع الهرم وهو بيهزر معاه.. طبعًا ده كان حوار عادى جدًا.. بيتقال وحسام قاعد فى وسطنا بياكل دراع مروة الى قاعدة قصاده على سبيل الملل.. انطلقت الرحلة إلى هرم مايدوم.. وركبنا الباص.. وطبعًا حسام كان قاعد فى الكنبة الأخيرة لوحده.. وساحب معاه شوية عبيد من الى مصاحبهم عشان يمارس على جلدهم تجارب القرص والعض والسحج والتعذيب.. كنا من وقت للتانى بنسمع استغاثات مكتومة من الباص من ورا.. يعقبها هدوء تام.. ولا بنى آدم كان بيلف يشوف فى إيه.. الى مات يغور فى داهية.. يستاهل عشان قعد جنب حسام.. لحد ما وصلنا لهرم مايدوم.. وبدأنا مرحلة الهروب من الباص.. قبل ما حسام يوصل للباب وياكل السواق.. وبدأ صراخ الأبله عشان نقف صف واحد.. أنا فى الأول كنت فاكرها بتوقفنا صف عشان حسام ياكلنا بالدور.. انما كانت بتوقفنا عشان ما نتوهش.. وطبعًا كانت الوفيات جاية من ورا لقدام.. الأبله واقفة قدام.. وحسام بيهضم الى فى الصف ورا.. الحمد لله كنت فى المقدمة..

وبعدين.. حدث ما لا يمكن أن أتخيله أو اخطط له..

لما الأبله ابتدت تسمع صراخ واستغاثات الأهالى ورا.. وتشوف نوافير الدماء المتطايرة الناتجة عن اقتلاع جذور رقاب العيال.. ابتدت

معانا فى الفصل ..

- ومع مرور الدقائق .. حاولت اشغله بأى حاجة ..
- انت تعرف يا حسام ان الهرم ده مليون أشباح؟؟
- عee «يعنى: مش مهم» ..
- طب تعرف ان احنا حنخش الهرم ده دلوقتى؟؟
- عee «يعنى: وفيها إيه؟»
- يا ترى حنخش والا حتخاف يا حسام؟؟
- عee «يعنى: تبييت» ..
- طب من غير شتيمة بس .. أنا حنخش الأول عشان ما تبقاش قلقان ..

- عee «يعنى: لا انا حدخل الأول» ..
- خلاص المهم تكون مش قلقان من العفاريت ..
- عee «يعنى: أنا جعان» ..
- استر يا رب ..
- وصلنا إلى مدخل الهرم .. والأبلة سألت: مين حديخل؟؟ وحسام رفع إيده بمنتهى الثقة .. حتى إن الأبلة استغربت لإن دى مش اهتمامات حسام .. ده الهرم .. مش المجزر الآلى .. مفيش جيف جوة يعرض فيها ..

وطبعًا انا استغلّيت الموقف ده وما رفعتش إيدى خالص ..
حسام بصّلى بصة مفادها .. ارفع إيدك بدل ما يبقاش عندك إيد

- عeeeeeeeeee حارجع .. شيل رجلك من بطنى .

- أنا لزقت في قعر جزمك إلهي تنجلط يا حسااااام

- آیوه اثبت علی مکان الکلاوی.. هی باظت خلاص..

رغبة الهروب ممزوجة بالصراخ الهستيري لباقي الصف الى
يستشهد في اللحظات دى تحت أقدام حسام كانت كفيلة إن حسام
يخاف زيادة.. ويكمل هروب.. تاركاً وراءه مخلفات معركة دبابات..
كان في أجزاء منى بقت سوا الأرض.. وأجزاء جاورت النقوش
الفرعونية على الجدران على شكل تاتو.. أنا وباقي العيال الحيوانات
صحابه.. لم يسلم من الهروب الكبير أحد.. الكل اتهرس بلا رحمة..
لحد ما ابتديت اشوف نور وما بقتش عارف ده نور البرزخ بتاع
الحياة الأخرى والا النور بتاع العفاريت الى كانت في قبو الهرم.. هى
باطت باظت.. ولقيت وش راجل عجوز.. يمد إيده ويستخلصنى
من المنزل زى النقاش ما بيطلع الزيادات في البوية بسكينة المعجون
كده.. أنا والعيال.. وبدأ يساعدنا نخرج برة شوية شوية.. لحد ما
خرجنا ولقينا حسام بيجرى زى المجنون في الصحرا..

عم «عبد القادر» حارس المهرم.. راجل اخرس واطرش.. وكان شاييل كشف كبير.. بينزل كل فترة يتأكد ان محدش قلقان من التواجد

الاعتراف السابع عشر الواد ده عيونهم.. بدالات

رحلات الشباب وأيام الشقاوة والطراوة.. شلة الشارع الى هماهما
شلة المدرسة والجامعة.. الكورة والخروج والسهر والسينما والسفر..
وياللا بينا نطلع اسكندرية يوم من الصبح.. بس الجو شتا... وماله..
يوم لطيف صدرد علطول.. لا خليهم يومين.. بقولك تعالى تخليهم
كام يوم كده.. لا أبابا يدبحنى ويطلق امى.. وهكذا.. المهم.. ترسى
الرحلة على يوم وبيات ونرجع تانى يوم بعد ما تسيب اخواتك رهن
لأبابا.. مع وعد منه لو ما رجعتش فى معادك حيسلمهم للأحداث..
عمومًا هى الأحداث تستاهل.. وتنطلق مع فاصل من الشقاوة
والضحك على الى رايع واللى جاى.. وقلق لحد ما توصل
اسكندرية.. طبعًا احنا يادوب وصلنا وخطينا الشنط فى شقة احمد
صاحبنا.. وانطلقنا زى دانات المدفع إلى البحر.. وانت بتجرى
وبترفر فبايدك.. زى صباح فى ساعات ساعات.. عمال تتذكر كل
الأيامات والحلفانات الى أبابا وأماما حلفوك بيها..

- اوعى تنزل البحر يا شريف..

- حاطر أبابا..

- شريف...

- ربنا يباركلك فيه يا حبيبي..

- انتو خايفين من الموج؟؟؟

- آه طبعاً... أُمّال خايفين من السمك؟؟!!

- طب ایه رأیکم بلاش نعووم.. تعالوا ناخذ بدال..

.. لا -

- ناخذ بڊال يا جماعه اهو کويس...

وطبعاً تبدى الفتية ريمتها تلف على كل واحد شوية.. وتبتدى

الأفكار تطلع وصوت التوافق يعلا.. وانا على صرخة واحدة..

- بلااااش.. یا ختااااااااااای.. بلاش یا صُرم..

وطبعًا.. الشيطان لابس عوامة وزرة وقاعد على الرمل فطسان على

روحه من الضحك وبيتفرج علينا واحنا بنزق البدال ناحية المية..

وانا ببصله لورا.. وبتف.. وطبعًا.. انا قررت انى أقود إحدى دفتى

البدال.. عشان فعلاً مش حزنل المية.. اما يتشقلبوا.. ده انا لامح

اكياس شوربة متجمدة فى الفريزر تحت اهى .. درجة حرارة المية ممكن

تخلي البحر يتحول لسموزى خوخ فى لحظة!!!!

وللأسف.. فكرة التبديل كانت فكرة هباب كالعادة.. خصوصاً

مع وجود ثمانية بغال على البدال ونفرين بس الى بيدلوا.. وعلى

فكرة.. مكانتش دى المشكلة.. المشكلة الفعلية كانت ان الموج الى

جای من البحر.. کان قافش.. یعنی کل متر بناخده فی اتجاه إيطاليا..

كان بيحدفنا ست أميال فى اتجاه جنوب أفريقيا.. وكأن البحر ازداد

- إسماعیل فین؟؟

- أغمضت عينيه.. يا ختاااااااااااااااااااااااي.. روحوني لأمي يا

[illegible]

حَبِيبَتِكَ فِي الصَّيْفِ

اوعى_تنزل_فى_الشتي

وعيونك الصيف

حَتَّبَعْدِل فِي الشَّيْ

الاعتراف الثامن عشر

فلل فناوى

ما أروع الشرب من القلة!

هو ده الى أبابا - الله يرحمه - تفتق ذهنه إليه فى لحظة من لحظات الحنين إلى الماضى.. تلك اللحظة الى قاده لشراء قلتين فناوى حلوين كده ومخططين من راجل غلبان من بتوع القلل الى بتتملى وانت نازل تدلع دى.. طبعًا احنا فى البداية انا واخواتى وأماما قلنا عادى.. وايه المشكلة.. مفيش أى مانع من ان أبابا يحقق شوية من شطحاته الى بتعدى على أبهات كثير ويشترى قلة ويشرب منها.. حقه الطبيعى تمامًا فى الحياة.. لكن..

محدثش فينا أبدًا كان متخيل ان القلتين دول سيكونوا أحد أسوأ الكوابيس الى عدت على البيت ويمكن على الشارع كله.. وبدأت الكارثة الكونية دى مع تانى يوم من شراء القلل لما لقينا أبابا خارج من أوضته زى الفرقاطة البحرية الى بتطارد لانش سبيط غير شرعى وهو على صرخة واحدة:

- القلل فاضية فى البلكونه لىيىيىيى يا غجرررر؟؟

طبعًا الإجابات كانت مما بين الأقواس مش محتاجة تعليل..

الإجابة الأولى: عشان حظر تكم شربتوها أفنظم..

الإجابة الثانية: حضرتكم شربتم كل المية الى في القلة أفنظم..
الإجابة الثالثة: القلة فاضية عشان المية الى فيها اتشربت بواسطتكم
أفنظم..

لكن.. المصحح.. قصدى أبابا كان له رأى تانى فى الإجابات..
وشاف ان أكيد فى حيوان أكل نمل من ابو زلومة ده من التلاتة الى
مخلفهم يشرب من القلة.. وبسييها فاضية مش بيملاها.. لإنه عديم
المسئولية.. ومهما حلفنا له اننا ما بنلمسهاش غير عشان نملاها..
عمره ما كان بيصدق.. ودايمًا شايف اننا طمعانين فى الشرب من القلة
على أساس انها مليانة بإكسير الحياة.. وان البُقى منها أبرك من مية زمزم
وحىلى الواحد فينا مصدر لقوة افخاد مارادونا.. طبعًا كان رد فعلنا
الدايم لا يتعدى اعتمادنا الكلى على كتاب الدعاء المستجاب الازرق
الصغير ده.. الى كنا بندور فيه باستماتة على أدعية كسر القل.. بس
مكناش بنلاقى الدعاء ده أبدًا.. ودورنا فى حصن المسلم برضو انما
مفيش فايده.. وللأسف الشديد.. لم تتوقف الأمور عند هذا الحد من
الإذلال والعيش فى شقة فيها ثلاث متهمين بالشرب من القلة.. تهمة
بشعة فعلاً!!

إنما الأمور تطورت للأسوأ..

- يا شر بسييها

- أيوه أبابا!!!!!!!!!!!!

- اسمها نعم يا حيوان..

- حاطر أفنظم... نعم؟؟ أوامرك؟؟؟ توجيهاتك احبيبي؟
- مية القلة مش ساقعة..
- لا كده محتاج عفريت علاء الدين.. واحتمال كبير يفشل يعمل
- فيها حاجة هو راخر..
- يا حيوان المية فى القلة مش ساقعة عشان مش محطوطة فى تيار
- هوا كويس..
- طب انا اسيب مذاكرتى وانفخ فيها والا اعمل ايه؟!!
- حيوان.. مخلف حيوان..
- أبابا انا أعصابى تعبت ومحتاج اروح لدكتور قلل.. قصدى
- دكتور نفسانى..
- حط القلة على سور البلكونة من برة..
- أبابا طب ما تخليك دوغرى وقولّى اشرب سم أسهل من محاولة
- القتل العمد دي!!!
- اخرس يا حيوان.. تحط القلة على سور البلكونة من برة عشان
- الهوا يخبط فيها..
- هى إيه دى أبابا الى الهوا يخبط فيها؟!!
- القلة يا حيوان..
- آآه.. بحسب.. معلىش حبيت اتأكد بس..
- طبعًا مهما حاولت اوضح حجم المخاطرة الى كنا بنعملها عشان
- نحط القلة بعد ما نملاها مية وتقل وتبقى فى وزن فيل صغير على

التلاجة حالاً أبا..

- لا يا حيوان.. الراجل بتاع القلل معدى اهو من تحت البيت..
انزل هات ست قلل زى اللى كانوا عندنا.. عشان نوزعهم كويس
على سور البلكونة من برة..
- نوزعهم على السور؟؟!! يا خت!!!!!!!!!!!!!!!!!!!!!!!!!!!!!!

قلة_العذاب

مالها_التلاجة

قلل_قلل_وعشقتوا_يا_ناس

قلة_حبنا

الاعتراف التاسع عشر شوماخر الآخر

العربيات.. وسواقة العربيات.. حلم كل شاب في مصر في فترة الثمانينات والتسعينات.. أبوك.. ومفاتيح عربية أبوك.. المصايب الى كنت بتعملها بالعربية من وراه.. وترجع المفاتيح مكانها تانى قبل ما يصحى.. ولا أكنك كنت السبب في انهيار سوق الذهب في العالم.. اهتمام الشباب بماركة العربيات.. والمواتير.. والحاجات الكثير بتاعة العربية دى.. كانت بالنسبة لى بتمثل نفس اهتمام القريدىس بمعاد اعادة عرض الحلقة السبعناشر من مسلسل هند والدكتور نعمان.. مخزن بلح كبير.. تقف العيال صحابى تتكلم عن العربيات بينما انا سابح فى ملكوت منظمه سيده.. وطموحاتى عمّالة بتكون خيالات تفوق ما تكونه أقوى أنواع المخدرات عن إنقاذى لمنتخب مصر فى مباراة نهائى كأس العالم الى جاى كمان سنتين قصاد البرازيل فى مباراة تاريخية كنت انا بطلها لدرجة ان شعب البرازيل ابتدا يسمى عياله على اسمى.. شريفالدو.. الشباب يقف يقول ياللا يا شريف عشان ناخذ عربية أبوك بقى مرة دى اوتوماتيك يا ابنى.. وأنا أحاول افهمهم ان أبابا يربط العربية بالجنزير فى صباع رجله الصغير وهو نايم ومستحيل العربية دى تتحرك من تحت البيت..

تمسحوها من جوة كويس قوى بالاسبراى..

- اسبراى؟! يا ختاناااااا.. ليه اسبراى سبعة الصبح أبابا؟؟؟!!

هى العربية دى ماسكة علينا ذلة؟؟؟

- ياللا يا حيوان قبل الحر.. لمعوا التابلوه كويس.. وبعدين

سخنوها..

- تابلوه!!! تابلوه كده بس أبابا؟؟؟؟ أشوفها بتسخن فى فرن بحق

جاه الكريم..

- بتقول إيه يا حيوان؟

- لا أبابا ده أنا بدعيّلها ربنا يعترها فى ولاد الحلال.. أو يعتر ولاد

الحلال فيها ونخلص..

وطبعًا.. نجرجر بعض انا واخواتى وننزل مع قرصة البرد فى

الوقت ده.. وندخل العربية كل واحد ماسك حته قماش ناشفة..

وهاتك يا رش ومسح فى جنبات العربية..

مرة رشة بالاسبراى.. ومرة تفة.. تنويع بغرض الانتقام..

وبعد الانتهاء من عملية الباديكير للعربية.. ابتدينا مرحلة

السشوار.. نسخنها بقى.. ولفت نظرى وهى بتسخن ان الفتيس

مليان تراب.. واضح اننا نسيناه:

- حد فيكم مسح الفتيس؟؟

- لا.. تعبنا بقى.. امسحه انت..

ومديت إيدى امسح الفتيس من هنا.. وامسحه بضمير بقى..

راح ناقل على الدرايف.. وانطلقت العربية الى كان وشها للميدان..
أوتوماتيكيا.. بلا تحذير..

- يا ختانااa

- هو انهى فيسيهم الفرامل يا ختانااa

- دووووووووس يا شريسيسيسيسيسي

- اهووووووووو يا ختانااa

وطبعًا طبعًا طبعًا.. طلعت دواسة البنزين.. وقفزت النait رايدر
كالكنغر في الشارع لتعبه في اتجاه جنينة الميدان عشان تقفز معاها
مستويات الادرينالين في جسمى لمستوى منسوب المياه في بحيرة
ناصر خلف السد وقت فيضانات الغابات المطيرة...

فجأة افكرت كل قصص أدهم بيه صبرى.. فجأة لقيت نفسى
بافتكر كل أعداد السلسلة الى كان ييسوق فيها عربيات وازاى قدر
يسيطر على العربيات ويضع قبضتيه الفولاذيتين على مقود السيارة..
ويسحق دواسة الوقود تحت قدمه ليزجر المحرك وكأنه يعلن اعتراضه
على مقاس جزمة أدهم.. أو ريجتها..

أنا بقى الى كان شاغلنى مقاس جزمة أبابا الصراحة.. ولم يخرجنى
من خيالاتى سوى صوت انهيار اخواتى الى شايفين الشجرة فاتحة
دراعاتها عشان تاخذ العربية باللى فيها بالحضن.. الحضن الأخير..

- يا ختانااااااااااااااااااااااااااااااااااااa

- دوووووووو فراماااa

عشان نلف نرجعها.. وهاتك يا زق.. وهاتك يا رعشة الركب الى
باطت من الخضة وما بقتش تنفع حتى فى طاجن كوارع..
وركنّاها فعلاً.. وقفلنا العربية مع فاصل من الإهانة كان حسيّح
الصاج بتاعها.. وطلعنا ادينا التهام لأبأبا ان العربية اتلمعت..
وولّعت..

قصدى اتبببت سخنت.. بس حتولع ان شاء الله..
طبعاً اتفقنا ما نقولش أى حاجة.. مش ناقصين احنا.. كفاية
الرُكب.. مش حيقى رُكب وقفأ كمان.. خصوصاً اننا رجّعنا العربية
مكانها وأخفينا كل معالم الجريمة..

تانى يوم الصبح.. تليفون البيت رن..

- ألوووووو

- أيوه يا حيوان..

- مين؟؟ أبأبا؟؟ حبيب قلبى.. هاتلى معاك شوكلاتة وانت

جأى من الشغل..

- ده انا حاجى أدشمك انت والحيوانات الى عندك..

- لبيبييه أبأبا بس ده انا بحبك الله يخليك؟!!

- العربية كانت مركونة وشها للشارع زى ما بركنها طول عمرى..

مين الحيوان الى ساقها وركنها بالعكس.. آه يا حيوانات.. بتسوقوا

العربية طبعاً كل جمعة الصبح من ورايا.. بس اما ارجعلكم.. أنا

حوريكم أيام زرقا على دماغتكم..

- جمعة الصبح؟؟؟ والمصحف أبابا لا جم عالصبح ولا حتى جم

علی مهلهم یا ختایا

ما سقطت غيرة وسني اتنيك وتلايك سنة

السارة الملونة

أدهم صيدى يجيد ركب كل أنواع المركبات

ما عدا العربيات الأتوماتيك

الاعتراف العشرون إنترفيو مع دبور

«ألو.. منزل أستاذ شريف أسعد؟؟.. حضرتك؟؟ أهلاً وسهلاً.. حضرتك كنت باعت الـ «سى فى» بتاعتك عندنا وعندك إنترفيو عندنا فى الشركة يوم التلات اللى جاى ان شاء الله الساعة اربعة العصر.. فى انتظارك.. مع السلامة»..
ياااه.. يااااه يا دنيا..

خريج جديد.. شباب.. نضارة.. يافع.. يافت.. من بتاع نور الشريف فى جرى الوحوش.. أبحث عن فرصة عمل.. أو علاقة جادة.. فى الوقت ده من حياتك بتبقى متلخبط جامد.. وقلقان من المستقبل.. انما الحمد لله.. ربنا ما خيش آمالى ولا رجائى ولا فوزى.. فوزى مين؟!

المهم جالى إنترفيو بقى... أيوه بقى.. حاشتغل واثبت لأبأبا انه مخلف نجيب ساويرس صُغير قاعد معاه فى البيت.. حيستحوذ على تسعة اعشار السوق المصرى فى خلال اسبوعين من استلامه الوظيفة.. رجل مبيعات.. الوظيفة طالبة كدة!! اللى بالانجليزى بنزوقها ونسميها Sales Man طبعاً ده بيكون المسمى اللى بنطلقه على أى واحد بيع أى حاجة فى أى كشك.. يعنى لو بتبيع فلايات

انا آسف لكل جميلات المهندسين الى حينهاروا فى الشوارع من
شدة وسامتى وفتكى.. فتكى عبدالوهاب..

أعذر لكل الشباب الى حيفركشوا بعد ما الجميلات حيتهافتوا
لالتقاط الصور التذكارية مع الـ Aline الى نازل من المبنى باص..
دى فرصة لا تعوّض وممكن برنامج مواقف وطرائف يدفع فى الصور
دى ألوفات.. هما فى؟؟؟ ها؟؟؟ هما فى؟؟؟ أكيد فى الشغل.. أو فى
الجامعة أكيد.. أيوه أيوه.. فى البيت صح.. عشان ده مش وقت نزول
فى الشارع.. معلش يا مهندسين.. ليكى يوم.. انطلقت إلى مكان
الشركة زى ما العنوان مكتوب وانا بتفرج على العمارات الفيميه
الإزاز العالية وخیالى عمال يرسم صورة المكتب الى بيبص على النيل
فى المهندسين وما تسألنیش ازای.. هو خیالى مريض لوحده كده..
نمرة سبعة واربعين فى؟؟؟ فىن يا جماعة نمرة سبعة واربعين..
دى واحد واربعين.. ثلاثة واربعين.. خمسة واربعين.. اهاaaaaaaaaaaaa..
سبعة واربعين.. ايه ده؟؟؟ أحیه؟؟؟ دى سبعة واربعين؟؟ دى خمسة
يونيو سبعة وستين...!!!

دى عمارة من مخلفات الحرب..!!!

دى أكيد مدرسة بحر البقر الابتدائية الى الطيران الإسرائیلی ضربها
وشالوها هيللا بيللا وجابوها هنا كنوع من أنواع تنشيط السياحة فى
المهندسين!!!

يعنى عمارات خمشر دور رخام بمصاعد بانوراما فى كل الأنحاء

- مساء الخير ماى نيم ايز شريف أسعد.. فى انترفيز ليا عندكم..

ممکن تديهولي؟

- نعم؟؟!

- هاهاهاهو يو أر سو سویت.. مستر ظکریا موجود؟ عندی معاد

معاه..

- اتفضل.. نقوله مين؟؟

- ما انا قلت لك ماى نيم ايز شريف أسعد!!

- دى شركة حضرتك ليكو فلوس؟؟ هو ما بيدفعش حاجة

اليومين دول.. الشيكات حتبقي جاهزة كمان شهر

- لا شيكات ايه؟؟؟ أنا اسمي شريف زفت أسعد.. وعندی معاد

معاه.. هو اللى قالی آجی.. هو موجود؟؟

- ثوانی.. حشوفه موجود والا لأ

- أفندم؟؟!!!!!!

وطبعًا عم زكى دخل أوضة وغاب جوة بتاع ربع ساعة.. شكل

الأوضة دى طويلة قوى.. وخرج ومعاه صندوق صفيح فيه ورق

مقطع واطباق وكوبايات شاى بفتلة ازاز وطفى سجائر..

- عم زكى انت خارج من الخرابة؟

- اتفضل.. الأستاذ زكريا مستنيك جوة يا أستاذ أسعد..

- ميرسى يا عم زكى.. شربات.. شربات يا عم زكى..

طبعًا وقفت عدلت من هندامى بقى عشان ادخل على رب عملى

الجديد المستر ظكريا.. وقعدت افتكر كل النصايح بتاعة كتاب «كيف تنجح فى الإنترنتو بدون معلم للمتخلفين؟».. وخبطت برجلى فى الأرض الخشبية عشان اسيب إيقاع مميز بقى وحاجة انما إيه.. شغل فنادق نجمتين.. المستر ظكريا استقبلنى بكل ود وترحاب ودعانى للجلوس على الكرسي الخشب الى سالفه من القهوة الى على أول الشارع.. وقعدت بعد ما اتأكدت انه خالى من المسامير عشان أبابا ممكن يطلق أماما لو البدلة جراها حاجة.. ومستر ظكريا مش حينفعنى ساعتها..

- فرصة سعيدة يا أستاذ شريف.. اتفضل.. تقدر تتحدث عن نفسك..

- أنا شاب صغير.. ذكر.. بشعر مجعد.. عيونى عسلية.. أجيد التحدث باللغة الأم واللغة الأخت.. وأجيد الإنكليزية بطلاقة.. وأقطن فى حى المعادى وأتطلع إلى أن ألاقى احتياجاتكم من المؤهلات المطلوبة للانضمام إلى هذا الصرح الكبير.

- اخدت كورسات كمبيوتر؟؟

- نحن نملك جهاز كمبيوتر فى المنزل.. وبخلص دور السوليتير فى اثنين دقيقة واربعة واربعين ثانية..

عم زكى اقتحم الأوضة وهو شایل كوبايتين شاي.. بس طبعاً لاحظت ان الكوبايتين دول هما هما نفسهم الكوبايتين الى كان خارج بيهم فى العلبة الصفيح وانا قاعد برة.. والبقع الى على إزاز الكوباية

من برة بتقول ان دى بقع مخلفات غبار ذرى.. وان آخر مرة الكوباية
دى شافت فيها الغسيل كانت أيام ما كان عم زكى بشورت لسة..
طبعًا المستر ظكريا.. طفع عادى لأنه حامل للفيروس أساسًا..
وحلف بشرف مامته ما حنكمل الإنترنتو غير لما اشرب الشاى
الأول.. وطبعًا أنا حلفت بشرف مامته هو ما انا لامس الكوباية
الى أكيد حتجيبلى الجمرة الخبيثة لو لمستها.. لكن تحت وطأة ضغط
إصرار مستر زفتكريا.. اضطريت اشرب الشاى.. مش مهم خالص
الطعم الى مع كل شفطة بيتأكلى ان ده مستخلص زيت خام رائحة
عم زكى.. ولا شاى ولا زفت.. ده نهاية العالم فى كوباية مش اكتر من
كده.. بطنى قلبت.. أنا محتاج ادخل الحمام ضرورى.. فورًا.. بس
كتاب «كيف تنجح فى الإنترنتو بدون معلم للمتخلفين» بيقول: يا
متخلفين محدش يدخل الحمام وهو فى الإنترنتو عشان التركيز مع
القائم بالإنترنتو.. المثانة بقت قد السد العالى.. فليذهب الكتاب إلى
الشیطان.. أو إلى المستر ظكريا شخصيًا..

- سيكس اكيوز مى مستر ظكريا.. ممكن ادخل الحمام بعد ايف
يوليز؟!!

- آه بس احنا لسة ما اتكلمناش فى السلارى.. المرتب يعنى..
- أووووووووه السلارى.. لا حتتكلم فيه طبعًا بس بعد ما اخرج
من الحمام عشان واضح انى حاخد بالباقى لبنان..
- احنا هنا بندى المرتب بعد أول ثلاث شهور شغل.. عشان نتأكد

عمال اصرخ وبسّرَب.. خد نفسه وطلع من الشباك.. غالبًا كان متوضّى.. وقفت انهج من اللف حوالين نفسى والجزء الأخير من الحمولة فى طريقه للحيطه عادى وانا لا ألقى بولاً.. قصدى بالآ.. الشطافة اللى ف إيدى لا تتوقف عن رش المية على الشباك كنوع من أنواع مطاردة فلول الحرب.. خلصت زفت.. ورميت الشطافة.. وجيت افتح الحنفية عشان اغسل إيدى.. الدبور دخل تانى.. دى كانت مرحلة الانسحاب التكتيكى.. بلا غسل إيديين بلا زفت.. ده انا كلى محتاج تطهير بالكى دلوقتى.. مية إيه وزفت إيه.. فتحت باب الحمام وخرجت إلى باب الشقة رأسًا.. ولقيت عم زكى خارج من ركن الخرابه الى ييسموه عندهم المطبخ..

- على فين يا أستاذ؟؟؟ ده الأستاذ زكريا منتظر حضرتك جوة!!!
- معلىش يا عم جاريش.. بلغه انى حصل ظرف صعب.. وعمومًا هو مش محتاج موظفين فى المكان ده.. هو محتاج هولوكوست..
- دى شركة دى يا أستاذ؟؟؟

- آه.. دى شركة ألمانية حتببقوا انتم أكبر عملائها ان شاء الله..

فلت_نجيب_ساويرس

بلغت_وزارة_البيئة_عه_المكاه

المستر_ظكربا

هاو_مينى_كاكا

زقلت_المبنى_بالطوب_لما_نزلت

الاعتراف الحادى والعشرون رجلين ممدوح

«بلدكم إيه؟؟؟»

سؤال كلنا بنتسأله طول الوقت.. ودايمًا الإجابة بتكون تلقائية..
الصعيد.. بحرى.. شرقاوى.. رئيس جمهورية أو بما يوازيها.. منوفى..
إلا أنا.. أنا الوحيد فى صحابى ومعارفى الى كنت بلاقى مشكلة
مع السؤال ده.. لإننا ببساطة قاهريين.. أنا مولود فى المعادى.. وأبأبا
هو كمان زى حالاتى.. إنما.. كان لينا أصول من بعيد قوى من عيلة
«نينا» من قويسنا.. وفى يوم من الأيام.. رجع أبأبا من الشغل وهو
عابس الوجه.. مكلضم.. طبعًا احنا بالقصور الذاتى اتجهنا لأطراف
المنزل نواحى البلكونات كده استعدادًا للانتحار فى حالة حدوث
أى هجوم من أبأبا والا حاجة لإن شكله محتاج يشرب من دم حد..
واحنا مغربين جدًا بسبب بلاوينا التى لا تنضب ولا تنتهى.. لكن
أبأبا أطلق النفير العام للاستدعاء فى المنزل.. وجمعنا كلنا.. حتى
أماما.. وفهمنا اننا عندنا فرح.. وطبعًا انا الجملة دى كانت بالنسبة
لى جملة مربوطة بذكرى بتصيبنى بحالة صرعية مميزة ويمكن تراجع
اعتراف الفرخ فى الجزء الأول عشان تعرف حجم المصيبة.. لكن أبأبا
كَمَل كلامه عشان يوضح ان الفرخ ده.. فى البلد..

- بلد؟؟؟؟!! بلد إيه أبابا؟؟؟؟ احنا مالناش بلد..

- لا لینا.. بلدی..

- بلداولللالللالل

- اخرس يا حيوان..

- حقوق اكسرك يا حيوان..

- هاهاها شربات أبابا بهزر معاك عشان شكلك مش طايقنا..

- أنا جاتلى مكاملة فى الشغل من أهلنا فى البلد حنروح نحضر

الفرح ونمشى تانى يوم الصبح..

- الله.. فرح بقى فى الفلاحين وكدة أبابا؟؟!!

- آیوہ..

طبعًا احنا كنا فى منتهى السعادة والانبهار.. الحماسة حتاكلنا أكل كده.. أخيرًا حنشوف الزرع والحيوانات صديقة الفلاح وحنشوف الأرناب والجاموس وابو قردان والحاجات السخيفة اللى فى كتاب المدرسة دى.. واستنينا يوم السفر بفارغ الصبر.. وانطلقنا فعلاً بعد المغرب عشان الحر لأننا كنا فى شهر أغسطس.. ووصلنا البلد فى أول بعد العشاء بالضبط.. وسط استقبال حافل من الأهل الى لسة أول مرة بتتعرف عليهم..

- سَلِّمْ عَلٰی عَمِّكَ وَجَدِّیْ یَا شَرِیف..

- حاضر أبابا.. أهلا أهلا عمو نجدی..

والناموس... وآثار الطعنات الى في صورة دمامل صاحبة الى
بيخلفها الناموس بعد ما يقوم من فوق الضحية الممصوصة الخلاصة
زى علبة الكانز الفاضية.. التارجت بتاعى انا واخواتى كان محاولة
الحفاظ على لترين دم على الأقل في جسمنا.. عشان القلب يمشى
بيهم حاله.. ونسيب الباقي للناموس عادى.. أنا شكيت لفترة طويلة
ان ده مش ناموس وانه مخلوق فضائى عايش فى الأرياف بعيد عن
عيون السلطات.. وخصوصاً لما لقيت ناموسة تقريباً مركبة خرطوم
وعاملة قسطرة لواحد قاعد معانا.. مش بتمص دمه.. هدومنا
ساعدتنا بشكل كبير اننا نحصر أماكن الطعنات بتاعة الناموس فى
الوجه والكفوف والقفا الحمد لله.. وفضلنا على كده شوية.. لحد ما
جه ممدوح..

ممدوح شاب لطيف.. فى سنى انا واخواتى كده.. أقصر منّا حبتين
تلاتة.. قرب منّا.. قعد جنبنا.. وكلمة من هنا.. على كلمة من هنا..
خرجنا نلعب مع بعض.. واحنا خارجين.. عم وجدى قاله:
- يا ممدوح.. خد ولاد عمك يغيروا هدومهم عشان ييقوا براحتهم
لحد الفرّح بالليل..

وطبعاً.. رحنا مع ممدوح الأوضة بتاعته.. وادّانا هدوم من عنده..
وسلم هدومنا للناموس.. وبقينا انا وممدوح واخواتى الاتنين اربع
جلاليب ماشية.. فى حرم الناموس.. مهما حاولت اشرح الناموس
عمل فينا إيه مش حيبقى واقعى جنب الى حصل.. الخلاصة.. كان
انتقام..

175

[illegible][illegible][illegible]

- يا سلااااااااااااااااااااا!! حد قالك انى فاكهه صوت القاهرة للصوتيات
والمرئيات؟؟؟؟!!!!

- دى صوت البنادق الى جاية تحية للعريس .. حتىجى تضرب نار
فى الارض الى وراانا..

- دی تحیه؟؟؟ اُمال کاریوکا شکلها ایه؟؟؟؟ وبعدين لو دی التحیه.. اُمال لما بتخانقوا بتعملوا ايه يا ختانا!!!!!! ای؟؟!

- تعالى بس نروح نشوفهم وهما بيضربوا النار.. حتنسبط قوى..
طبعًا.. بسبب انه راهن هدومنا عنده فى الدولاب وبسبب ان
الناموس سحب منى كمية من الدم حتخليه يفتح بنك دم ويتاجر
فيه ويكسب وكدة.. وبسبب الفضول.. قررنا انا واخواتى الغلابة
نمشى ورا ممدوح ونشوف ضرب النار..

وصلنا لسور الأرض.. وبدل ما نلف.. ممدوح قالنا:

- ياللا ننط من فوق السور..

- ليه يا ممدوح؟؟؟ ما نلف؟؟

- اللفة بعيدة ياللا ننط..

- ممدوح احنا لابسين جلابيب!! نطت المية فى زورك..

- يا عم ياللا ننط وانا حنط الأول.. شبكولى إيديكم..

طبعًا شبكنا إيدنا.. وممدوح سحب الجلابية وحطها فى سنانه
فى عرض مميز لملابسه الداخلية الساحرة.. وحط رجله على إيدى
المتشبكة.. وهو ووب بقى فوق السور ونط علطول بشجاعة يحسد
عليها..

وفى ثانية.. سمعنا الناحية الثانية..

- |||||

أطلق الخيال لعنانك..

ممدوح انضرب رصاصة؟.. ممدوح نزل على ناموسة وطارت
بيه؟.. ممدوح جلابيته شبكت فى سنانه كسرتها؟.. ممدوح وقع زرع

مشينا واحنا شايلين ممدوح وهو شغال بقى:

- اه يا رجلى .. ادخلوا يمين

- اه .. رجلى .. حودوا شمال

- اه يا رجلى .. امشوا من هنا..

- اه .. رجلى .. ادخلوا من هناك..

واحنا قافلين بؤنا على الجلايب ومش عارفين نلعن سلسفيل
جدوده ولا عارفين نتف عليه ولا أى نوع من أنواع الإهانة.. ولا
حتى عارفين نهش الناموس الى عامل حفلة تحت على شرف ركبنا
وما يحيط بها من مصادر دم..

وابتدت قطرات العرق فى ليل أغسطس تتساقط على عنينا مخلوطة
بالملاح والتراب واحنا صامدين وشايلين ممدوح اوبح.. لحد ما صرخ:
- بس بس بس .. اقفوا شوية مش قادر..

طبعا دى كانت النهاية بالنسبة لينا.. وتفيت ديل الجلاية وأخذت
نفس عميق دليل على ان سيل الشتايم القادم حيقى زى إعصار
كاترينا المدمر..

- إنت عبيط يا ممدوح؟؟؟؟! مش قادر إيه؟؟ احنا شايلينك يا
بنى آدم بقالنا تلت ساعة اما ما بقينا ش عارفين الحرقان الى تحت ده
تسلخات والا تفريغ للدم سبب خشونة فى منطقة الحوض من قرص
الناموس!!!!

- رجلى وجعانى قوى ومش قادر اهزها.. أرجوك.. خش بينا على

الزربية الى جنب الدوار دى نجيب الحمارة ونروح للدكتور نعمان..

- مين الحمارة دي؟؟ وبتشتمها ليه؟؟

- لا الحمارة بتاعتنا.. الحمارة الى بنركبها..

- الحمارة.. اااااااااااااااااااا.. ايوه ايوه.. طب ومين الدكتور

نعمان؟؟؟

- ده الحكيم..

- حكيم القرية؟؟؟

- ايوه.. اااااااااااااااااااا

- كده يبقى شُفنا عبط القرية.. وحكيم القرية.. وادعى ربنا

يصبرنا عليك بدل ما يبقى فيه قتيل القرية كمان..

طبعًا عدنا لعضضة ديل الجلاية الى بقى مبلول وابتدا يتمزّع أكنه

طالع من بق كلب.. وشلنا بسلامته ووصلنا بيه الزربية وحطيناه على

الحمارة الحيوانة الجزمة القديمة.. واتحركنا خارج الزربية وهو ساق

الحمارة.. واحنا ماشيين بالجلاليب القصيرة جنبه.. وطول السكة وانا

سامع صوت خيالى بصدى فى ودنى بيرن ويقول:

« من ده بكرة.. بقرشيشيشيشين»..

وصلنا لبيت الدكتور نعمان وخبطنا عليه.. وفتح عشان يلاقى

ممدوح على الحمارة بيتوجّع.. شاله بسرعة.. ودخله جوة البيت..

وكشف عليه باهتمام..

- إنت حالتك وحشة قوى يا ممدوح ورجليك الاتنين وارمين..

ولازم نحطهم فى جبيرة أسبوع..

- جبيرة لا يا دكتور.. أبويا حيعرف..

- معلىش يا ابنى.. عندك تمزق جامد فى الأربطة ولازم تتجبر.. هو

أسبوع واحد يا ابنى أحسن..

- والنبي يا دكتور ابويا حىضر بنى..

- لا لا لا مش حىضربك.. انا حكلمه ما تخافش..

طبعًا انا واخواتى كنا بنشجع الدكتور تمامًا عشان يعمله جبيرة ولو عم وجدى ما ضربش ممدوح احنا حنضربه لحد ما حنعدمه العافية ان شاء الله.. وفعلاً.. الدكتور اشتغل.. وحط رجلين ممدوح الاتنين فى الجبس.. واتصل بعم وجدى الى جاب أبابا وجه جرى واطمن على ممدوح.. وأخذناه وروحنا فى الطريق للدوار.. وطبعًا أبابا كان ماشى جنبى..

- إيه الى حصل يا حيوان؟؟؟ عملتوا إيه فى الولد يا بغال؟؟؟!

- أبابا أحببى هو الى عيل غبى.. بينط بالجلابية وقع اتكسر.. أنا

مالى؟؟

- كده بوظتو الفرخ الى حىشتغل كمان شوية يا بنى آدم؟؟؟ ما

تستروش أبدًا؟؟؟ مخلف بهائم؟؟؟

- أبابا احنا مالنا؟؟؟ والمصحف ما عملنا حاجة!!!

أبابا بصلى بصة قرف انا واخواتى.. وسبق بخطوتين جنب عم

وجدى الى ماشى يجر الحمارة الى راكب عليها هباب البرك ممدوح..

وقاله:

- بص يا وجدى.. العيال ولادى حيقعدوا مع ممدوح فى البلد
الأسبوع ده لحد ما يفك الجبيرة عشان ما يقعدش لوحده ويزهق..
وحاجى آخذهم الأسبوع الجاى والا انت مش عاوز تضايّفهم؟؟؟
- يا سلام؟؟ دول ينوروا البلد كلها.. وحيناموا مع ممدوح فى
الأوضة.. ده يوم المُنّى يا أستاذ عبدالعزیز.. ده يبقى أسبوع جميل
والله..

أحیه أبابا!!!!!! انت بتعزم علیه بسندوتش مورتة؟؟!! يوم
المُنّى؟؟؟ وننام مع ممدوح؟؟؟ ممدوح مين اللى انام معاه؟؟؟ قول
أسبوع رمى الجمرات يا ختا!!!!!! اى؟؟؟ إزای بلد من غير
ترعة؟؟؟ فىن أم الترعة اللى فى البلد دى عشان انتحر حا!!!!!! لا...
ده الناموس حيخلّص الدم ويخش على العضم يا ختا!!!!!! اى

صاحبت_ناموسة_أسبوع

دايمًا_بنفّلك_ممدوح_المشلول

اهدب_برجليك_ترهب_العدو

كبدى_وقف_فى_زور_ناموسة_خنقها

حنام_فى_الزير_عشان_الناموس

الاعتراف الثاني والعشرون طائر الليل السخيف

«الليل بديع جدااا»

ولا بديع ولا قرد.. وخصوصًا اما تبقى ليلة مطينة بطين زى كل ليلة بنشوفها واحنا بنربى عصافير فى البلكونة عندنا وكل ليلة يحصل هجوم من نوع مختلف.. هجوم إيه؟؟؟

تعالى اتفضل اسمع بنفسك.. طبعًا بعد هذا الكم المفزع من الاعترافات أصبح كل واحد منكم فاهم كويس قوى اننا أسرة عاشقة محبة للحيوانات.. كل أنواع الحيوانات.. هوايتنا الأولى انا واخواتى هى تربية الحيوانات بكافة أشكالها وبجميع فصائلها.. ودى الحقبة الى قررنا فيها نربى مجموعة عصافير استرالى لذيدة بديل طويل وحلو.. والعصافير تصوصو.. واحنا نحط أكل ومية.. والعصافير تصوصو وتتجوز.. واحنا نطبل ونحتفل.. والعصافير تصوصو وتبيض.. واحنا نفقس.. تطلع عصافير صغيرة تصوصو وتكبر.. واحنا نتجوز ونبيض.. قوم هى تفقس.. وهكذا.. طبعًا.. كانت فى مشاكل مع كل نوع من أنواع الحيوانات بنربيه.. يعنى مثلاً.. الكلاب بتجرب.. القطط بتنتحر شنفًا باحبال الغسيل.. السلاحف بتخش الصدفة وتحلف بشرف أمها ماهى خارجة.. التعابين بتعض

لحد ما في يوم الصبح لقينا على الملاية الى على الارض.. آثار
دماء.. ثانية كدة!! يا ختانااااااااااااايي..

أصل دى مش نقطة أو اتين.. لا خالص.. دى مجزرة دم!!
 طبعًا طبعًا طبعًا.. أحيه..
 سيملى أحيه يعنى.. لا ريلي..

الدم ده جه منين!!؟

انا واخواتى الصبح ابتدينا نأكد على بعض ان الموضوع ده مش
حيخرج برة حاجة من اتنين..

أولاً ده أكيد فامباير كان طائر معدى وبعدين دخل البلکونة عمل حفلة ملوخیة بالعصافیر.. وقرر یمسح إیده فی الملاية..

أو ثانيًا ان ده أكيد أكيد.. كان فيه عملية تبرع بالدم في البلكونة
عندنا وكان في عربية إسعاف داخله بضرها وده كيس طرشق منهم
ودهول الدنيا!!!

كانت زى ما انتو شافين كلها تخيلات مريضة بتاعة عيال بتخسر شقاها فى العصافير يوم بعد يوم.. وكان الحل الوحيد هو اننا نعلن حالة التعبئة العامة فى الشقة.. ونبدأ نشوف إيه الى بيحصل بالليل.. استعدادات مربية فى الشقة خلت أبابا يدخل أوضته بالليل ويقفل على نفسه بالمفتاح من جوة لأن أكيد الحركة دى مش حيحصل من وراها خير أبداً.. خودايات محطوطة قصاد باب البلكونة عشان نقعد عليها لأننا أكيد يعنى مش حنقعد فى البلكونة فى الرد ده..

وأكيد برضه مش حيكون شيء لطيف لو كنا فى استقبال الفامباير
بالليل وهو جاى وممكن تتسد نفسه وما ياكلش ..

الساعة حذاشر .. أماما دخلت تنام .. واحنا سلطحنا على الأرض
على الخوداديات قصاد البلكونة الى مدخلة سرسوب هوا من تحت
عقب الباب بيضرب فى الفخاد عاملها كيس بسلة محمد ..

تجاوزنا مرحلة البسلة وابتدينا ندخل على الساعة اتناشر ..
الساعة واحدة .. مفيش حاجة ..

الواد اخويا الصغير ابتدا يسقط ..

- شريف انا عاوز انام ..

- مفيش نوم .. لازم نعرف إيه الى بيحصل ..

- يا شريف مفيش حاجة حتحصل الساعة بقت واحدة ..

- كل يوم بنقول كده وبنصحى نلاقى فى عقيقة عصافير فى

البلكونة ..

استمرينا .. والعيال اخواتى ابتدوا فعلاً ينعسوا ويمددوا على

السجادة الى قصاد البلكونة وانا كمان ابتدا النعاس يتسلل إلى

جفونى ..

وفجأة ..

طرا|||خ

كائن عملاق اقتحم البلكونة خبط الملاية والاقفاص .. وفضل

يدبذب فى الضلمة .. وطبعاً مع حالة الخمول والمفاجأة كان لازم

واقفين انا واخواتي.. نتفرج عليها.. ومش قادرين نتنفس نفس واحد.. وبهدوء شديد.. وهى ثابتة ثبات الجهاد.. حركت رأسها مية وثمانين درجة.. وبصت لنا..

وفجأة.. واحنا في عز التسمر.. مش قادرين حتى نجري نهرب من
الرعب.. لو حد فينا سرب مية حتى حنموت من الخضة..

- انتو ما نمتوش لـــــــــــــــــــــــــــــــــــــة يا حيواناات؟؟

إنه أبابا..

البومة نفسها اتسرعت.. بطلت تيجى بعد الصرخة الى صرخاها
انا واخواتى.. لدرجة اننا كنا حنطير وراها فى البلكونة..

طبعاً البومة هربت بعد صوت الانفجار النجازاكي الى كان في الشقة من الخضة..

[illegible]

وطبعًا طبعًا طبعًا.. بعنا العصفير لإننا مكانش عندنا أدنى استعداد
مرة تانية ندخل فى تجربة رهيبه مع المخلوق المخيف ده..
لا مش البومة.. أنا أقصد أبابا..

အမေ့ အမေ့ အမေ့ #

کتا مہ عاوزیہ بومہ

الاعتراف الثالث والعشرون بهبة في عين الشحات

«عم سلامة»

لا ده مش صاحب العمارة.. ده الشحات المشهور بتاع المنطقة بتاعتنا.. الى كان عامل اعمى.. وعامل اعرج.. وعامل نضافة.. ملك ملوك التسول فى شارع مائة وثلاثة.. ومائة وأربعة.. ومائة وخمسة بالمعادى.. الراجل الى نص أهالى الشارع دفعوله اكتر ما دفعوا لعيالهم فى المدارس تقريباً.. وعلى مر السنين نشأنا وترعرعنا واحنا بنشوفه فى الشارع معدى مادد إيده ساند على نفس العصايا الخشب الى ما بيغيرهاش.. بيحاول يزك برجله زكة كانت بالنسبة لنا غير مقنعة على الإطلاق وبيحاول يدعى إنه يا عيني ما بيشوفش وهو مخلي باله من كل حفرة موجودة فى الشارع.. وكنا بنفكر نبتدى ننصحه بأنه ياخذ دروس فى التمثيل عشان يبقى مقنع أكثر.. إنها هو مكانش عنده وقت للكلام الفارغ ده وكان بيستثمر وقته فى الشحاتة.. طبعاً كان شكله مصطنع وأوفر قوى قوى.. حقيقى يا جماعة مش قلة رحمة مننا.. انما هو كان مفقوس فحت.. إنها يا مؤمن.. ما تفهمش إيه سر اهتمام الناس بيه.. وليه رغم السنين دى كلها بيدوله فلوس.. وأولهم وعلى رأسهم.. رئيس اتحاد المقاولين العرب الى مخلفنا.. أبابا..

كان أبابا كل ما يشوفه يندهه ويعطف عليه.. ويديه الى فيه
النصيب.. واحنا واقفين فى البلكونة حيجيلنا جلطة.. طب ادينا احنا
الى فيه النصيب طاه أبابا!!!!

لازم امشيلك فى الشقة بجلابية مقطعة يعني؟؟؟!
وكان أبابا كل ما يشوفنا.. ينده علينا ويوصينا على عم سلامة..
لما خلاص كنا قربنا نفقس من كتر الاستفزاز.. وأبابا مصمم يسمعنا
الوصايا العشر عن الرحمة والشفقة.. مش عارف أنهى شفقة دى الى
مكناش بنشوفها وهو ممرطنا فى التربية.. انما المهم.. الرحمة والشفقة
على الشحات الى زادت من غلنا عليه.. وصممنا انا واخواتى نحط
خطة محكمة.. عشان أبابا يعرف ان سلامة ده.. بيمثل.. وعاوز
يضحك علينا وعلى الشارع كله.. وطبعاً.. عشان الخطط الشيطانية..
كان لازم الاستعانة بالعقل المدبر للكوارث الفيزيائية الى حتكون
سبب فى فناء الأرض..

صاحبنا «أنور أنور»..

أنور ما شاء الله عليه.. كان الشيطان تلميذ عنده.. أفكاره سوادها
سواد مش طبيعى.. لا.. خالص.. سواد من الى منقط كحلى غامق
ده.. مالوش حل.. انعقدت الجلسة بحضور أنور واخواتى..

- أنور.. لازم نحط خطة محكمة لكشف عم سلامة..

- عم سلامة الشحات؟؟؟

- أمال عم سلامة بتاع فيلم وا إسلاماه؟!!!!

- طيب نخش في الجدد.. عاوزين تكشفوه لمين؟

- أبابا.. أبابا الى مخدوع فيه ومضيع عليه ميراث العيلة.. دا احنا لو كنا أخذنا الفلوس دى كان زمانا بندرس فى أكسفورد..

وبالفعل.. ابتدأت الأدمغة تتلاقى.. وابتدئنا نحط تصور للحظة الى حنكشفي فيها عم سلامة قصاص المجتمع عشان يلقي جزاءه.. ونبدأ احنا بقى نشحت مكانه.. قصدي ننفذ المجتمع من شره..

وعدى يوم.. والتانى..

كنت بخبط على بيت عم سلامة العصر..

- عم سلامة.. عم سلامة..

- آیوہ میں؟؟

- أنا يا عم سلامة..

- إنت مین یا ابنی عشان انا مش بشوف..

- سلامتک یا عم سلامة ان شاء الله حتخف وحتشوف.. بس

افتح الباب..

- حاضر یا ابنی بس بدور علی العصایا عشان مش بامشی..

- أوفر.. أوفر موت يا عم سلامة.. حعيط على الباب..

- اُهو يا حبيبي.. انا جاى اهو..

وفتح عم سلامة الباب.. وقلب عينه للسما قال يعنى الأعمى لازم
ييص للسما.. ويعوج بؤه.. الراجل ده شاف فيلم الكيت كات اما
اتهرى..

- عم سلامة فى راجل فى أول شارع مية واربعة كان يسأل عليك ..

- مين ده يا ابنى؟؟

- واحد عاوزك ..

- بس انا تعبانا .. ومش بقدر امشى .. ومش بشوف ..

- عم سلامة انت حفظت الشوارع اكتر من هيئة المساحة ارحم

أمى ..

- آ.. آ.. طب طب عاوزنى ف إيه؟؟

- آآآآآه .. لا والله مش متأكد .. بس هو كان معاه فلوس فى إيده كده

وبيدور عليك .. مش عارف انا الصراحة عاوزك ليه .. سلام بقى ..

- فلوس؟؟؟؟!! طب انا حاجى وراك على طول ..

وطبعًا .. عرفت انا العب على وتر عم سلامة .. وسبقت على

البيت .. وطلعت وقفت فى البلكونة انا واخواتى ..

وأنور واقف فى الشارع حسب الاتفاق ..

ووصل عم سلامة الى جاى بيعرج .. بس المرة دى العرجة كانت

مستعجلة ..

ووقف فى أول الشارع .. يبص يمين .. يبص شمال .. واخذ بالك

انت؟؟ وهو أعمى فى الأساس ..

وبعدين بص لأنور الى واقف ساكت ما نطقش .. وسأله:

- ما شفتش راجل كبير كان واقف هنا يا ابنى؟؟

- كان فى راجل هنا معاه فلوس فى إيده .. وراح يشتري حاجة

وقال انه راجع تانى..

كانت الخطة هى تعطيل عم سلامة لحين موعد عودة أبابا من الشغل.. ومفيش خمس دقائق وأبابا وصل فعلاً.. وركن العربية.. ونزل منها..

وشاف عم سلامة.. حط إيده فى جيبيه.. يا ختاه!!!!!!!!!!!!!!!!!!!!!!
ده حيديله فلوس تانى.. الرحمة أبابا.. حنموت من الجوع فوق احنا هنا.. هات الفلوس دى نتصور معاها طيب!!!!!!

كانت لحظة الصفر تقترب.. أبابا يقرب من عم سلامة.. وعم سلامة ابتدا يبرش مظهرًا أكبر قدر ممكن من العمش الكاذب ووشه للسما قال يعنى مش شايف..

وهو ووب.. الجزء الأول من الخطة رقم سبعة واحد سبعة ميتين واربعناشر..

أنا واخواتى.. طلعلنا من جيوبنا بُمب من بتاع العيد.. وحدفناه جنب عم سلامة..

كان الجزء الأول من الخطة واضح.. البُمب الكثير حينفجر.. عم سلامة حيتخض.. حيحاول يتراجع.. حيبان انه مش بيعرج وشايف.. أبابا يفقسه.. يمنع عنه المصروف.. ونفوز احنا بيه..

وفعلاً.. البُمب كله نزل جنب عم سلامة.. قبل ما أبابا يوصله بخمسة متر بس..

بووووم.. بوووووم... بوووووم..

طبعًا أبابا كان متأثر جدًّا.. أنا واخواتي وأنور الى لسة بيحاول يستخلص وشه من الرصيف كان حيجيلنا جلطة فى المخ.. عم سلامة ابتدا يتجلى بقى:

- فداهم عيني.. أنا كده كده مكتتش بشوف.. وفداهم كبدي الى باظ.. أنا كده كده مكتتش باستخدامه..

- نعم؟؟؟

- أقصد إني.. إني.. فداهم.. المهم يكونوا كويسين..

طبعًا أبابا قرب منى..

- شايف يا حيوان الرجل الغلبان عملتو فيه إيه؟؟؟

- أبابا ثوانى لسة تتر الفيلم حينزل ما تستعجلش..

- اخرس يا حيوان انت والحيوانات اخواتك.. الرجل اتشوه

بسيبكم.. وانا مش عارف حوضه ازاي؟؟

- يا ختا|||||||اى انت حتعوضه عن إيه؟؟؟ عن الأيام

الجميلة الى كانت ما بينكم..؟؟؟ أبابا انت مش محتاج تعوضه.. انت

محتاج تبلغ عنه فى الأموال العامة...

- هوش اخرس يا حيوان.. اطلعوا انتو وانا ححاول اتصرف معاه

بدل ما ييجيلنا مصيبة..

- أنا مش حتحرك من هنا أبابا غير لما اعرف انت حتعوضه ازاي..

أنا شاكك انك ممكن تكتبله البيت بإسمه أبابا|||||||

- حيوان.. مفيش فايده.. مربى بهائم..

الاعتراف الرابع والعشرون

بروس ليه؟؟!

الرياضة.. وحب الرياضة.. والورم الى بيجيك من لعب الرياضة ساعات.. كلها ذكريات شبابية عظيمة جدًا.. وخصوصًا بقى لو ما بتسييش فى جسمك علامة مميزة.. أو بمعنى أكثر وضوحًا عاهة مستديمة.

طبعًا شبابى الى أفنيته فى لعب الرياضة من كرة قدم إلى سباحة إلى كرة ميه إلى كرة يد إلى بنج بونج.. ومحاولاتى المستمرة الالتحاق بكل الألعاب الرياضية من أجل ممارستها كانت لازم يتخللها العديد والعديد من الحوادث المأساوية من الى الطيارات بتخش فيها فى أبراج دى.. إنما الشهادة لله مش دايماً الغلط كان بيبقى من عندى.. ساعات كان بيبقى من المنافس.. وساعات كان بيبقى من عندى.. لعبة التايكوندو الى قررت مرة اجرها عشان انا واد خفيف وسريع ولياقتى البدنية عالية والكلام الحمصى الى قاهولى كابتن «عاصم» لما شافنى ماشى فى النادى بشورت وشايل على ضهرى شنطة رياضية.. طبعًا انا يومها روّحت البيت وكلّى فخر وفخارة وعزة وكبرياء.. وبعد إصرار الكابتن «عاصم» على الانضمام للفريق عشان انقذ سمعة مصر الرياضية الدولية من الوحل.. بدأت اكوّن ليلتها أحلام

المهم.. انى قضيت الليلة على كده استعدادًا انى أروح التمرين
لأول مرة تانى يوم.. وبالفعل.. رُحْتُ التمرين.. وابتديت اتمرن مع
كابتن «عاصم» الى كان مهتم بيا فعلاً.. وبدأ يركز معايا.. ويا ريته
ما ركز.. لأن التركيز كان بيبقى على تمارين معينة فى اللعبة أزقتها
أى أكثرها زفتًا هو تمرين «فتح الحوض».. ما هو طالما تاكوندو
يبقى لازم تبقى زى الواد «بروسلى» والا الى يشنك فى حوضه «فان
دام» قلب الأسد.. لازم رجلك تبقى مرنة وحوضك يسمح بأداء
الحركات الى كنت بتتيل تتفرج عليها امبارح بالليل فى السلو موشن
وانت بتحلم على السرير!!

طبعاً الخلاصة انى ما بقتش نافع.. محاولات مستمرة منه فى

بصفّاية.. ما بقتش نافع خلاص.

الأمر اتطور والكابتن «عاصم» بقى طمع فيا.. ولما لاقانى باستجيب لعملية كسر الحوض الى بيعملها وناجح فيها باقتدار ابتدا يفكر بقى ازاي ممكن يستعين بيا فى الجانب العملى.
وده كان سبب قراره المباشر إنى أشترك فى البطولة الودية للتاكوندو بعد أسبوع واحد بس من التدريب.. تلك البطولة المقامة فى مركز شباب الزاوية الحمراء.

- شريف.. انت ان شاء الله حتبقى بطل..

- ربنا يخليك يا كابتن عاصم.. المهم تقولوا الكلام ده للورثة.

- أنا عاوزك تشد حيلك عشان الجمعة الجاية.

- الجمعة الجاية؟؟؟ إيه أشد حيلى فى الصلاة وادعى ما اطلعش

حتتين فى إيدك؟؟!

- لا يا حبيبي.. تشد حيلك فى البطولة.

- بطولة؟؟؟ بطولة إيه؟؟!

- بطولة ودية كده حنروح.. وحتلعب ان شاء الله..

- أروح وألعب؟! يا كابتن ده انا بقالى أسبوع بنام رابط رجلياً فى

بعض من كتر ما كل واحدة فيهم بقت فى ناحية!!!!

- بس بس بس ما تقولش الكلام ده.. إنت بطل..

- بطل مين يا كابتن عاصم؟؟؟ ده انا ما لعبتش ماتش واحد فى

التمرين لحد دلوقتي!! بتمزق بس!

210

كويس ومشر سينه وكنت شايفه قصاڊى ناقص بس يفكوله السلاسل
والجنازير من على إيده ورجله عشان يهجم عليّ يفترسنى .

تامر كونتى .. بعد خروجى من العمليات عرفت ان كلمة كونتى
دى اختصار «كونتينر» .. شوف السفلة .. وانا كنت فاكرها دلّع لعيّل
سيس من اللى ما بيركبوش اتوبيس دول .. الحمد لله طلع الأتوبيس
نفسه هو اللى واقف قصاڊى .

طبعا قبل ما اقول انا منسحب بثنائية واحدة كان الحكم بدأ الماتش
عشان حس باني حاحمراً .. وحا ادعى الإصابة بتسلخات فخذين
ودى أكبر كدبة ممكن اكدها لأن فخاڊى ما لمسوش بعض من أسبوع
بسبب تمرينات هتك عرض الحوض الى الكابتن «عاصم» كان مركز
عليها لما بقيت شبه المثلث .

كونتى ابتدا يتحرك والبساط حرفياً ييتهز من تحت رجليه .. وأنا
عندى صراع داخلى رهيب مش عارف .. أبدأ اقرا الفاتحة فى سرى
والا مش حلق اخلصها؟!

كونتى راح مُطلق صيحة هجوم وضارب ضربة برجله بس
تفاديتها بكل سرعة .. الهوا بتاع ضربة رجله كان حيسبيلى اربع غُرز ..
يا ختنا!!!!!!!!!!!!!!!!!!!!!!!!!!!!!! اى .. حموت بشلوط آخرتها?!!!

طبعا كان الكابتن من برة بينده عليّ بمنتهى الحماس ويشجعنى .
- برافو يا شريف .. هايل يا شريف .. اهجم يا شريف .. تفريجى يا
شريف وحايقع على ضهره .

حجم الكذب الى كان خارج من بؤه كان أكبر من حجم كونتى
شخصياً.. أولاً كونتى مالوش ظهر.. هو كله رجل.. وانا عمال ابتعد
بقدر المستطاع عن متناول وش رجله الى قد شنطة عربية اللادا..
لو رذاذ عرقه بس جه عليّ احتمال كبير يحرقنى أو أضعف الإيمان
حيجيلي جُدرى.

كان كل كام ثانية كونتى يطلق صيحة ويروح ضارب ضربة
برجله.. وانا اتفادها بمنتهى السرعة.. قمة التركيز طبعاً.. ما انا
بدافع عن حياتى أصلى مش أى كلام.. هى أصلها ضربة واحدة
وعلى مدافن الصدقة.. وجنبهم مش بعيدة.

الوقت بيعدى.. وكونتى ابتدا يتنرفز منى وانا عمال ألف زى
النحلة على البساط وهو يادوب لاحق يشوفنى أصلاً.

لحد ما قضاء الله جه.. ما هو لكل شىء نهاية.. معروفة يعنى..
زنقنى فى الركن.. جيت اهرب.. راح فارد رجله مقابلنى بيها..
شُكراً.. كده بقى حوض وضلع يا ختاً|||||||

الوجع كان عالمى.. كنت حموت واشتم كابتن «عاصم» بس
مكتتش قادر آخذ نفسى حرفياً بعد ما ضلعى اتكسر.

تامر كونتى شالنى هيلاً بيلاً.. على أساس انه لعيب فى المركز
وونش مرور بعد الظهر.. وطلعنا على أقرب مستشفى.. الدكتور
سأل كابتن عاصم.. نعلق ذراعه والا نعمله قميص جبس؟

كابتن عاصم بصلى بإشفاق وهو مش عارف يرد يقول إيه..

ختالای

معك اللي بكرة الأول

الاعتراف الخامس والعشرون

سامية بنت خالشي

طيبة الأمهات ورقّة قلوبهم.. اللجنة تحت أقدامهم زى ما الرسول قال فعلاً.. المادة الخام للأومومة والطيبة كانت أماما ربنا يديها الصحة.. ست بيت تعبانة وشقيانة على كلاهما.. قصدى على عيالها الى هما احنا ودائمة ذكر الله فى الدعاء علينا من كتر البلاوى الكونية الى كنا بنعملها لما الست شعر راسها وقع من الفزع الدائم والتوتر المصاحب لحياتها زى ظلها.. أماما ياما حاشت عننا وياما خبت على أبابا كوارث كانت كفيلة بالقضاء على هذا النسل من المخربين للأبد.. لكن حكمة ربنا قضت إن أماما يكون لها دور فى استمرار الحياة على كوكب الأسرة الى احنا عايشين فيه.. فى لحظة من تلك اللحظات الى كثير منا كل ما يفكرها يعمل نفسه مش فاكّر محاولة منه فى عبور الألم النفسى الناتج عن المرور بهذه التجربة.. عملت عملة من عمالي السوداء.. وكانت مصيبة كبيرة.. ببساطة شديدة كنت ماشى انا واصحابى فى الطريقة الجانبية لفصول المدرسة.. ولقيت صفيحة بويا معدن حلو كده مكتوب عليها «لأون بطيخى» من بتاع زمان ده.. مخطوطة على السور مركونة.. وبكل براءة وحسن نية وطيبة قلب أحسد عليها.. قربت من السور وزقيت الصفيحة لتأخذ مجراها من الدور الأول

أو ممكن تكونوا متخيلين انه تمادى فى العقاب بقى ورزعى
استدعاء ولى أمر عشان ابطل اعمل الحركات الوحشة الأيأى
الكيخى دى وبابى ييجى بقى واونكل الناظر يشتيكيه من شريف
وبابى بقى يتضايق ويقول عيب كده يا شريف وانا ما ربيتكوش على
كده.. لا.. بقولك لا.. خالص.. الصفيحة.. حسبى الله ونعم الوكيل
فيها مطرح ما راحت.. نزلت على راس عيل معدى تحت.. الواطية..
إيه؟؟؟ مصيبة؟؟؟

العيّل الى معدى ده.. دونًا عن خمسائة طالب فى المدرسة تقريبًا..
كان ابن الناظر

تربنة فى المخ تقریباً..

يعنى نقدر نقول بضمير مرتاح ان الواد بقى غرزة وطالع لها
بنى آدم.. مصيبة بكل ما تحمله الكلمة من معانى.. وطبعاً المدرس
شافنى.. وطبعاً ودانى للناظر.. وطبعاً الناظر ادانى جواب رقد..

- آیوه أماما بس ده مكتوب «والد» الحيوان الطالب شريف..

- قلتك حاتصرف..

- أماما الموضوع ده لو عدى من غير ما افقد غير نص أطرافى

بس.. حعيش عبد أسود ليكى حتى نهاية العمر..

غالبًا.. غالبًا.. أماما استغلت موضوع العبد الأسود ده الاستغلال

الأمثل.. أو أقصد الاستغلال الأسوأ..

لأنها بالفعل راحت المدرسة وحلت الموضوع واعتذرت جداً

بقي.. وهدايا للناظر وابنه.. وزيارة لمستشفى الأمراض العقلية الى

الواد اترمی فیہا بعد ما بوظتہ لأنه ما بقاش نافع خلاص..

وبعد ما حلت الموضوع تانى يوم.. وأبأبا عايش فى العسل ولا

يدري بأبعاد المؤامرة الكونية الى بتتحاك من حوله الحمد لله..

بدأت أماما بقي في طلب الثمن..

بأبشع صورة ممكنة..

- شریف..

- أيوه أماما..

- ياللا عشان تنزل تجميلی علبة کبریت..

- لا أماما مش قادر..

- إيسيه؟؟؟ حقول لأبوك..

[illegible]

والا براس اسود؟؟؟!

- أهو يدبحنى ويخلصنى من الإذلال الى فى أكبر صورته ده..
- وبعد مرور ساعات من اللف على هدية سامية بنت خالتي..
- أماما تعبت من اللف.. وقررت تتبع الطريق الأسهل والأسلم بقى
- زى باقى أمهات الكوكب..
- انا حاشترى لسامية بلوزة..
- بلوزة والا بالبطة؟! هع هع هع هااا
- حقول لأبوك..
- اشترى الى تشتريه خلصيني أماما تعببيت..
- طيب ياللا عشان تدخل معايا محل الملابس الحريمى ده وننقى
- سوا..
- طبعاً أماما ده هزار ثقيل وانتي أكيد بتهزرى..
- حقول لأبوك..
- عندهم بونيهات دول؟!!
- زى أى أسير حرب مجوسى دخلت محل ملابس السيدات وانا
- فى ديل أماما والستات والبنات كلها واقفة فى المحل سايبه عشرات
- الآلاف من قطع الملابس وبتتفرج عليّ ولا أكنى فاترينة..
- أنا كان شكلى أول بنى آدم يبقى شبه محل ملابس داخلية جوة محل
- ملابس خروج تقريباً يا جماعة..
- أماما عاوز اخرج..
- حشترى ونخرج على طول.. ها البلوزة دى حلوة؟

الاعتراف السادس والعشرون باسكت روبنظ..

الجيلاتى.. الحبُّ الأولُ فى أيام الصيف الجميلة وأيام المصيف الأجل.. لما كنا نروح نصيف فى المعمورة كان لازم انا واخواتى نعدى فى السوق القديم وناخد الجيلاتى الى نازل من المكينة ام دراع على البسكوت ابو ربيع جنيه ده الى مليون آيس كريم لبن طازة من أروع ما وصل اللسان من تذوق.. وفى سنة من السنين.. قررنا انا واخواتى اننا كبرنا السنة دى.. آه فجأة كده حسينا اننا كبرنا.. ولبسنا بناطيل قماش على الجزم الكوتشى عادى.. وانطلقنا بعد العصر قبل ما نقابل صحابنا بالليل.. ورُحنا عشان ناكل آيس كريم بس المرة دى مش من السوق القديم.. المرة دى كانت من السوق الجديد.. من عند المحل الأروع فى العالم طبقاً لشهادة الشهود فى هذا الوقت.. باسكن روبنظ.. وطبعاً.. دى كانت المرة الأولى الى ندخل فيها المحل.. ودى كانت المرة الأولى الى نقعد فيها على طرابيزة عشان ناكل آيس كريم.. واضح انهم بيهتموا بالآيس كريم جامد هنا فى الباسكن روبنظ ده.. مفهوم مفهوم.. إحنا فى غاية السعادة..

- عمو عمو عمو عمو

- أيوه يا حبيبى تحبوا تطلبوا إيه؟؟

- إيه الا صفر ده؟؟
- آيس كريم موز..
- إيه ده معقول؟؟؟ انتو عاملين آيس كريم موز؟؟
- آه طبعا احنا باسكن روبنز..
- طب الاحمر ده؟؟؟ فراولة؟؟
- لا ده آيس كريم بطيخ..
- يا خبر اسوح.. معقول؟؟؟ عاملين آيس كريم بطيخ؟
- آه طبعا احنا باسكن روبنز..
- طب فى عندكم آيس كريم جرجير؟
- إيه؟؟؟ جرجير؟؟؟ لا طبعا!!!
- غريبة!!! مع إنكم باسكن روبنز يعنى..
- طبعا الراجل ادانى فيس باسكن زباله بسبب استظرافي.. لكنى كنت واثق الخطوة يمشى ملكا..
- انا واخواتى طلبنا ثلاث بولات آيس كريم.. كل واحد بولة..
- وعمو بتاع باسكن روبنز كان كريم جدا معانا حقيقى..
- تحبوا يا اولاد صوص شو كولاته؟؟
- السوس ده يا عمو احنا بنرميه واحنا بننقى الرز!!
- لا يا حبيبي صوص.. مش سوس..
- حلو ده يا عمو؟؟؟
- تحفة..

- خلاص اعمو.. حطلنا سوس..

- طيب تحبوا بقى مكسرات على الشوكالات؟؟

- إيه ده؟؟ هو انتو عندكم مقلة لب وسودانى هنا كمان؟

- مقلة إيه؟؟ مكسرات فسدق وبندق وعين جمل..

- اااااااااه.. طيب ماشى يا عمو ده شكله حيبقى طعمه جنان

الآيس كريم ده..

وطبعاً وبراءة الأوباش فى أعيننا انا واخواتى وبنطلوناتنا بتعلن

عن مدى جهوزيتنا للانتقال من مرحلة المراهقة إلى مرحلة الشنتفة..

أخذنا الآيس كريم وقعدنا على الطرابيزة.. ونزلنا حتتك بتتك

عليه.. حقيقى كان رائع.. حقيقى كان مميز بكل الإضافات الى عمو

الله يعمر بيته حطها على كل بولة من بولات الآيس كريم الثلاثة..

وطبعاً قعدنا انا واخواتى نتريق على آيس كريم المكنة الى فى السوق

القديم.. ونقارنه بالحقبة الزمنية الجديدة للآيس كريم ذو الإضافات

العسلية.. وقعدنا نتريق على الآيس كريم ابو ربع جنيه.. واننا اهو

أكيد يعنى حنزود بتاع خمسة وسبعين قرش وحناكل حاجة محترمة..

الفرق أكيد مش حيكون كبير يعنى.. المهم احنا دلوقتى رجالة

ولا بسين ساعات كاسيو جلد فى إيدينا وقاعدين قعدة محترمة..

المهم.. بعد ما خلصنا طفح.. قصدى أكل.. كان لازم نقوم بقى

نحاسب ونمشى.. ولأنى الكبير.. قمت انا الأول ورحت للكاشير

عشان احاسب زى أى شاب شنف..

- عمو عمو عمو عمو عمو
- أيوه يا حبيبي؟
- الحساب اعمو لو سمحت عشان مستعجلين..
- طيب يا حبيبي اخدتو إيه؟
- ثلاث بولات شوكلاتة بس بسرعة عشان مستعجلين..
- وعليهم حاجة؟؟؟
- آه كان عليهم سوس بس بسرعة عشان مستعجلين..
- سوس شوكلاتة.. تمام..
- آه آه وكمان عليهم مكسرات.. بس بسرعة عشان مستعجلين..
- تمام تمام.. مكسرات.. يبقى كده ثلاث بولات شوكلاتة عليهم
- سوس ومكسرات.. كده الحساب اربعة وخمسين جنيه..
- طيب الحساب بسرعة يا عمو عشان مستعجلين..
- ماهو ده الحساب يا حبيبي.. اربعة وخمسين جنيه..
- لا يا عمو.. حساب الآيس كريم.. مش حنشتري المحل احنا..
- بس بسرعة عشان مستعجلين..
- يا حبيبي البولة بالإضافات تمنها تمتناشر جنيه.. وانتم واخدين
- ثلاثة.. يبقى اربعة وخمسين جنيه..
- طيب يا عمو حنقعد شوية نهضم عشان مش مستعجلين..
- وطبعًا.. رجعت لاختواتي وانا على وشك انى أطرد الآيس كريم
- فى صورة إسهال فوري من الرقم الى سمعته.. وعرضت الموضوع

عليهم.. والصغير ابتدا يلطم ويعيط من الخوف.. قام الوسطانى
أكله بالقلم عشان يسكت.. ودى وسيلة مواجهة الانبيار العصبى
عند علماء النفس.. معروفة.. وبعدين ابتدا الوسطانى نفسه يعيط
وهو يسأل:

- أربعة وخمسين جنيهه ليه؟؟ دول يشتروا آيس كريم من السوق القديم كتير قوى.. يشتروا آيس كريم لمدة اربعين سنة تقريباً.. رديت عليه وانا شاخص النظر نحو مستقبل أسود..

– دول يشتروا السوق القديم نفسه..
فسأل مرة ثانية:

- طب وبعدين.. احنا معانا كام يا جماعة..
رديت وانا اتحسس جيوبى:

– أنا معايا عشرة جنيه..
وهو قال:

– أنا معايا خمسة..
الصغير...

- أنا معيش فلوس..

رحمت لا طم علی وشى وانا بقوله:

- ليه؟؟ ليه يا ختاااااااااااااااااااااااااااااااااااااي

- أصلي بحوَّش مع أماما..

- یا ختااااااااااااااااااااااااااااای

الوسطاني شافني بصوت ابتدا يعيط زيادة وهو يسأل في رعب:

- حلتصرف ازای بالخمشتاشر جنیه دول یا شریف؟

ردیت وانا حالتی عمالۃ تسوء و تسوء و تسوء لحد ما کنت حطلم

لها رخصة سواة:

- مش عارف.. مش عارف.. شكلنا حنروح البوليص..

الواد الصغير ابتدا يبص حوالين نفسه وابتدا يتنفس بسرعة وفجأة

بدون مقدمات:

- عا

حطیت یدی علی بقہ کتمت نفسہ وانا بقولہ:

- هوش هوش اخرررس.. مش حنروح فى داهية خلاص..

سكت شوية انما كان ناقصه لحظة ويلطم.. راح الوسطاني

سائلنی تانی:

- حتتصرف ازاي؟؟ دول حيمرمطونا لو عرفوا اننا معاناش

فلوس ..

ابتدیت اتوتر وانا بفکر.. وبعدين مرة واحدة لقيت الحل..

- بص.. احنا حنبت اخوك الصغير.. يروح لأماما يجيب منها

الفلوس وییجی .. واحنا حنستناه هنا عادی ..

ابتدوا يصصوا البعض الاتنين.. والوسطانى قال:

- بس البيت بعيد تلت ساعة مشي..

- مش مهم .. حنستی ..

- تلت رايح وتلت راجع.. وتلت بيقنع أماما ياخذ الفلوس منها..

- برضو مش مهم.. حنستنى..

طبعًا اخويا الصغير.. قام من مكانه عشان يمشى.. رحت ماسكه

من دراعه بإيديا الاتنين.. وباصص فى عنيه.. وقايله:

- وحياة ابوك يا شيخ.. وحياة أمانتك.. وحياة كل حاجة حلوة

عملناها فيك سوا.. ارجع تانى..

بصته كانت واضحة بصراحة وهو بيقول:

- آه طبعًا أمال.. سلام..

وملص دراعه منى وخرج أمام عيون العاملين فى المحل الى

بصوا لنا بحذر وتوتر.. واضطريت انا وقتها اعمل ان مفيش حاجة

فضحكت بصوت عالي..

- هاهاهاهاهاه شربات الآيس كريم بتاع فان باسكن ده..

شرباااااات.. هاهاهاهاهاه

طبعًا كان شكلى مبتذل فحت.. لكن المحاولة نجحت والناس

رجعت تشوف شغلها تانى.. واخويا الوسطانى وشه بقى لون آيس

كريم اللمون الحمضان من الخضة..

عدت عشر دقائق.. ربع ساعة.. تلت ساعة.. التلت الأول من

الساعة المفروض يكون المقروص الصغير وصل البيت وطلع دخل

على أماما صحاها من نومة العصرية الى فى المصيف.. وزمانه دابح

نفسه تحت رجلها عشان تلحقنا دلوقتى..

وفجأة.. لقيت عمو بتاع الآيس كريم يقرب مننا:

- هااا؟؟؟ تحبوا حاجة تانية يا حبابي؟؟؟

- ليه؟ حتقفلوا؟؟؟

- هاهاها لا يا حبيبي.. أقصد محتاجين أى حاجة تانية؟؟ إزازه

ميه مثلاً؟؟

لقيت اخويا الوسطانى بيقول:

- آه... انا عطشان..

طبعًا عمو مكذبش خبر وقال:

- حالًا أجيلك إزازه ميه..

طبعًا انا بقى فهمت اننا فى سويسرا هنا.. وصرخت فى وش عمو

جبتله سوقو طرى وقتله:

- لاااااااااااا.. هو مش عطشان ومش عاوز إزازه ميه ومش

حيشرب وبيهزر مع حضرتك اعمووووووو..

- إزاي ده لسة قايل انه عطشان!!

- لا مش عطشان.. ده صايم حتى..

- إيه؟؟!

- قصدى جعان.. مش عطشان..

- طب نجيب لكم آيس كريم تاني؟؟

- لو حتجيبه من السوق القديم مفيش مانع..

- إيه؟؟!!!

- لا اعمو مش عاوزين شكرًا.. احنا شوية كده حنهضم الآيس كريم وحنقوم نمشى..

طبعا اعمو راح يكمل شغله وانا واخويا قعدنا وشنا فى وش بعض..
عشر دقائق.. ربع ساعة.. تلت ساعة.. كده زمان الواد اخويا الصغير
جاب الفلوس كلها ونزل من البيت عشان يجرى جرى وينقذنا من
ورطة النسائيس الى اتمسكوا فى شجرة منجاة..

عمو بتاع الآيس زفت قرب تانى.. واذانا ابتسامه ذكر طائر
الفلامنجو على شواطئ البحيرات المرة وسأل:

- ها يا حلوين؟؟؟ تحبوا نجيب حاجة تاني؟؟؟ آيس كريم محشى
كرنب..

- لا يا عمو شكرًا.. مش عاوزين نتسمم..

- طيب فى عندنا عصير جديد بطعم الكريز البري..

- لا شكرًا يا عمو الكريز بييجيلنا برى برى

طبعا اعمو كشر ولف وراح يكمل شغل وقفاه يقمّر عيش.. الواد
اخويا الوسطانى بقى شبه خشبة الميتين.. وانا ما بقتش عارف الميه الى
تحت بطاطى دى عرق والا يبيى.. ولو يبيى ايه الى وصله هنا؟؟!!

عدت عشر دقائق.. ربع ساعة.. تلت ساعة.. هوبا بقى..
هوبا.. المفروض الواد اخويا الصغير يقتحم المحل دلوقتى وصوت
صرخات الهنود الحمر ترج المكان معلنة انتصارنا على باسكن
عبدالرحيم.. وحن دفع الفلوس على الجزم الكوتشى الى لابسيتها يا

كلاب.. ومش حنيجي هنا تانى.. اتفو عليكم مقدماً اهو.. إنما الباب ما اتفتحش.. والواد ما دخلش.. وعدت خمس دقائق كمان.. وعشر دقائق تانية.. ربع ساعة تالتة.. محدش جه.. الواد الوسطانى حيروح منى.. اتصفى.. الأيس كريم الى أكله اتبخر فى صورة عرق على وشه من الخضة.. وانا ما بقتش قادر احدد الميه الى مغرقانى دى جاية منين ورايحة فين.. عمو إلهى يوعده بكرسى بعجل.. وصل عشان ييتسم ابتسامته الى خلتنا خلاص حنرجع الأيس كريم.. وهو يقول:

- ها يا حبابي؟؟؟ عاوزين أى حاجة؟؟؟

- عمو عشان خاطر ربنا ما تجيش هنا تانى..

- إيه؟؟

- لا أقصد مش عاوزين ولو عُزنا حنقولك احنا..

- طيب انا بس قلت أتأكد احسن تكونوا عاوزين حاجة..

- لا وشرف امك ما حنعوز حاجة..

عمو المحروق رجع مكانه تانى.. والواد الوسطانى بقى فى حاجة مُلّحة لتنفس صناعى.. انبوبة أكسجين يا كفرة.. والا بلاش لتحسبوها برقع مليون جنيه والا حاجة.. يموت ارخص.. الوقت عمال يعدى.. عشر دقائق فى عشر دقائق.. وعيننا مُعلّقة على الباب بلا جدوى..

ابتدت الأفكار السوداء تداعب خيالى.. وازاى حنقضى فترة عقوبتنا فى السجن.. ويا ترى كده مستقبلنا ضاع؟؟

الاعتراف السابع والعشرون بامير روكى ..

بداية علاقتى بالكلاب كانت معقدة .. أيوه فعلاً ..

It's complicated

يعنى أنا واخواتى محدش فينا فجأة كده اتولد بيخاف من الكلاب .. إنما الممارسات الخاطئة للعملية الانتخابية .. أقصد عملية التربية الحيوانية .. كانت دائماً بتسبب مشاكل مع الحيوانات الى بنختارها للرباية .. وأحيان كثيرة كانت برضه الظروف والصدف الى ما بتحصلش غير مرة كل أول كوكب بتحصلنا .. سبب فى عقدتنا مع الحيوانات المختلفة. زى مثلاً المرة الى اتفقنا فيها نربى كلب صغير فى البيت .. طبعاً اللهب الى طلع من حنجرة أبابا لما عرضنا الفكرة عليه فى البداية كان كفيف إنه يشوى مزرعة فراخ شامورطى .. لكن بعد ما دخلنا من ثغرة أماما .. مع تقديم الوعود بحبس الكلب فى البلكونة .. مطعمة بجمل من عينة:

«ده كلب صغير أماما» ..

«قولى لأبابا اننا مش حننساله الجميل ده طول حياتنا» ..

«ده كلب عنده ثلاث شهور ومش بيطلع صوت أصلاً» ..

«ده حجه لا يتعدى كف اليد وشكله أمور قوي» ..

طبعًا مبدأ الزن على الودان أمر من السحر حقيقى بالفعل..
وبعد ما أبابا مضانا على كمبيالات على بياض عشان يجبس أى
واحد فينا يفكر للحظة انه يرجع فى كلامه بخصوص التزامات
ومحظورات تواجد الكلب فى داخل البيت.

كلمنا صحابنا الى عندهم الكلاب المولودة حديثًا وجبنا منهم
الكلب.. كلب صوغنن كده كميل خالص لونه بنى.. فى أول يوم
جبناه الصبح.. كان أبابا لسة فى الشغل.. وطبعًا الكلب أول ما
دخل الشقة.. اختار السجادة بتاعة جهاز أماما وراح عامل عليها
نامبر تو بدون تحذير.. وبين مداولات مسحها بسرعة قبل ما أبابا
يرجع ويمسح أسامينا من على وش الأرض وبين مداولات دور مين
الى حيثدى البداية الجلة دى.. تقدمت الصفوف بكيس نايلون..
وانهت العملية فى هدوء.. لكن أبابا لما رجع ودخل الشقة.. سأل
سؤال غريب قوى:

- إيه الريحة دى يا حيوان؟؟!!

- ريحة إيه أبابا؟؟؟ احنا مش شامين حاجة «سامحنا يا رب»..

- يا حيوان انت وهو فيه ريحة زفت!!

- فىن دى أبابا؟؟؟ يمكن جاية من المنور أو انت دُست على حاجة

وانت جاى من الشارع مثلاً!!

- جايز!! ريحة مقرقة قوى.. حاجة تقرف..

طبعًا احنا مكناش لحقنا نمسح مكان الكلب للأسف.. واتصرفنا

بعد كده بالميه والصابون.. وطبعًا أبابا شاف الكلب فى البلكونة..
وده أول يوم له فى البيت معانا.. وأعجب بيه على غير المتوقع.. لأنه
صغير جدًا.. وعطف عليه.. واعتقد انه فكر للحظة يسرب حد فينا
ويربى الكلب لكن أماما منعتة عشان مش حتلاقى حد يجيلها عيش
من الفرن.. وقعدنا بقى بعد الظهر.. نفكر فى اسم للكلب..

لاسي؟؟؟ لا ده دكر..

زنجر؟؟؟ لا التانى اسمه مازنجز.. مش زنجر..

رعد؟؟؟ كان واقف جون لكابتن ماجد ومش فاضى..

روكى..؟؟ انضرب فى الفيلم لما ما بقاش شايف بعينه وسحبوه
على باب السيدة نفيسة وييشحت دلوقتى.. انها برضه كان مقاتل
لآخر لحظة..

حلو «روكى»

روووووووووووووى..

طبعا ليلة روكى الأولى فى البيت.. كانت زى اللى حصل على
السجادة بالظبط.. زفت..

روكى حس بالوحدة فى البلكونة... وخاف من الضلمة.. وابتدا
يعيط بقى..

اعوووو.. اعوووو.. اعووووووووووو

الساعة بقت اتناشر بالليل

اعووووووووووو.. اعووووووووووو

واحدة بعد منتصف الليل ..

اعوووووووووووووووووووووو

الثانية صباحًا ..

اعوووووو «يا حيوانات يا بهائم في إيه؟؟؟» ..

لا ده كان أبابا مش الكلب .. الى صحى على صوت الكلب
الى مصحى الميدان كله .. واحنا قاعدين جنب باب البلكونة مش
عارفين نسد صوته ازاي .. لدرجة اننا فكرنا للحظة نسمه .. بس كنا
لسة جاييينه .. ف قلنا نستنى بكرة .. طبعًا أبابا مكانش منزعج من
الكلب .. ولا مننا .. انما كان همه الأول والأخير الناس الى عاوزة
تنام .. ومش حتعرف تنام بسبيننا ..

- سكتوا الكلب ده يا حيوانات منك له له ..

- أبابا نسكته ازاي؟؟ احنا بقالنا اربع ساعات قاعدين جنب
البلكونة لما جالنا الدوالى من القرفصة!!
- اتصرفوا!! انتم مش جاييينه وعاملين مسئولين؟؟؟ لازم
تتصرفوا ..

- طيب أبابا احنا حنشوف صرفة خش انت نام ..

- هو حد حيعرف ينام فى الدوشة دى يا حيوان؟؟ شوفوا بسرعة
صرفة للقصة دى ..

- حاطر أفنظم ..

وطبعًا فتحنا البلكونة .. ودخلنا قعدنا مع الكلب فى انصاص

الليالى.. وهو شعر بالطمأنينة معانا فى البلكونة... واحنا كمان شعرنا
بالغضروف فى ظهرنا بيتقطع من السندة على الحيطه.. لحد ما روكى
اتحمد.. واتسحبنا من جنبه زى السحالى بعد ما كان النور شقشق
كده.. ودخلنا السراير عشان ننام والتعب مبهدلنا.. هما ساعتين..

اعوووووووووووووووووووووووو

طبعا أبابا مكذبش خبر..

- اصحوا بسرعة حرام عليكم.. روكى بيعيط.. شكله جعان..
- روكى مين أبابا؟؟؟ تلاقيه بيعيط من الوجد بعد العلقه اللى
أكلها فى الفيلم سيبنا ننام..
- روكى الكلب يا بنى آدم... ما اكلش من امبارح بالليل..
- اديله أى حاجة من التلاجة أبابا احنا مش قادرين نفتح عينا..
- قوم فز منك له شوفوا مسئولياتكم..
- أبابا بطل تكلمنا على إننا وزراء التموين والكهربا والبيئة.. سيبنا
ننام ساعة..

- قوموا شوفوا معاد أكل الكلب.. حرام عليكم..
- أبابا محدش ييفطر الساعة سبعة الصبح حرام عليك انت..
- ياللا ياللا بلاش كسل.. قوموا بقول احسنلكم..
- وطبعا مع شعور الغمان من قلة النوم.. والصداع الرهيب من
النوم متأخر.. أو عشان نكون اكثر دقة النوم الصبح بدرى.. اتحركنا
زى السكارى على أنغام اعوووووووو

وأبأبا نازل الشغل الصبح بدرى.. وقلبه بيتقطع على روكى الصغير اكر ما قلله بيتقطع علينا.. واستمرت الحكاية يومين ثلاثة لحد ما طبطنا معاد أكله.. وهو قالب البلكونة كيف كبير.. وخناقات بينا وبين بعض عشان التنضيف.. وحلفان أماما انها حتحدف نفسها من البلكونة لو روكى ده قعد اكر من كده.. واهتمام أبأبا بروكى بس من بعيد لبعيد.. مر أسبوع على وجود روكى.. وبدأنأ ندخله البيت بقى يلعب معنا.. لكن كان فى مشكلة عند روكى.. روكى كان بيبقى فرحان قوى قوى لما يشوفنا ويلعب معنا.. ويقف على رجله.. ومن فرحته يعمل نامبر ون.. طبعاً.. سألنا كتير الى قال ده أصله لسة صغير مش عارف يمسك نفسه.. واللى يقولك ده عيب خلقى.. واللى يقولك تبول لا إرادى.. لكن يبقى المهم ان كل شباشبنا باظت.. ورجلينا بقت المكان الأمثل لفك حصرة روكى.. وده كان بيدفعنا للحموم بشكل متكرر اثناء اليوم.. ودى تعتبر نضافة بشكل عام.. لكن لما توصل اننا نستحمى تسع مرات فى اليوم.. ده كان مخلينا قربنا نبوش.. طبعاً أبأبا مكانش يعرف حاجة عن الموضوع ده.. لحد ما مرة طلب منا صراحة ندخل روكى عشان يلعب معنا قصاصد أبأبا.. طبعاً احنا شكينا ان أبأبا عاجز يفاضل بينا وبين روكى.. انها رضحنا لأوامره.. ودخل روكى فعلاً.. وابندا يلعب معنا.. واحنا واخدين بالناتاماً انه ما يطلعش يقف على رجله الورانية خاااااالص.. لحد ما شاف أبأبا قاعد بعيد... راح يلعب معاها.. وهوب راح واقف حاطط

ایده علی رجل أبابا وراح مديها بقى..

یاختا|||

– ايه ده يا حيوان الى حصل ده؟؟؟؟؟؟؟؟

- والمصحف أبابا ما انا ده الكلب..

- انتو مش مدرینه کویس لیه یا بهایم؟؟؟؟

- أبابا هو راس حربة خيتافي؟؟ ده كلب..

- آیوہ برضہ بیتدر ب یا بنی آدم..

- لسة صغير أبابا.. لسة صغير.. عيل وغلط..

- مفیش حاجة اسمها صغیر.. ما انتو لو عودتوه علی حاجة من

وهو صغير كان اتعلم.. انما انتو مفيش فايده فيكم..

- یعنی آبا انا کماں السبب انه عمل بیبی علی رجلك؟؟؟!!

- طبعاً.. دخلوا الكلب ده البلكونة.. وانا داخل استحمى..

وامسحوا مكان الأرض هنا عشان أكيد الأرض اتوسخت..

- عادی أبابا ده مفیش حته معملش فیها.. انکلودینج السقف..

- بتقول إيه يا حيوان؟؟!!

- هاهاهاها شربات آبابا بهزر بهزر.. احنا معودينه يعمل في

القصرية..

طبعًا أبابا دخل يستحمي.. واحنا كنا في مرحلة تجهيز المقصلة

لروکی.. احنا أعصابنا تعبت وبقینا نعمل بیسی علی روحنا باللیل

من كثر البيبي الى بنشيله وبنمسحه.. طلعنا على بعض أسامي الفترة

دى..الى كان مننا لقبه أبو فوطه..واللى كان مميز بلقب ابو الأكياس..
والتالت بتاعنا الصغير..كان ابتدى يتعود على اسم كوكو جرادل..
روكى ابتدا يسبب لنا حالة من عدم الاستمتاع تمامًا..وابتدا فى نفس
الوقت يتعلق بينا جامد..كل ليلة بمجرد اننا نطفى نور الصلاة عشان
ندخل ننام..تبدأ وصلة الأعوروووووووووووووووووو

نقوم من السرير ونقضى نص الليل فى البلكونة..لحد ما السواد
ابتدا يترسم تحت عيننا وبقينا شبه المدمنين من كتر السهر وقلة النوم..
ريجة البيبى بقت الريجة المفضلة عندنا..زى الهيو جو بوص كده..
أبأبا ابتدا يعاقبنا عشان مش واخدين بالنأ من روكى..واحنا كنا
بندافع عن نفسنا بأننا مش ملاحقين على مسح البيبى مش أكثر..أماما
هددت بأننا لازم نخلى بالنأ قوى من أكلنا..مش عشان ما بناكلش
كويس..لا..خالص...انما عشان هى حلفت انها حتحطلنا كلنا
سم فى الأكل عشان تخلص مننا ومن روكى..روكى بعد أسبوعين
ابتدا يكبر شوية..وابتدا ياكل أكثر..وابتدت بطنه توسع..وابتدا
حجم المسح يكثر..ابتدا الحموم بتاعنا يزيد..كلنا بنستحمى بشكل
غير مفهوم..الكلب كان عنده كمية ميه تكفى جيش من السيقان..
معندوش رحمة..شباشب البيت كلها باظت من الغسيل..وشعر
رجلنا جميعاً وقع من كتر الدعك بالليفة والصابون..أبأبا قرر يبعد
عن روكى رغم حبه ليه..الصلاة أهم..وأوضته خط أحمر..لو
روكى دخلها..احنا حنخرج من الشقة خالص..ابتدينا بقى نفكر

ازای ممکن نتخلص من روکی ... مین حیرضی یاخده منا؟؟؟
 کلمنا اصحابنا الی جنباه من عندهم.. رفضوا تمامًا وکانوا عاوزین
 یدونا کلب کمان.. بس احنا رفضنا عشان وقتنا مش حیسب بمسح
 الکمیة دی کلها.. لجأنا لأماما الی قالت بكل وضوح:
 - آخر الأسبوع ده انا حسیب البیت واطفش ومش حتعرفولی
 طریق لحد ما الکلب ده یمشی من البیت..
 علی أساس ان روکی لو مشی احنا حتعرف نلاقیکی یعنی؟؟؟
 ماشی أماما.. خلیکی فاکراها.. طبعًا الوقت بیحاصرنا.. البیبي
 بیحاصرنا.. قلة النوم مجننا.. أبابا طول الوقت متهمنا بالتقصیر..
 أماما حتطفش.. روکی مستمتع بالبیبي واحنا شاکین انها بقت هوايته
 المفضلة.. ومحدث راضی یاخد روکی من عندنا.. لحد ما جالنا واحد
 صاحبنا فی یوم... وشاف روکی.. حب روکی جدًّا.. لعب معاه..
 روکی وقف وحط إیده علی رجل صاحبنا ده.. وسقی رباط جزمته..
 صاحبنا محسش عشان کان لابس جزمة.. انها عجبه روکی قوی
 قوی..

- طب ما تاخد روکی یومین تخلیه عندک..

- إیه ده؟؟؟ ینفع؟؟؟

- آه طبعًا.. هو احنا مش صحاب؟؟؟؟

- آه طبعًا.. بس لدرجة انکم تدونی الکلب بتاعکم یومین؟!!

- طب والله العظیم لنکون مدينهولک أسبوع.. هاه..

- الله.. ربنا يخليكم.. أنا بحبكم قوى.. بس..
- لا لا لا.. إوعى تنطق كلمة بس دى.. بس إيه؟؟
- مش عارف مامتى حتوافق والا لأ..
- بص.. خده.. ولو مامتك ما وافقتش هاته تانى.. واحنا حننزل
ناخده منك..

- صح... دى فكرة هايلة...
طبعاً أمير أخذ روكى.. ونزل.. وهى ساعة زمن ولقيناه بينده من
تحت..

- يا شرى ي ي ي ي ي ففففففف
الإجابة.. كانت الصمت..
- يا شرى ي ي ي ي ي ففففففففففففففففففففف
مدينة الموتى....
- يا شرى ي ي ي ي ي ي ي ي ي ففففففففففففففففففففف
ذا هيلز هاف ايز..

أمير أخذ روكى وروح... ونص ساعة.. ولقينا جرس التليفون
بيرن..
- ألو؟؟

- ألو أيوه يا شريف... روكى مبهدل الدنيا بيى.. وماما مش
راضية تخليه يقعد بعد ما عمل بيى على رجلها.. أجيها لك امتى؟؟؟
- شريف مين حضرتك؟؟ النمرة غلط...

الاعتراف الثامن والعشرون كحك العيد

فى حد فى الدنيا يقدر ينسى ليلة العيد الصُّغير؟؟
أعتقد مستحيل.. الكل فى مصر له طقوس خاصة فى الليلة
دى.. احتفالات وتوضيب لبس وكوى.. سهرة صَبَّاحى مع
الأصحاب.. لعب كورة فى الشارع على نور العواميد لحد معاد صلاة
العيد.. وبعدين الجرى على البيوت عشان القبض على الأباباهات
والأماماهات عشان العيدية.. ذكريات لا حصر لها ولا نهاية.. الكل
بيستنى بمنتهى الشغف يوم العيد الصبح عشان حاجتين: العيدية..
والكحك.. وإذا ذُكر الكحك.. ذُكرت «أماما».. أماما الى قررت
فى رمضان السنة دى بالذات ان عمال الكحك تبقى عندنا فى
البيت.. وطبعًا دا بيبقى يوم درمغة.. خالاتى الاربعة.. خامستهم
أماما.. فرسان المائدة المستديرة.. عجين.. دقيق.. سيوف.. «يا
حبيبى ما تاكلش العجين نى بطنك حتوجعك».. «يا حبيبى كفاياك
لعب بالعجين.. الله.. حلو قوى شكل الخنفسة المنقوشة ده اشريف
احبيبى.. كفاية بقى».. وفى النهاية.. صرخة استغاثة مدوية من أماما
للسير لانسيلوت الملقب بالسيد أبابا.. «تعالى خُد العياااااااا دى..
بياكلوا العجين وعاملين بيه قصارى زررررررررررر»..

- أآآآآآآآ.. الكحك.. مش تقولى من الأول.. لا أماما.. مش نازل..
وطبعًا تقعد أماما تتحایل عليّ انا واخواتى ننزل نجيب اربع
صاجات من الفرن عشان نرص فيهم الكحك ونوديهم الفرن
تانى بسرعة لأن دى ليلة العيد والدنيا حتترحم.. واحنا رافضين
كل محاولاتنا.. إلى أن تلجأ كالعادة إلى استخدام حق «النفص»..
«فينو».. سلت الشبشب مع أخذ وضع التأهب من الدرجة الثالثة..
مما يترتب عليه انسحاب عشوائى ليا انا واخواتى من أرض المعركة
مخلفين ورانا خيبة بنوية.. رضخنا طبعًا تحت ضغط «دكتور شول»
ووصلنا للفرن.. ورحت للفران..

- لو سمحت.. لو سمحت.. لو سمحت..

- أيوه يا ابنى عاوز ايه..

- أربع صاجات لو سمحت..

- طيب أربعة جنيه يا ابنى..

- لأ انا مش حشترهم.. انا حأجرهم..

- أيوه ما انا عارف.. ما هو ده رهن ليهم..

- أآآآآآآآ.. عقبال ما أرجع الفارغ يعنى..؟

- نعم؟؟

- ولا حاجة.. هات الصاجات.. الفلوس اهى..

ناخد الصاج ونروح بيه البيت جرى.. لأن التهديدات اللى تلقيناها
إذا حصل أى تأخير كانت مرعبة.. خصوصًا مع ذكر احتمالية اللجوء

إلى إبلاغ قوات الصاعقة الى قاعدة معانا فى البيت - أبابا - بعمل
إنزال للحزام الجلد على ضهورنا ليلة العيد مع فرض حصار اقتصادى
رهيب على البسكوت الى بالبرتقال ووقف المساعدات العيدية..

والحمد لله.. وصلنا بالصباح للبيت.. ورضينا فيه الكحك
والبسكوت.. وبدأنا مرحلة العودة بالصباح المحمل للفرن.. لأول
مرة فى حياتنا.. كل واحد شايلى صاجة على دماغه.. ما عدا أنا..
شايلى صاجتين لأننى الكبير بقى وبتاع.. وماشين فى الشارع انا
واخواتى فى منتهى الحذر.. لأن التهديدات الى جاتلنا فى حالة
فشل العملية.. يصعب تحمل مجرد ذكرها.. سادية تامة.. بقايا ظباط
الجستابو القابعين فى أركان المنزل عندنا.. مستنيين هفوة.. وخلع
الضوافر حيقى مجرد زغزغة بالنسبة لى حيحصلنا..

ولكن.. ليلة العيد.. واضح انها مش حتعدى على خير.. أبداً..
وصلنا الفرن.. ويا ريتنا ما وصلنا الفرن.. جحافل من البشر..
الكل بالصاجات.. وهاتك يا رقص.. قصدى هاتك يا هرس..
الكل عاوز يدخل الصباح بتاعه الفرن الأول.. وواقفين فى طابور..
عدد الناس الى فيه أكبر من عدد الكحك الى فى الصباح نفسه..

يا دى الليلة الى مش فايئة يا ربى.. أخذنا دورنا فى الطابور..
واحنا شايلى الصاج على دماغنا.. ورأسى خلاص ابتدت تصلطح
من ثقل الصاجتين.. وبعد ربع ساعة.. لقينا واحد بيسأل الى جنبه:

- عدت على الصاجة بالطباشير كويس؟؟

- آه طبعًا..

- آه الله يكرمك مش عاوزين نندبح زى الراجل بتاع الضهر..
صمت مطبق.. أنا واخواتى.. نظرات متبادلة.. تدل على إننا مش
حنقدر نعرف مصدر الميه اللى تحت دى عبارة عن عرق؟؟؟ والا
بيبى من هول الصدمة.. دقيقة واحدة.. وأعصابى فلتت خلاص..
وقررت استفهم..

- لو سمحت لو سمحت لو سمحت..

- نعم؟؟؟!!

- ممكن معلش اعرف موضوع الطباشير اللى بيدبحوا عشانه
الناس ده؟؟؟

- الصاج لازم يكون مكتوب عليه اسم صاحبه بالطباشير من
تحت عشان الناس تعرف حاجتها.. لأن كل عشرين صاجة بيعشوا
مع بعض الفرن مرة واحدة.. وبيحصل لخبطة زى ما حصل النهارده
وواحد ضرب التانى سكينه فى رقبتة عشان الصاجة..

- مممم.. ممكن أحياه؟؟؟

- نعم؟؟؟

- أقصد ممكن طباشير؟؟؟

- لا معايش.. شوف حجر من الأرض واكتب بيه على الصاجة
من تحت..

خرجنا أنا واخواتى من الطابور.. واحنا شايلين الصاج نملا

الْقُلل.. والصاجتين الى على راسى من فوق ابتدوا يوصلوا الودانى من
الثقل.. لقينا حجر أبيض.. أكيد فى قتيل كان مستخدمه من شوية.. يا
إما فى كتابة اسمه على الصاجة.. يا إما فى كتابة وصيته على الحيطه قبل
ما يندبح.. يا إما استخدمه فى ضرب واحد تانى على المٌخِخ.. طيب
نكتب إيه وازاى على الصاج من تحت فى الوضع ده؟؟؟

ابتدينا نزل الصاج.. وقررنا ان اخواتى يرفعوا الصاجة قصاد
بعض.. وأنا أنزل على ضهرى أكتب على الصاج.. فى الحلال..
استلقيت تحت الصاجة.. وبدأ الحوار..

- ها يا شباب.. أكتب إيه..؟؟

- إكتب أى حاجة.. إنجز.. الصاج كثير وتقل.. والطابور
طويل.. والدنيا ليلت.. وراسنا وجعتنا..

- طيب أكتب أسامينا؟؟؟ احنا الثلاثة..

- خللللص.. إكتب أى حاجة..

وفى الأثناء دى.. كان قصاد الفرن فى حوار تانى بين اتنين من حملة
الصاج الذهبى لإمبراطور الكحكة المحشية سودانى..

- أنا الى على الدور على فكرة..

- لا طبعًا.. أنا واقف هنا من قبليك..

- نعم يا روح امك؟؟؟

- آه وحياة امك يا ابن الـ...

وبدأت المدعكة.. طار الصاج قصاد الفرن.. بدأت الناس تجرى

الاعتراف التاسع والعشرون عبدالسلام المجذوب

الراجل المجنون..

دى مش شتيمة لا سمح الله.. ولا حتى إهانة بتوجهها لحد
عشان عيب وحرام.. لكن ده كان اللقب الى حضراتكم بتطلقوه
على الراجل الى عايش عندكم فى المنطقة.. وبيمارس كل حركات
الجنون بكل حذافيرها وجميع تفاصيلها.. يمشى من غير بنطلون
مرة.. يحدف طوب على الى معديين عادى.. يشتم بأقذع الألفاظ
تقوم انت ضاحك وانت صغير على شكل استفزاز يقوم شاتم اكتر
لما يطق له عرق.. كده يعنى.. المجنون الى كان عندنا فى المنطقة كان
راجل طويل طول فارع.. يعدى الاتنين متر مرتاح.. مكانش بيلبس
وحش.. وكان ساكن فى شقة وحيداً فى آخر الشارع عندنا.. وكان
بينزل زى أى إنسان طبيعى فى هدوء يروح يجيب طلباته من هنا ومن
هناك.. الراجل كان شكلاً طبيعى جداً.. لا يبدو على مظهره أى
علامة من علامات الهوبّا استنجلينا خالص بصراحة.. لابس نضارة
كعب كوباية.. حاطط إيده الشمال فى جيبه طول الوقت وهو ماشى
منشئ.. ارستقراطى من سكان المعادى ولا جدال فى ذلك.

لكن الظاهر بقى الوحدة من جهة.. والبلاوى السوداء الى العيال

ويفضل يشتم يشتم يشتم.. لحد ما يقرب ينام تقريباً.. وطبعاً بعد ساعة وشوية من وقوفه في الشارع.. يرجع البيت لا يشتري ولا يهبب.. وهو صدره مشرّخ من كثر الشتيمة والحزق.. في مرة من ذات المرات.. عبسلام مسك عيل من اللى بيندهوا عليه ويستفزوه.. أتذكر وقتها اننا ربنا أكرمنا وقدرنا نرجع سوستة بنطلون الواد لأمه.. ودى كانت الحاجة الوحيدة اللى اتبقت من الواد.. هو للأمانة الشديدة عبسلام ما ضربوش.. هو أكله أكل.. شخرمه.. مصمص مصارينه.. واللحظة دى كانت لحظة فاصلة محفورة فى ذهنى لحد يومنا هذا... وكانت نوعاً من أنواع التحذير الشديد.. ان لو عبسلام ده مسك حد فينا.. يبقى أفضل حل اننا نبلع نضارته ونموت مخنوقين قبل اللى حيعمله فينا.. كالعادة.. وكإحدى الأساطير التى تتحقق دومًا مهما حاولت الهرب منها.. كنا بنقول انه مستحيل حييجى اليوم اللى عبسلام حيمسكنا فيه.. كنا واقفين فى الشارع.. تحت بيتنا الجميل.. زى كل الشباب فى أيام الصيف الجميلة مع أصحابنا الجمال المقاطيع.. ما بنحاولش نعمل أى حاجة مضرة على الإطلاق.. يعنى طبعاً لو اعتبرنا ان حدف العصافير على الشجر بالنبله ده تدريب على هواية الرماية.. ولو اعتبرنا ضرب جرس الفيلا الى فيها كلب فى الجنيّة والجري سوارىخ نوع من أنواع التدريب على العدو.. ولو اعتبرنا النداء على اصحابنا فى البلكونات بصوت سيد قشطى أحد أهم مقومات التدريب على العروض الأوبرالية.. غير كده مكناش

السخرية والضحك والخوف.. باين الخوف في صوته وربنا:

[illegible]

طبعاً.. المفترض طبقاً لما نيوال العيسلام انه بيتدى يشتم بقى ويلعن ويسب زى ما قتللكم.. ويثرى أسماعنا ويشنف آذاننا بمقطوعة من أروع الكلمات والجمل الإباحية التى لم تخطر على عقل بشر..

إنما.. ححكليكم ازای اعتراف اسود زی ده.. لو كان ده بس اللى حصل؟؟؟ ما يصحش طبعًا.. عيب.. واضح ان شريحة العبسلام حصل فيها «كونفليكت».. الأبلاتين لدع باين.. وصلها ميه بوظت الكتاوت.. لأن المخلوق العبسلامى ما شتمش طبقًا للتسلسل الزمنى للأحداث.. هو توقف مرة واحدة.. توقف عن الارتجاف والارتعاش واللف والدوران فجأة.. وبعدين ساب البلكونات والعصافير اللى بيص عليها طوال السنوات الماضية واللى بيصب عليها غضبه.. وبص فين؟؟؟؟

أيون.. بصلنا احنا.. أيوه.. احنا.. وخصوصًا زعزوعة القصب
الى بشورت وواقفة بتضحك فى النص دى.. أيون.. أنا.. وأعوذ بالله
من كلمة أنا.. وفجأة.. حصل تغيير فى خط سير العبسلام.. على غير
المتوقع.. على غير المنتظر.. على غير المتفق عليه.. إيه الإهمال ده؟؟
فين الشركة المنتجة للعبسلام تيجى تلم الجثث الى حى خلفها عبسلام
فى رحلة مضغه للحوم أجسادنا؟؟

یاختا|||

ويُخْلِى عم محمد يستكفى من اكواز البسطرة لمدة سنتين..

[illegible]

وفجأة.. صرخ عم محمد في عبسلام..

- باااااااااااااااااااا

وتوقف العباسلام.. وكأنه انطفئ!!!

فجأة وقف وتراجع.. تراجع في هدوء وسكينة وكأنه كان يعلم ورد
في الحديقة الدولية من ثوانى.. طبعاً احنا البيبى كان واصل لمرحلة إن
ممكن عم محمد يحول البقالة لمعمل تحاليل سكر بسببى انا ومعتز..
وعم محمد.. خرج من ورا التلاجة.. وراح مسك عبسلام.. وسحبه
من ذراعه فى هدوء.. زى أى طفل صغير.. وقّعه على كرسي عند
الباب قصاص المحل.. عبسلام قعد.. ما نطقش.. ده أكيد نام!! وعم
محمد جاب له علبة عصير بست.. وقعد يشربها.. ولا أكن فى ضحايا
كان بيجرى وراها ودمهم بقى مدخن جوة!!!!

رجع عم محمد وقالنا:

- عبدالسلام راجل طيب وغلبان.. هو دماغه راحية بس هو راجل طيب.. مش بيئذى حد يعرفه.. العيال الى بتغيظه هي الى مش كويسة.. هو انتو بتغيظوه؟؟

- ان شالله تعدم ستة متر من الأستاذ عبدالسلام يا عم محمد ما
كلمناه..

- فاهم فاهم.. هو علطول عامل مشاكل كده.. بس هو راجل

غلبان.. تعالوا.. تعالوا اعرفكم عليه..

- لا شكرًا يا عم محمد.. أبابا محرج عليّ ما اتعرفش على شوّايات..

- یا ولادت تعالیٰ الواء.. ده طیبییب.. اندھے لکم؟؟؟

- یا ختاااااااااااااااااااااای.. انت حتسلمنا یا عم محمد؟؟؟ نتعرف

علي مين يا عم محمد.. هو جواز صالونات؟!!! أبوس إيدك.. إنت

ايه؟؟ عندك نقص في الشاورمة!!!!!!

- یا ولاد ما تخافوش.. تعالوا بس..

- اسکت یا عم محمد ان شالله تنجلط.. سینا قاعدین جنب

تلاجة الجبنة أبوس إيدك.. بص حنصطاد كل الصراصير الى تحت

التلاوة..

- حتیجوا والا أدخلهکم هنا یتعرف علیکم؟؟؟!

- أحبيبي؟؟ إيه الخيانة البيّنة دي يا عم محمد؟!!!

- ياللا.. تعالوا معايا..

مسكنا في بنطلون عم محمد اللى، ما يقاش، فيه حته سليمة.. ومسكنا

في قميصه وفانلته وكل حاجة ممكن يتمسك منها واحنا مستخين

وراه.. لحد ما خ حنا عند الباب.. وأول ما عسلا م شافنا.. عم محمد

د راح قابلہ:

- دول صحابه يا أستاذ عبدالسلام.. دول حلو بن.. و طسین..

و بحبك..

عبدالسلام أعض. و أشاح به شه زی کنج کونج فی الفلم لما

البطلة كانت بتحاييله وهو عامل فيها استيفان روستى..

عم محمد كمل كلامه مع عبسلام:

- يا أستاذ عبدالسلام دول جاين مخصوص عشان يسلموا عليك.. وكانوا فاكرين انك بتهزر معاهم وعاوزين يتعرفوا عليك.. بص.. ده شريف.. وده معتز..

- بتقوله اسمى ليه؟؟ لسييه؟؟ يعنى ده مثلاً حيخلى ضميره يتأنب بعد ما ياكل أحشائى يا عم محمد؟؟

عبسلام ابتدا يبصلنا من تحت تحت.. وبعدين ابتدا يرفع راسه.. ويبصلنا بصة طويلة.. وساعتها صعب عليّ.. كنت شايف نظرة حزن فى عينه.. حزن حقيقى.. معرفش إيه الى اذانى الشجاعة انى أخرج من ورا عم محمد.. واروح اسلم عليه.. وابتسم له.. وبيتسم لى.. معتز شاف المنظر.. خرج هو كمان وسلم عليه.. وابتدا عبسلام يهدا من غير ما ينطق ولا حرف.. العيال من بعيد كانت بتراقبنا.. مشهد جنائزى مهيب.. الشارع كله بيتفرج على أسطورة ترويض العبسلام.. لسوف يذكر التاريخ أن شريف أسعد هو أول من لمس العبسلام بدون الاحتياج إلى تحديره.. وعدّت الدقائق وعبدالسلام قاعد بلا حركة وبلا كلمة.. واحنا واقفين جنبه وعم محمد عمال يدينا دروس طبعاً فى اننا ازاي نفهم بقيت الشباب انه راجل غلبان.. وانه عيب الى العيال الوحشين الكلاب دول بيستفزوه وهو مش بيعملهم حاجة.. طبعاً هو تغاضى عن ذكر صاحبنا الى بيحاولوا يرموا فى

الاعتراف الثلاثون عزوز العصفور..

عزوز.. هو ده الإسم الى اخترناه للعصفور «الفيشر» الى اشتريناه انا واخواتى من سوق السيدة عائشة عشان نربيه فى البلكونة.. طبعًا لا يخفى عليكم فى كل الاعترافات السابقة اننا أسرة محبة للحيوانات بشكل مبالغ فيه.. ما بنقدرش نعيش من غير ما نتحمل مسئولية حاجة صاحبة فى البيت.. وده على أساس ان كل سكان البيت زومبيز.. موتى أحياء من كمية الكوارث الى بنعملها وبتبقى سبب فى نشفان الدم وضمور المشاعر على أبابا وأماما بشكل دورى.. جارنا الى فى البلكونة المواجهة لينا فى الميدان كان حافز كبير لينا اننا نتجه لتربية العصافير دى بصراحة.. الراجل عنده بلكونة كبيرة مليانة اقفاص عصافير والعصافير بتكثر ما شاء الله.. وأنواعها مختلفة.. منها الفيشر ومنها الكوكتيل ومنها الكناريا ومنها الاسترالى ومنها الزيراء.. أنواع وأنواع من العصافير الجميلة الى بتملا كل جزء من أجزاء بلكونة جارنا وخلتنا نفكر نربي عزوز.. المرة دى.. كان عزوز جميل.. طائر رائع بكل المقاييس.. لونه أخضر.. ومنقاره أحمر.. وديله أحمر.. من فصيلة بغبغانات الفيشر المعروفة.. أو زى ما ناس كثير تعرفها بالإنجليزى love birds طبعًا عزوز كان وحيد.. مش لإنه

عنده عقدة وواحدة ضحكت عليه فى التليفون.. ولا لإنه مش لاقى
قفص يفرشه ويروح يخطب صالوناتى.. ولا حتى مستنى يسافر
يكون نفسه فى الخليج.. عزوز كان وحيد عشان احنا معناش فلوس
نجيب لعزوز عصفورة.. ولسة حنستنى الشهر الجاى ونزل تانى
نشترى لعزوز عصفورة جميلة.. تخرب بيت الى جابه وتنكد عليه
نكد طائر الرُخ عادى.. عموماً هو يستاهل كل خير.. طبعاً الفلوس
الى كانت معنا يا دوب جابت عزوز بعد اختيار وانتقاء مننا قصاد
القفص الكبير الى فى السوق لمدة ساعتين عشان نختار أكثر العصافير
تميزاً.. من ناحية الصحة والشقاوة والتنطيط والتصفير وكدة.. وكللنا
جهدنا بأننا قلنا للراجل بيع العصافير:

- عمو عمو عمو.. إحنا عاوزين الشيطان الى طائر فى القفص
ده.. أيوه ده..

وكان اختيار عزوز اختيار موفق فعلاً.. ركبنا القفص فى البلكونة
وحطينا الميه والأكل.. وسيينا عزوز عشان يتعرف على المكان
المكشوف على الميدان من البلكونة.. بقى هو يصفر.. صاو صاو صاو
صاو.. وعصافير جارنا ترد عليه.. صاو صاو صاو صاو
قوم هو يصفر.. صاو صاو صاو

قوم عصافير جارنا ترد عليه.. صاو صاو صاو
وهكذا لمدة يومين ثلاثة.. اما الصداق كان حيفرتك الترنك..
وحيفرتك دماغنا وسط محاولات بائسة من أبابا انه ينام لكن عزوز

إلهى ينشأ فى لسانه ما يبطلش صاو صاو صاو طول ما فيه أى أثر للنور موجود.. يعنى حتى لو الدنيا ليل.. وحضرتك قاعد فى المقصورة.. وعلى إيدك اليمين أباجورة منورة.. صاو صاو صاو حتى مطلع الفجر.. وهو حيكمل من الفجر بقى.. أما لو معاليك قاعد فى مدرجات الدرجة الثالثة وعلى شمالك نور الحمام واصل لحد حرف البلكونة.. صاو صاو صاو لحد ما تحدف لمبة الحمام بالشبشب تجيبها فى البانيو.. ولو كنت فى البلكونة ولسة داخل وفى إيدك سوجارة.. يكفى أن تعلم أن نور السوجارة حيخلى عزوز يصاو صاو صاو لحد ما تطفى السوجارة فى عينك عشان يخرس.. الحياة كانت شبه مستحيلة مع عزوز.. هو غالباً حاسس بالوحدة عشان معهوش وليفة.. وعمال ينده على عصافير الجيران.. أو انه بيعاقبنا بقى بشكل أو بآخر بمنعنا من النوم زى ما الزينى بركات كان بيعمل فى الناس كده.. إحنا طبعاً توصلنا إلى طريقة بعد السؤال وبوس الرجلين لكل مربى عصافير.. طريقة تخلى عزوز يفصل شوية.. وده واحنا بنسأل:

- لو سمحت.. عزوز بيصاو صاو صاو بلا انقطاع..

- عارفين تفصلوه ازاي؟؟

- نشيل بطاريته.. صح؟؟!!

- بطرية إيه؟؟!!

- يا عم انطق.. نفصله ازاي حيموت الميدان كله..

- غطوا القفص بعد المغرب..

طبعاً جَرى على البيت .. وأول ما المغرب دخل .. جينا قماشة حلوة
كده .. وغطينا بيها القفص .. واتخرس عزوز .. بلاك أوت ..
ياااااااااااه على الفكرة دى .. يااااااااه على الهدوء .. فجأة حسيت انى
واقف على سفح جبل المقطم حيث اختفت كل الترددات الصوتية
وإحساس هدوء محبب إلى النفس فى الودان الى نَمَلت من التصفير ..
الودن نفسها كانت بتصفر بعد ما عزوز سكت .. طبعاً ده ما
يمنعش ان عزوز كان بيصاو صاو صاو من تحت القماش لما جرس
الباب بيصاو صاو صاو هو كمان .. بسيطة .. آدى لوحة الكهرباء ..
وآدى جرس الباب بالنور بالطرفة الى قصاده .. مفيش جرس زفت ..
ابتدينا بقى .. نعيش فى سلام هادئ بعد ما عرفنا طريقة التعامل
مع عزوز .. نصحى الصبح .. نشيل القماش .. صاو صاو صاو ..
ندخل على المغارب .. نخط القماش ... صمت الحملان .. مع مرور
الوقت .. والأيام .. ابتدا عزوز ياخذ على المكان .. وابتدا يبقى ليه
نشاط معروف جوة القفص .. وابتدا ياخذ جرأة أكثر على المكان ..
يعنى الى كان بيفكر يحط إيده جوة قفص عزوز .. كان بيتقرم أكنه
أهان عزوز فى شرفه بالظبط .. عزوز أخذ علينا وعرف وشوشنا ..
أخذ على البلكونة .. أخذ على عصافير الجيران .. وبقي يصاو صاو
صاو لعصفورين ثلاثة مميزين .. لحد ما الدنيا اتغيرت فجأة .. فى اثناء
رجوعى من النادى مرة .. وانا ببص على البلكونة .. لمحت حاجة
خضرا داخلها .. لطمت على وشى .. عزوز طاااااااااااا .. عزوز

- أبابا أحبيبي سلامة نظرك.. عزوز في البلكونة..

- بقولك شفته طائر من البلكونة يا حيوان..

- ده تلاقيه بس تهيئات من اللى بنعمله فيك أبابا..

- اخرس.. انا عارف انا شفت إيه..

- طب أبابا.. طالما مصمم يبقى اللى تشوفه معاليك..

- هو العصفور بتاعنا يا حيوان..

- خلاص أبابا هو راح يجيب عيش ورجع..

- بتقول ايه يا حيوان؟؟؟؟!!!!

- لا أبابا بقول: «وات ايفريو ساي»..

بعدها بكام يوم.. كنت راجع من مشوار في الشارع.. وفجأة لقيت
جارى الى عنده العصافير.. ييمسكنى من دراعى ويسأل بلهجة
حادة:

- شريف.. ما مسكتش عصفورين فيشر قريب؟؟ طاروا من
عندى..

- طاروا من عندك؟؟؟؟ آآه.. دول أكيد العصافير الى انا وأبابا
شفناهم طائرين من كام يوم.. الله يعوض عليك.. لا والله انا آسف
ليك..

- لا دول عصفورين غير الى طاروا من عندى برضو من كام
يوم.. انا كده ضايع منى ٦ عصفير..

- يا لهوي!! أحيه.. ست عصفير ضاعوا ازاي؟؟ ما تقفل عليهم

كويس..

- مش عارف ايه الى حصل.. مش عارف..

طبعاً الراجل كانت الدموع مالية عليه.. وهو شقاه راح منه وعصافيره طارت.. وانا بينى وبين نفسى حطيت نفسى مكانه.. يااه لو عزوز الى طار.. فعلاً حابقى حزين جداً.. ده انا احتمال ما اجيش حاجة تانية اربيهها لمدة اسبوع مثلاً.. تانى يوم.. جارى العزيز.. وانا راجع للبيت.. لقيته بيستوقفنى تانى.. بس المرة دى بغاوة بقى:

- شريف.. وانا راجع من الشغل.. شفت عصفور خرج من بلكونتى ووقف على القفص عندك.. لو سمحت.. ارجوك امسكهولى..

- وقف عندى؟؟؟ يمكن أكيد عشان عزوز.. حاضر.. حشوفه حالاً..

جرى على السلام.. جرى على البلكونة.. عزوز جوة القفص ومفیش دبانة حتى فى البلكونة.. بصيت له من البلكونة وصرخت وفى الخلفية صوت الصاو الصاو صاو لا ينقطع من عزوز الكلب..
- مفیش حاجة فى البلكونة خالص والله..

- ازای؟؟؟؟ بقولك انا شايفه وواقف مراقب البلكونة.. ومفیش حاجة خرجت منها لحد دلوقتى.. انا متأكد

- يا باشا انا واقف اهو.. مفیش حاجة عندى..

- انا متأكد بقولك.. يعنى إيه مفیش حاجة؟؟!! ده عاشر عصفور

يضيع منى في أسبوع!!!!

- یعنی هو انا باعمل عليهم ملوخية يا عم انت.. اهو.. مفیش

حاجة غير العصفور بتاعى!!! تحب تطلع تشوف بنفسك؟؟؟!

طبعاً الراجل كان ناقص يتف على من تحت.. وحسيت انه عاوز

یتھمنی بشکل مباشر انی حرامی عسافیر و صیاد بغبنات مُحَنِّک

وعندى خبرات عظيمة فى اقتياد الطيور إلى أماكن نائية ومهجورة

ومساومتهم تحت تهديد السلاح انهم يختفوا مثلاً!!!!

وأثناء انشغالي بالتفكير في قصة عصافير الراجل المخفية وكأن

الميدان تحول إلى مثلث برمودا صوغن..

لقيت أبابا بينده علىَّ كالعادة:

- انعم أبابا.....

- شوف يا حيوان.. أنا بقالى أسبوع براقب من بلكونتى البلكونة

التانية لإنى متأكد من اللى شفته يا حيوان.. الساعة ٥ بعد العصر كل

يوم.. العصفور بتاعنا يطير من البلكونة.. ويروح يقف على قفص

من الاقفاص الى في البلكونة الى قصادنا.. ويفتح الباب بمنقاره..

ويدخل ياكل ويشرب ويطير العصافير.. ويرجع تانى القفص عندنا

والراجل صاحب العصافير لسة ما رجعش من الشغل..

- أبابا احبیبی ده مش فان دیزل.. ده عصفور.. غیر عاقل.. أنا

قائلك كتر الفرجة على المصارعة الحرة حتعمل مشاكل بس حضر تك

..مسا

- اخرس يا حيوان.. انت مش حتتحرك من البيت بكرة..

- ليه كده بس أبابا؟!!!! بتعاقبنى ليه؟؟!!

- يا حيوان.. حثقتد بكرة من الساعة ٣ قصاد البلكونة وتشوف
من ورا الإزاز الى بيحصل.. عشان تتأكد من الى انا بقوله..
فاهم؟؟؟؟؟؟؟؟

- آبابا انا مش فاضي لشغل ناشيونال جيو جرافيك وايلد ده!!!!

- ياللا يا حيوان من هنا.. امشى..

- عُلْمٌ وَيُنْفِذُ مَعَالِيكَ..

طبعاً قعدت في البيت تانى يوم.. ولما الساعة قربت على ثلاثة..
أبأبا عدى على الصلاة وبصلى بصة «حخر بيتك وبيت العصفور
وبيت الميدان كله لو ما عملتش الى قلتلك عليه».. وطبعاً اضطريت
انى آخذ كرسى بلاستيك.. وأحطه في مكان متدارى من ورا ازاز
البلكونة.. وأقعد اراقب عزوز وكأنه عليه حكم من الساعة ثلاثة..
وعدت الدقائق وانا متذنب على الكرسى البلاستيك.. ده انا
لو باخد فلوس على الشغلانة دى مش حيعملوا فيا كده.. حرام
والله العظيم الإذلال ده.. عصفور إيه الى حقعد اراقبه وبيطير من
البلكونة.. ويروح هناك.. وياكل ويستحمى ويلعب باليه ويرجع
تانى بس يا ربى..؟؟؟؟

ليه يا ربى حكمت عليّ اكون من العيلة الى ما يعلم بيها الا ربنا
دى؟؟؟

طب یعنی هو أم العصفور حیخرج من القفص ازای؟؟ حیخرج

من وسط السلك مثلاً؟؟؟!!!

أحبه!!!

ایہ دہ؟؟؟!!

عزوز يمد منقاره.. يمسك باب القفص.. يرفعه لفوق!!!

عزوز بيعدى وهو رافع باب القفص بجسمه إلى خارج القفص

ويسيب باب القفص ينزل ويقفل.. وهو برة!!!

عزوز دلو قتی خارج القفص...!! والقفص فاضی!!

عزوز طار.. یا ختاااااااااااااااااااای.. ضااااااع عزوز یا

ختاااااااااااااااااااای!!

جرى على البلکونة عشان ألقى عليه النظرة الأخيرة وهو بيتجه

إلى سماء الحرية..

عزوز ما اتجهش إلى سماء الحرية ولا زفت!!

عزوز اتجه إلى بلكونة جارنا.. ووقف على القفص.. وفتح بابه

بنفس الطريقة.. عزوز هرب كل العصافير الى في القفص ومسكلهم

الباب لحد ما خرجوا.. عزوز طلع مُسجّل خطر مش عصفور فيشر..

شيش البلکونه اتفتح فجأة ودخل جارنا الى كان واخذ هو کمان

أجازة عشان يعرف في إيه بيحصل للعصافير عنده.. وهو كمان

اتوظف في «ناشيونال جيوغرافيك ورم» وراقب من صباحية ربنا

وشاف بعنيه الى حياكلهم الدود شيخ منصر العصافير و«جد فاطر»

ما فيا البغبنات عزوز الكلب وهو بيحرر شقا عمر الراجل وعامل

فيها سبارتاكوس...!!!

عزوز اتفزع لما الشيش اتفتح وطار متجهاً إلى موطنه الأصلي...
البلكونة بتاعتنا.. جارنا راقب عزوز وهو بيطيّر ويبصاو صاو صاو
وكأنه بيقوله هاو أو أو.. لحد ما دخل القفص الى انا واقف جنبه
على سور البلكونة.. جارنا.. نقل نظرتة من قفص عزوز إلى خروف
العيد الى واقف بيراقب المشهد.. أنا.. طبعاً كان يوووووم ازرق
منقط كحلى.. مطالبات دولية واسعة المدى بتسليم عزوز.. نشطاء
يتداولون خبر محاولة اغتيال عزوز ببندقية رش عيار اثنين من بلكونة
مقابلة بواسطة قناص.. اتهامات موجهة إلى العبد لله بتدريب عزوز
على الإتيان بمثل هذه الأفعال ووصلت إلى الاتهام بتدريبه في قطر
عن طريق كورسات في قلب ابواب القفص.. خناقة لرب السما بين
أبابا وبين جارنا وسط نظرات السكان لجارنا على إنه مجنون وعصافير
إيه يا أستاذ الى بتروح وتيجى وتدخل اقفاص بمزاجها.. اتهامات
متبادلة منى ومن اخواتى لجارنا بالجنون المفرط ونصائح بإيداعه
عبر الحالات الخطرة كمحاولة لإبعاد التهمة عن الى ما يتصّبَح
ولا يتمسّى عزوز.. عزوز تم قفل باب القفص بتاعه بمشبيين
وشنكل وكان في اتجاه للحم باب القفص.. جارنا الحمد لله.. باع
بواقى العصافير الى فاضلة بعد ما العيال بقت تجرى وراه في الشارع
وتقوله: المجنون اهو اهو.. والاقفاص.. رماها في الخرابة المجاورة..
أبابا فضل شهرين كل ربع ساعة يقوّل:

- شفت یا حیوان؟؟؟

- آہ شفت..

- اتأكدت يا حيوان؟؟؟

- آہ اتا کدت..

- صدقتی، یا حیوان؟؟

[illegible]

أنا.. كنت علي بعد خطوات من تنفيذ الجملة الخالدة الي قلتها

لحارنا:

اعمل على عزوز الكلب ملوخية..

#عزوز قلب الأسد

ده قاعد عندنا بمزاجه

الحرية لعزوز

#حرية أئمة مه كده ايه مش فاهم

خشت کد جنة مه التلاجة يا عزوز

عن الكاتب

- مواليد القاهرة - أكتوبر 1976
- بكالوريوس تجارة القاهرة، عام 1998، "دور نوفمبر وناجح بالعافية".
- خمسة عشر عامًا في مجال الإدارة المالية.
- أحد مؤسسي مؤسسة "اسمعونا" للعمل التنموي.
- رئيس تحرير جريدة "المواطن" الإلكترونية.
- كاتب رأى في جريدة المصرى اليوم.
- صدر له كتاب "اعترفات جامدة"، 2014.
- صدر له رواية حواديت السعادة 2015.
- للتواصل مع الكاتب 1 FB /sherif.asaad

المحتويات

إهداء	٥
مقدمة	٧
تقديم	٩
مطبوعة.. حرية.. عرب	١١
طائرات عملاقة	٢٣
فاطمة الملك	٣١
ميري سلك مواعين	٣٧
عم شاكر مكتشف النار	٤٣
مجالات للبيع	٥١
العجل الأسير	٥٩
القصب المسموم	٦٧

٧٥	فرحتي فوق الشجرة
٨٥	باستا منزلى فور ايفر
٩١	المصيف والضياء
٩٧	شط اسكندرية ١
١٠٣	شط اسكندرية ٢
١٠٩	شط اسكندرية ٣
١١٧	وجود وأقنعة
١٢٥	هرم مايدوم
١٣٥	الواد ده عيوننه.. بدالات
١٤٣	قلل قناوى
١٥١	شوماخر الآخر
١٥٩	إنترفيو مع دبور
١٧١	رجلين ممدوح
١٨٣	طائر الليل السخيف
١٩٣	مبة فى عين الشحات
٢٠٥	بروس ليه؟؟!

٢١٥	 سامية بنت خالتشى
٢٢٧	 باسكت روبنظ
٢٣٩	 بامبرز روكى
٢٥١	 كحك العيد
٢٥٩	 عبدالسلام المجذوب
٢٧١	 عزوز العصفور
٢٨٣	 عن الكاتب

